






44.6.5.

44.6.5.



DE FINIBVS

HVMANORVM ACTVVM

COMMENTARIVS, 225

In c. Cum minister. 23. q. 5.

*Authore Martino ab Azpilcueta
doctore Nauarro.*



VENETIIS,

Sumptibus, ac expensis GEO. I. GRAZI,
Bibliopola Romani. MDCCLXXI.

Handwritten: Domine

12 32 @ 25

Qui manca un cartellino

dell' Erata corrigere

ILLVSTR. EXCELL.

*D. Don Gabrieli à Cueva,
Duci Alburquerqueſi,
Gubernatoriq; Mediolani &c.
iuſtiſſimo pientiſſimoq;
Principi,*

Martinus ab Azpilcueta do-
ctor Nauarrus S. P. D.



I BELLVM hunc, præcellens
Princeps, excellentiæ tuæ di-
care conſtitui, vt vel hoc ſigno
exiguo inſinuem maximam,
qua in te, inq; tuos omnes ſum,
ſemperq; fui obſeruantiam &
pietatem. Eò maximè, quòd non ſolum Mar-
tiis armis arma CHRISTI miſcentes & præfe-
rentes, nouiſtis fortiter pro CHRISTO, proq; ve-
ſtris Regibus in eorum rebelles in bellis pugnare,
vincere, tropheaq; referre; ſed etiam in pace
Reſpub. ita Chriſtianè moderari, vt prima eadēq;
ſumma ſedes Apoſtolica ſemper & ſummè cole-
A i retur.

retur. In tuos inquam omnes, præsertim in illum
 Max. Ducem patrem tuum Beltrandum à Cueva,
 filium primogenitum alterius Beltrandi à Cueva,
 qui egregia in suis Regem, à quo multi Principes
 defecerunt fidem, insigniq; virtute militari Regna
 Castella suo Regi cum primis seruauit. In pa-
 trem inquam tuum, patruosq; tuos, Petrum à
 Cueva & Ludo. à Cueva, quorum ille summus Ma-
 chinarum bellicarum Cesaris, hic summus mili-
 tum prætorianorum eiusdē Præfectus fuit. Quo-
 rum fortia gesta toti sunt orbi nota. In amitas
 item tuas Illustrissimas, præsertim illam Donnā
 Maiorem, quæ nupta Illustrissimo Petro à Na-
 uarra Mariscalo eiusdem Regni: fœliciter pepe-
 rit alterum Illustrissimum Petrum à Nauarra
 Marchionem Cortensem Summum omnium iu-
 dicio in bellis ducem & in pace Gubernatorem.
 Quos omnes, ecclesiastico splendore frater ger-
 manus eorum ille Illustrissimus Cardinalis Bar-
 tholomeus à Cueva exornauit. Cuius animi ma-
 gnitudinem, & in rebus, cum priuatis tum publi-
 cis gubernandis prudentiam & vigilantiam, ac
 in bene constitutis firmitatem & constantiam:
 inq; suam opem implorantes, præsertim nobiles &
 egenos omnimodam pro sua industria, & in Pon-
 tifices Max. & Reges Catholicos gratia: proq; suis
 facultatibus beneficentiam, & eleemosynam, ne-
 mo non laudat in utraque Hesperia. Cause dedi-
 cande

candæ præfatæ accessit altera . Nempe ut episto-
lam apologeticam materiæ libri affinem, quam du-
dum ad te scripseram ; quamq̃, audio à nonnullis
mendosè transcriptam, ei annexerem correctam.
Simul ut enarrem, non quidem tua fortia in Ger-
mania & Aphrica contra CHRISTI hostes gesta,
sed ut in utilitatem Christianam euulgem omnibus
scripto, ut multis euulgavi verbo, rationem illam
arcanam, à circumstantia finis (quæ materia libri
est) desumptam : quam mihi miranti, cur tanto-
pere tua familia CHRISTI & Ecclesiæ præcepta
servabat olim aperuisti, videlicet. Quod inserui-
turos tibi præmonebas, te non tantum gentilia &
innata, sed etiam ascititia, eademq̃, religiosa mi-
litia militem ; oportere tua tuorumq̃, militari vir-
tute CHRISTO Regiq̃, placeretis : idque fieri
non posse ab eis, qui sitim, inq̃diam, ieiunia, vi-
galias, & alios labores militares simul & ipsam
mortem, cum ratio militaris id posceret ferre non
possent, neque ab his qui præcepto, & imperio
ducum promptè parere nescirent. Ideoq̃, neces-
sarium esse, ut qui tibi essent inseruituri assuesce-
rent CHRISTI omnium maximi ducis & Regis,
Ecclesiæq̃, suæ imperio præceptisq̃, parere, ac con-
sequenter ieiunia, vigalias & alia duriora, quæ
Christiana virtus requirit, usq̃, ad mortem ipsam
ferre. Tantoq̃, magis à te illos dilectum estimatūq̃,
iri, quo magis nosceres eos CHRISTO Ecclesiæq̃,

audientiores . Quo factum fuit ut nulla ratione etiam mea sententia iuridica persuadere potuissem, cuiusdam tuo à pedibus deferenti ad me tuas litteras Pampilona in domum natalem meam, plusquam terdecim miliaribus Italis distantem, sub noctem unius diei quadragesimæ, ut cenaret: immo nec mane insequentis diei, ad te reuersurus, ut ientaret . Quo utinam exemplo omnes duces militares, omnesq, patresfamilias moueremur, ad considerandum & reputandum id, quod, Iob docente omnes scimus, videlicet . Vitam nostram esse militiam super terram, & docente ipsomet CHRISTO Regnum cælorum vim pati, violentosq, rapturos illud: ad considerandum inquam hoc, eo hortandum nos primo; deinde nostros; ad abnegandum nosmetipsos. idest appetitus nostro CRISTI voluntati rebelles; & ad tollendas cruces nostras, idest ad promptè subeunda illa, quæ noster vetus homo, siue carnis sensualitas iudicat esse mala, nouus verò, qui secundum spiritum rectum est, bona quo peccatis mortui semper viuamus & moriamur IESV CHRISTO D. N. qui te pientissime Princeps indies pientiorem, sibiq, gratiorem vnà cum dulcissima consorte tua, donna Iohanna de Albama, duce Gubernatriceq, cum primis Christianissima, & mihi in CHRISTO ob seruandissima efficiat . Amen . Romæ .

*De finibus humanorum actuum
Commentarius,*

In c. Cum minister 23. q. 5.

Aug. in questionibus Exodi.

CUM minister iudicis occidit eum, quem iudex iussit occidi: profecto si id sponte facit, homicida est: etiam si eum occidat, quem scit à iudice debuisse occidi.

S U M M A R I U M.

Finium humanorum actuum cognitio ad recte vivendum, & examinandam conscientiam necessaria. num. 1.

Finis cuius malus, ipsum quoq; malum. Et finis cuius bonus, ipsum quoq; bonum. nu. 1.

Gratianus aliqua tribuit utiliter Augustino contrarius Erasmo qui multa ei damnose adimit. numer. 2.

Finis verbum masculino & feminino genere profertur. num. 2.

Intentio est actus voluntatis, & qualis. nu. 2.

Finis exactè diffinitur & declaratur. num. 3.

Bonum duplex verum, & apparens. Idque tri-

A iiij plex,

8 DE FIN. HV. ACTVVM

plex, honestum, delectabile, & utile. nu. 3.
Verbum propter quatuor causas significat; ef-
ficientem, finalem &c. num. 3.

Finis & medium potest esse idem diuerso res-
pectu. num. 4.

Finis primo duplex, ultimus & medius. Ul-
timus item duplex, verus & falsus; Me-
dius item duplex. num. 4.

Bonum quoddam propter se tantum amabile,
quoddam propter aliud tantum, quoddam
propter se & propter aliud; & quæ sunt il-
la. num. 5.

Bonum delectabile propter se amabile. nu. 5.

Finis iterum duplex; cuius, & quo. num. 6.

Finis tertio duplex; operationis, & operantis.
numer. 7.

Finis, quarto duplex, bonus, & malus cum
suis diffinitionibus. num. 8.

Finis quinto, duplex; principalis & minus prin-
cipalis, cum suis diffinitionibus. num. 9.



DICTVRVS de humanorum
actuum finibus, quorum
cognitionem pridem dixi-
mus esse necessariam ad re-
cte viuendum, & recte examinandum
conscientiam, ac confitendum pec-
cata,

cāta; in Repetit. c. Inter verba 2. q. 3.
 nu. 289. delegi pro dicendorum fun-
 damento caput hoc. Cum minister.
 23. q. 5. ex quæstionibus patris nostri
 grauiſſimi Augustini super Exodo de-
 sumptum. Partim quòd eius opem vt
 imploramus; ita etiam speramus. Par-
 tim quòd in variis variorum regno-
 rum academiis prælegendò, frequen-
 tiſſime illud citabamus ad fundandā
 illa duo Boetij. Topic. loca videlicet.
 Cuius finis malus est; ipsum quoque
 malum est. Et cuius finis bonus est,
 ipsum quoq; bonum est. Quæ facile
 deducuntur ex eo, quatenus probat,
 ministrum iudicis peccare occidendo
 hominem, etiam illius iussu in finem
 vindictæ priuatæ. Quia is finis malus
 est. Non aut si occiderit in finem vin-
 dictæ publicæ. Quia is finis bonus est.
 Præmoneo in primis lectorem ca-
 put hoc esse quidem à Gratiano de-
 sumptum ex August. super exod. sed
 non ex vno loco tantum sed ex duo-
 bus.

bus .videlicèt ex q. 71. sub finem & q. 79. neque tam quoad verba, quàm quoad sententiam; vt palam est legenti omnes eius quæstiones super Exo. & conferenti caput hoc cum præfatis duabus; quarum tenores breuitatis gratia non refero: Facio tamen certiore in eis non esse verbum, spontè huic insertum; licet sit verbum; volens, & verbum, per voluntatem: quæ fatis illi æquipollent in d. q. 79. Quæ tamen non sunt ita latè accipienda ac significatio eorum patet. Alioqui. n. probaret hoc capitulum peccare omnes exequutores poenarum sanguinis qui voluntariè accidūt vel mutilant eos, quos iustè iudex occidi iubet. Quia sponte, volentes, & per voluntatem suam id faciunt. Quod est contra c. Non est crudelis c. Qui malos, & c. Homicidas, infra ead. causa, & q. & falsum ac contra consuetudinem omnium totius orbis Christiani confessoriorum; qui passim absoluunt iustitiæ

iustitiæ ministros qui auctoritate publica in id deputati occidunt & mutilant ad id patiendum damnatos, licet non proponant ab eiusmodi officio perpetuo abstinere; Quod iuste facere nequirent, si id verum esset, ob defectum iustæ contritionis quæ huiusmodi propositum exigit. c. Negociū de poen. dist. 5. ^a & latius tradimus in Manuali confessoriorum. cap. i. post princip. Quare intelligenda sunt solum de illo qui voluntariè ad propriam vindictam vel alium finem malum occidit eum quem iudex iuste iubet occidi. Quæ intelligentia satis colligitur ex prædictis duabus quæstionibus Aug. & ex consuetudine quamplurimorum doctorum, qui caput hoc passim allegant, ad probandas illas regulas Boetij in Topicis; citati à. S. Tho. i. Sec. q. 18. ar. 4. Videlicet. Cuius finis malus est, ipsum quoque malum est, Et cuius finis bonus est, ipsum quoque bonum est. Quarum priorem pro-

a
c. Peni-
tētia &
c. Satis-
factio :
de peni-
dist. 3.

probat secundum intelligentiam prædictam iuxta sensum directum: quatenus habet male facere illum exequutorem iustitiæ qui damnatum etiam iuste occidit sponte, idest voluntariè secundum voluntatem propriam, ad vindictam propriam, vel alium malum finem. Posteriores autem probat; quatenus iuxta sensum indirectum, & à contrario collectum habet non peccare illum exequutorem iustitiæ qui occidit cõdemnatum iuste ad finem vindictæ publicæ: qui est bonus, quia interest reipublicæ maleficia puniri. l. Ita vulneratus. ff. ad leg.

b Aquil.^b Quarum regularum prior quæ iuxta sensum directum hinc colligitur. s. Cuius finis malus est ipsum quoque malum est: sine vlla exceptione in vniuersum est vera: Altera vero frequenter fallit: vt infra dicetur. Quia cum bonum constet ex integra causa vt Dionysius ait in c. 4. de diuinis nominib. post Arist. lib. Ethic. & S. Tho. i. Sec. q. 18.

*Vt fame
de sent.
excomm.*

q. 18. ar. 4. in fin. non sufficit boni finis
circumstantia, quò actus sit bonus.
Quia vero ut ipsimet aiunt, malum ex
quocunq; defectu fit, & ideo dicitur
fieri modis infinitis, sufficit mali finis
circumstantia, quò actus sit malus.

ibi Ex hac præmotione colligitur Gra 2
tianum virum grauissimū & rei theo-
logicæ callentissimum, & quendam
aliū, contrario modo sese ad Augu-
stini opera habuisse. Quoniam Gra-
tianus multa quæ nō sunt eius ad ver-
bū ei tribuit. Ille aut̃ alius multa quæ
ad verbum à plerisq; omnibus ei tri-
buuntur, ademit censendo non esse
ipsius. Cuius censuræ, non pauci
adhæserunt. Quod fuit in causa ut ip-
se quoque cum ante 27 annos scribe-
rem, commentaria in tres posteriores
distinctiones de pœnitentia, in exor-
dio earum, in quo Gratianus tribuit
August. librum de pœnitentia, eius
operibus insertum, licet ipsius censu-
ra illi contraria displiceret, eius tamen
in hoc

in hoc Iudicium appellarem sagax : & donum Diuinum . Hunc autem postea quam in quoddam suo libro deprehendi aliquot errores , à nemine ante me notatos , quos in Reper. c. Quando de consecrat. dist. 1. notabili 18. à nu. 13. vsque ad nu. 32. prodidi ab hinc circiter 20 annis anno vsque 1550. & postea quàm noui & à piissimis , eisdemque eruditissimis viris accepi , quod magno cum ecclesiæ scandalo censuerit aliqua cōmuni totius ecclesiæ consensu accepta , & pro irrefragabilibus habita , non esse illorum authorum quibus præfatus communis consensus tribuit , admoneo ipsum damnose , saltem in sacris & sacrorum authorum libris , censendis hallucinatum fuisse . Ideoq; a censuris eius valde cauendum tanquam factis ab eo qui sacram theologiam non à radice neq; a trunco , sed quod eius opera demonstrant , à foliis & floribus delibauit . Quod ipsum nostra ætate
face-

facere multos plus satis humanis, literis deditos non solum circa theologiam, sed etiam circa iuris peritiam videmus, dolentes quod non satis animaduertunt aliud esse; sapientiam, scientiam, & sacræ theologiæ, vel sacris iuris peritiam, hebraicis, græcis, aut latinis verbis prolatam vel scriptam, & aliud ipsam verborum, quibus profertur, & scribitur, significationem, & ideo aliam & longe maiorem operam impendendam rei cognitioni neque sufficere impensam verborum significationi cum à diuersis non fiat illatio l. Papinianus exuli. ff. de minorib.

Dicam ergo breuiter, distincte, ac apte quam potero sine vlllo fuce & vlla ornatus cura quid nam sit & quod duplex actuū humanorū finis, quidq; in eis operetur, & qui eorum illius ratione dicantur boni, & qui mali, qui peccata mortifera & qui venialia rudius quidem barbarius & demissius,

fius, sed longe breuius, neruosius, vtilius & clarius prælucente, opeinque ferente CHRISTO, quàm Cicero in suis quinque libris de finibus bonorum & malorum fide ipsius destitutus: & affectu gloriæ per orationis elegantiam quærendæ, instructus.

Verbum Finis, tã fœminino, quàm masculino genere inuenitur iuxta illud Aeneid.1. quem das finem Rex magne laborum. Et illud eiusdem Aeneid.3. Hæc finis Priami fatorum. Et est extremitas cuiuslibet rei: quod probant præfata Maronis dicta & multæ leges. ff. & C. finium. regund.^a In nostro vero proposito accipitur pro termino, & extremitate, in quam operatio vel intentio operarij se refert. Intentio autem operarij est actus voluntatis: Non quidem ille, quo vult aliquid absolute. Quia ille dicitur voluntas. Nec ille, quo quiescit in aliquo. Quia ille ad finitionem spectat. sed ille, quo vult aliquid tanquam terminum

^a
*Et c. Finē
 litibus de
 dol. Et cō
 tu. Et l.
 Properā-
 dū. C. de
 iud.*

num alicuius rei in illud ordinatæ. Vt subtiliter declarat S. Thom. I. sec. q. 12. art. 1. ad 4.

Diffinitur autem finis, iuxta mentem Aristot. 2. Phisic. S. Tho. & aliorum in 2. libr. sent. dist. 38. ^b esse bonum verum vel apparens, quod propter se appetitum, facit, ut aliud propter ipsum appetatur. Vt pridem diximus, sed non adeo exacte, in repet. c. Inter verba. II. q. 3. nu. 195.

^b
Et eiusdē S. Thom. 1. sec. q. 12. art. 1. & 2. & q. 13. art. 3.

Dixi bonum, pro genere, quia omnis finis est bonum quoddam; sed nō contra, omne bonum est finis. Dixi verūm, vel apparens, eò quòd ut aliquid sit finis, & quiddam appetibile, satis est, & requiritur quòd sit verum bonum, vel apparens. Ita quòd sit bonum vel appareat aliqua ratio quare videatur bonum, iuxta illud Philos. 2. Phisic. Finis est bonum, vel apparens bonum.^a Idq; triplex esse. scilicet honestum, delectabile, & vtile. ut S. Tho. I. par. q. 5. art. 6. ^b Dixi, propter se ap-

^a
Et S. Thom. 1. sec. q. 8. art. 5.
^b
Et prima sec. q. 44 art.

B petitem

petitum, quia si solum propter aliud appeteretur, esset quidem medium ad finem, sed non finis.

Dixi, facit vt aliud appetatur propter ipsum, Alioqui enim non esset finis & terminus. quicquid dixerint Greg. Ariminensis & Gabr. in 2. dist. 38. quibus vbi supra non contradixi.

Per verbum autem, Propter, vt ait S. Thom. 2. sec. q. 27. art. 1. quatuor causæ significari possunt. Finalis, formalis, efficiens, & materialis, ad quam reducitur etiam materialis dispositio. quæ non est causa simpliciter, sed secundum quid. Quatuor enim sunt causæ diligendi & appetendi aliquid propter aliud, & vt dicatur finis; puta, Finalis, vt medicina propter sanitatem, Formalis, vt homo propter virtutem, quia virtute formali est bonus, & ita diligibilis. Efficiens, vt filius alicuius ob patrē. Dispositio quæ reducitur ad genus causæ materialis, vt beneficium propter beneficia, quæ ad id mouent.

Ex

Ex quibus inferitur quòd vt aliquod bonum sit finis non oportet vt id non appetatur ob aliud. Vnum enim & idem diuersis rationibus potest esse medium, & finis: vt temperantia quæ per ieiunium quæritur ad melius seruandum Deo, respectu ieiunij est finis, & respectu Dei medium. Id quod latius mox apparebit.

Finis autem diuiditur primo, in vltimum, & medium. Vltimus est, qui propter se ipsum tantum amatur. & hic est duplex. Alter est verus vltimus, & omnium supremus; & vnus omnium creatorum scopus, qui propter se tantum, & non propter aliud est amabilis. Qualis solus Deus est. vt docet S. Thom. 2. sec. q. 27. art. 1. Quippe qui super omnia est diligendus. Deuter. 6. Matth. 22. Marc. 12. Alter est falsus, quem falsi homines pro sua falsa imaginatione impudentissimè stolidissimeq; tacitè vel expresse fingunt, & adorant. iuxta illud Apost. Quo-

rum Deus venter est, ad Philip. 3. Qualis est voluptas epicureo. In quem Cicero duos libros prædictorum quinque ferè prodegit.

Finis medius est qui propter se & propter aliud amatur. Qui est duplex. Alter vere medius, ille. scilicet. qui vere est propter se ac propter aliud amabilis. Quales sunt virtutes, & omnia honesta. secundum Ambr. lib. 1. de offic. ^a

*Et S. Thom.
mam 1.
par. q. 5.
art. 6.*

Alter falsè medius, ille. scilicet. qui non potest esse amabilis propter se. Qualis est pecunia: vel non est amabilis propter aliud. Qualis est Deus. Quæ autem propter se & propter aliud, recte amari queunt, sunt omnes scientiæ speculatiuæ secundum Arist. 1. Metaph. ^b & virtutes morales aliaque honesta secundum Ambro. lib. 1. de offici. ^c

*Et S. Thom.
mam 1.
sec. q. 3.
art. 6.*

*Et S. Thom.
mam 1.
par. q. 5.
art. 6.*

Hæc siquidem iuste possunt amari propter se tantum, & iustius propter Deum vel alios fines eis superiores. An autem delectabilia sint talia, quæstionis est. Nam S. Thom. 1. sec. q. 4. art. 2. ad secundum

secūdum. ^d ait Delectationes esse propter operationes. At in eadem prima ^{Es in sum} ^{ma corra} ^{Gētil. li.} ^{3. c. 26.} sec. q. 2. art. 6. ad. 1. dixi, delectationes propter se appeti, & nō propter aliud. Si li propter, causam finalem sonet. Immo in argu. 1. allegat Aristot. 10. Ethico. docentem: Ridiculum esse ab aliquo quærere, propter quid vult delectari; cum palam sit quòd propter ipsam delectationem, & hoc videtur verius per latè tradita a Caiet. in d. art. 2. vbi pulchre dicta S. Thom. conciliat, dicens. Bonum diuidi in bonum propter se, & bonum propter aliud. bonum autem propter se, in bonum honestum, & delectabile & ita salus & vita, quæ ad delectabilia reducuntur a Boet. lib. 2. prosa 2. de Consolat. sunt de genere bonorum, quæ propter se solum iustè appeti possunt, id quod ad multa multum perpendere oportet. Cætera verò bona, quæ vocantur vtilia, non sunt amabilia propter se, sed solum ob aliud, qualia sunt, bo-

B iij na



22 DE FIN. HV. ACTVVM

na pecuniaria secundum eundem S. Tho. in d. art. 6. ad 2. Qualia etiam honoraria, scilicet honor, fama, & gloria iuxta eundem 2. sec. q. 132. art. 1.

6 Secundo diuiditur finis, in finem cuius, & in finem quo, quorum membrorum nomina à Ciceronianis parum probantur. Finis cuius, est id in quo est ratio boni. Finis autem quo, adeptio & possessio, siue vsus eius. Ut auari, finis cuius, est pecunia, in qua est ratio boni. Et finis quo, est adeptio, possessio & vsus eius, ut declarat S. Thom. 1. sec. q. 2. art. 8. Et ita finis cuius, totius humanæ vitæ ipse Deus est, in quo summa & infinita ratio boni est. Beatitudo autem, qua beati videntes eum, eo ipso fruuntur, est finis quo.

7 I I I. Finis diuiditur in finem operationis, & in finem operarij seu operantis. Finis operationis est obiectum, in quod suapte natura ipsa dirigitur. Finis operantis est, in quem per operantem

rantem dirigitur operatio. Vt cum quis ædificat domum quo locando eā lucretur; ipsa domus est finis operationis. Finis autem operantis, est lucrari, quod per locationem intenditur. Qua diuisione ad graues difficultates dissoluendas multis in locis D. Thom. vtitur præsertim in 2. dist. 1. q. 1. art. 1. & 3. & dist. 36. q. 1. arr. 5. ad secundum. & dist. 38. art. 2. & in quarto dist. 16. q. 3. art. 1. q. 2. ad tertium & 2. sec. q. 141. art. 6. ad primum.

III. diuiditur finis, in bonum, & 8
malum. Bonus finis est bonum verum aptum medio quo queritur. Non enim potest esse bonus finis nisi verè bonum. Nec sufficit quòd sit verè bonum, nisi medio quo quæritur, sit aptum. Non enim est bonum diligere Deum propter pecunias, vt infra dicitur. illud autem est bonum aptum; quod est obiectum actus, in quod ille suapte natura dirigitur, aut aliquid aliud illo melius. Finis vero malus

est malum culpæ, vel bonum medio quo quæritur ineptum. Finis enim in quantum huiusmodi superior est medio, in quantum huiusmodi secundū D. Tho. I. sec. q. 1. art. 1. ad 1. At malum est inferiora superioribus præponere: immo & æquare c. statuimus, & c. Solitæ de maiorit. & obed.

Auth. de hered. et falc. cap. Ad hoc 86. dist. ^c Quia omnia inordinata mala sunt; cum nihil debeat esse inordinatum §. Si uero, uer. Inordinatum autem nihil.^c Et quia ea

Extra. unā san-ctam de maiorita-te & obedi- ^f quæ à Deo sunt, ordinata sunt ad Ro. 13. ^f Et quia prædia inferiora non debent dominari superioribus; sed eis subseruire. l. 1. §. Sicut & l. 2. in princ. ff. de aqua pluuiali arcenda.

⁶ V. diuisio finis, eademq; maximi ponderis est, in principalem & minus principalem. Principalis est finis, propter quem solum, vel tantum propter illum, ac propter alium fit opus, saltē quoad actionem operis. Dixi solum, ad significandum esse aliquos fines principales totales. Qualis est virtus respectu

respectu operis, quod quis facit eò solo q̄ est honestum : vel quòd recta ratio id dictat. Dixi, vel tantum propter illum ac propter alium ; ad significandum esse aliquos fines principales, qui sunt partiales & non totales. Quales sunt illi duo fines ieiunij ieiunantis aliquo die quatuor temporum, quadragesimæ ad satisfaciendum duplici præcepto, quo illud præcipitur: videlicet præcepto de ieiunando dies quatuor temporum, de quo in c. 1. 2. & 3. 76. dist. & præcepto de ieiunando quadragesimam : de quo in c. Quadragesima de consec. dist. 5. Addidi, saltem quoad actionem illius operis : ad comprehendendum finem principalem concurrentem cum alio maiore, & principaliori. vt cum quis ieiunat, die ad id indicto, vt obediat præcepto Ecclesiæ & placeat Deo. Nam licet finis Deo placendi sit quidam maius, & principalius quàm obedire. Quippe quod est actus charitatis,

tis, quæ præcellit omnes virtutes. c. charitas, 2. de pœnit. distin. 2. tamen quoad hoc est quadam tenus par obedientiæ. Finis minus principalis est dispositio, siue impulsio, ad faciendum aliquid propter aliud, siue sine illa id fieret; siue non. Quales sunt, timor inferni, & spes paradisi: quibus quis ad amandum Deum propter se ipsum mouetur. iuxta mentē. S. Tho. in 2. sec. q. 27. ar. 1. qui ait eam reduci ad causam materiale: & q̄ non est simpliciter, sed secundum quid. Dixi siue sine illa &c. ob multos fines minus principales operum, sine quibus ea non fierent. Qualis est negotium alienum eius qui venit Romam, ob grande aliquod negotium proprium, & non venisset, nisi aliquis aliud minus, cum aliquo salario ei cōmisisset. Eiusmodi enim aduentus finis minus principalis, est negotium alienum licet sit causa, sine qua id non accidisset:

SVMMA-

S U M M A R I U M.

Finem ob aliquem hominem, & alia omnia agere, sed alia & alia ratione. num. 10.

Fine à quo actus suam speciem sortiuntur qui finis est primus in intentione, licet quando est alius ab obiecto sit ultimus in executione. num. 10.

Fine de ultimo vitæ humanæ inquisitio Aristotelis non adeo magnificianda &c. quia facile aliunde discitur. num. 11.

Beatitudo in quo consistit, & quid sit essentialiter. num. 11.

Beatitudo in nulla re creata consistit, etiam iuxta naturalem rationem: non in diuitiis, non in honoribus, non in fama & gloria, nec in potentia, non in ullo corporis vel animæ bono, nec voluptate, licet inhaereat animæ, sed in solo Deo, qui eam producit. num. 12.

Beatos multos falsè dici. nu. 13. Et est, duplex re; & spe consummata patriæ, & consummanda viæ: & hanc tales, & tales habere. num. 14.

Beatitudinis titulo, qui & qua ratione iustè gaudeant. num. 14.

Finem aliquem esse ultimum humanæ vitæ etiam naturali ratione probari. num. 15.

Finem

28 DE FIN. HV. ACTVVM

Finem ob ultimum, hominem omnia agere non videri verum contra. S. Thom. num. 15.

Referri posse omnia quæ non sunt peccata in Decem. num. 15.

Infidelium actus non omnes mali. num. 15.

Referre in Deum nos omniaq, nostra actu vel virtute utile, sed non semper necessarium. num. 16.

Mediorum in finem relatio fit uno actu, quandoq, pluribus, inter quæ plurimum distat. num. 17.

Actus idem non potest esse bonus & malus etiam diuerso respectu. num. 17.

Relatio duplex, actualis & virtualis, quæ diffinitur exactè. nu. 18.

Gratiæ gratum facientis effectus quidam insignis. num. 19.

Referendi nos & nostra Deo modus utilis. num. 19.

Fines duos ultimos etiam falsos, nemo uno & eodem habere potest: num. 20.

Fines ultimi falsi tot quot falsæ opiniones putant esse omnium amabilissima. nu. 20.

Deus firmitus necessario amandus, licet non feruentius & intensius. nu. 20.

Amat qui aliquid ita ut malit frangere legem ad mortale obligantem, quàm desistere ab illo amore; peccat mortaliter. nu. 21.

Finem

Finem ultimum non ponit omnis in eo in quo etiam scienter mortaliter peccat. nu. 22.

Peccatur non habitu, sed actu: cum exemplo quotidiano. nu. 23.

Amare Deum æquè ac aliud vel minus comparatiuè peccatum, non autem simpliciter: numer. 24.

Bonum, aliud propter se solum, aliud propter aliud solum, aliud propter se & aliud amabile. num. 24.

Scire ut scias tantum si & quando peccatum. num. 24.



AD diffinitionem, ac diuisionem prædictas addo, declaroque complura sequutus ordinem propositionis earum. Primo quidem, ad diffinitionem finis positam. num. 3. addo id quod S. Thom. post se ac alios in. 2. lib. sent. dist. 38. diffinit in. 1. Sec. q. 1. art. 1. & 2. Omnem hominem agere propter finem; Immo & alia omnia etiam naturaliter agentia. Secundum philosoph. 2. Phisic. Sed aliter homo rationis particeps,

ticeps ; & aliter rationis expertia. Homo quidem tanquàm sese ad illum liberè sua voluntate mouens . Illa vero naturaliter tanquàm à natura ipso Deo mota. Illud item quod ipsemet in dist. q.1.art.3. determinat. s. humanos actus à fine suam speciem recipere iuxta illud Augustini de Eccles. morib. Secundum quod finis est laudabilis, vel culpabili. Opera nostra sunt laudabilia vel culpabilia. Quia finis qui est ab obiecto, licet sit vltimus in executione ; primus tamen est in intentione. Quod clarius expressit in art.1. & 4. & clarius. q.18. art.18. art.7. & Quod non lauit Bart. in l. Ambitiosa. num.19. ff. de

g
Et q. 20.
art. 2. ad
secundū.

Decret. ab ordin. faciend.

- 31 Ad primam autem diuisionem finis positam. numer.4. in vltimum & medium ; addo primo . Quod operosa illa de vltimo fine foelicitate, ac beatitudine inquisitio Arist. in lib. 1. & 10. Ethic. & verbosa illa Ciceron. in quinque libris de finib. bonorum & malorum,

rum, non est tanti facienda, quanti ego olim illam faciebam, imitatus gloripetas illos, qui malunt discere veritatē per ambages ex philosophia ethnicorum obscura, & nūbila, quā recta ex Euangelio claro & sereno à sacris doctoribus exposito. Quoniam ex I. Ioan. 4. ^h facilimē colligitur finem ultimum cuius, omnium in quo beatitudo nostra consistit esse ipsum Deū increatum summe infiniteque bonū. Ultimum autem finem quo esse beatitudinem siue foelicitatem animæ in-hærentem creatam, quaprehenditur, & in fruitionem habetur ultimus ille finis cuius: Vt ante postq; alios declarat. S. Thom. in 1. sec. dicta. q. 1. art. 7. Et q̃ beatitudo siue foelicitas essentialiter est visio Dei cum illa mira fruitione, quam iuxta Esaïam cap. 64. & Paul. 1. ad Corinth. 2. Nec oculus vidit nec auris audiuit, nec in cor hominis ascendit, vt recte placet. S. Tho. in dicta. q. 3. art. 8. vel fruitio cum vi-
sione

h
Et Magistro sen.
S. Thom.
Scoto &
aliis in 4.
d. 49. &
S. Thom.
in. 1. sec.
q. 1. 2. 3.
& +

sione vt subtilissimo placet Scoto in dicta. q. 49.

- 12 Addo quòd S.Th. ante postq; alios in dicta q. 3. monstrat esse impossibile non solum iuxta rationem fidei catholicæ sed etiã iuxta naturalem beatitudinem nostram consistere in alio quam in ipso Deo. in quo summa & tota ratio vniuersalis boni consistit; dum in art. 1. ostendit non posse consistere in diuitiis. In secundo q̄ neque in honoribus, licet diuitiis meliores sint. In tertio q̄ neq; in fama & gloria. In quarto q̄ neq; in potentia. In quinto q̄ neq; in vlllo corporis bono, cum & salus, & alia corporis bona ordinētur ad animæ bonum. In sexto q̄ neque in voluptate etiam quamlibet honesta. Et in septimo neque in aliquo bono animæ, quàmuis animæ inhæreat beatitudo, qua prehenditur & possidetur id in quo illa consistit, nempe ipsemet Deus. In octauo q̄ neque in vlllo alio bono creato,

to, sed in Deo ipso increato qui creauit nos : quique beatitudinem in animis beatorum facit iuxta illud Aug. 1. de doctr. Christ. Illis rebus fruendum est, quæ nos beatos faciunt. vt declarat. S. Thom. in dicta q. 3. ar. 1.

Quare iure rideamur qui ob quamlibet magna fortunæ, corporis vel animæ bona, gaudemus appellari foelices, antequam Deum intueamur, & antequam sciamus, nos esse illi per gratiam suam accepti. Quod nemo nisi reuelante domino scire potest. Ecclesiast. 9.ⁱ Immo & antequam probabiliter eam nos esse consequutos, & conseruare coniiciamus. Quin etiam scientes vel scire debentes, ea nos carere, ideo quod nouerimus nos in squalido culpæ mortiferæ reatus statu iacere: parum memores illius Seuerini libri de consolat.

ⁱ
Et c. fi. de
purg. ca-
no. & ca-
none.
Sess. 6.
conciij
Trid.

Quid me fœlicem coties iactastis amici?

Qui cecidit stabili non erat ille gradu.

& illius Parthenicæ Marianæ.

*Fœlices quicumque istis à syrtibus altam
 Visuri pacem, sunt in loca tuta recepti.
 Nam neq; mens ullâ secus est habitura quietē
 Nec latos sensura dies nec dulcia sæcla.*

- 14 Nolumus tamen negare posse appellari beatos & fœlices illos, qui gratia Dei gratum faciente fruuntur: etiam si paupertate opprimantur, morbis crucientur, & ignominia, ac tyranni depeffundentur. Illos item, qui non abeunt in consilio impiorum; & in via peccatorum non steterunt. Psalm. 1. & quorum remissæ sunt iniquitates. Psal. 38. Qui timore casto Deum timentes ambulât in viis eius, Psal. 127. & qui immaculati in via ambulant in lege Domini Psal. 118. Beatos in quam spe, non re, beatitudine consumanda, non consumata, viæ non patriæ. Sed nec volumus damnare peccati omnes qui eiusmodi epithetis & titulis fœlicitatis, & beatitudinis ornari gaudent, modo non gaudeant eis, quatenus ob malum culpæ, vel ob bonum

num falsum tribuuntur; aut ob ipsam laudem solam, non referendo eam in alium finem aptum, etiam si ob vera bona illa contingat iuxta ea quæ pridem in dicta repet. c. Inter verba. II. q. 3. num. 335. seruanda diximus; in acceptanda iuste laude humana; & summatim retulimus in Manuali cap. 23. num. 18. De numero quorum iuste se beatos appellari gaudentium, sunt quæ ratione dignitatis interioris veræ vel præsumptæ, vel exterioris, cui virtus animi respondet, vel respondere præsumitur, vel quæ est ei respondendum obligat vel incitat eiusmodi appellationem acceptant, gratias Deo agentes quæ dederit eis illa ob quæ laudantur, aut indolentes quæ nil eorum vel certe non tantum quantum putantur habere habeant. Argu. c. 1. 40. dist. adiuncto. c. Inter verba. II. q. 3.

Addo tertio quod idem S. Tho. in 15 dicta. q. 1. art. 4. probat efficaciter, esse aliquem vltimum finem humanæ vi-

hous

tæ: non solum fide catholica, sed etiã
 illa ratione naturali quòd finis habet
 rationem boni, quam infinitum tol-
 lit. iuxta Philos. 2. Methaphis. Immo
 & in art. 6. tenet, omnia quæ vult ho-
 mo, velle propter vltimum finem.
 Quod tamen nobis non videtur cer-
 tum etiam subintelligendo formali-
 ter vel virtualiter; quicquid Caiet. ibi
 dicat soluendo argumenta Scoti in 4.
 distin. 49. quæ tamen nostra sententia
 minime soluit. Et corroborantur,
 Tum eo quòd peccata quæ peccamus,
 neque referimus, neq; sunt referibi-
 lia in vltimum finem, secundum om-
 nes, & tandem Caiet. 1. sec. q. 8. art. 3.
 & q. 100. art. 10. Vbi ait, omnia, quæ
 non sunt peccata esse in Deum referi-
 bilia; non tamen illa. Tum quia li-
 cet operari, propter id quod est per se
 amabile, non referendo illud in finē
 vltimum, vt infra dicemus. Tum quia
 multi multa volunt, & operantur etiã
 formaliter, & actualiter propter id
 quod

quod est, & sciunt esse contrarium ultimo fini & eius assequutioni: puta omnes qui peccant mortaliter scientes id impedire adeptionē eius. Tum quòd alioqui omnia opera infidelium, qui gloriam vel falsum Deum suum ultimum finem putant, essent peccata, ob mali finis circumstantiam. Quod est contra eundem S. Tho. 2. sec. q. 10. art. 4. Quem ibi Caiet. latè defendit contra Greg. Arimin. qui communiter reprobatus in 2. sent. dist. 38. & seq. id affirmavit.

Addo. 4. Vtilissimum quidem esse dicare omnia opera nostra huic ultimo fini iuxta illud Psal. 44. Dico ego opera mea Regi. Et omnia in nomine eius, qui est D. N. IESVS CHRISTVS facere ad Coloss. 3. ^k Nam & Persius fidei lumine carens, grauiter detestatur oscitantiam nostram, qui parum ob oculos hunc finem ultimum ver-
famur, & minus in illum nostras actiones veluti sagittantes suas in suum

k
c. Non liceat. 26.
q. 5.

scopum sagittas collimamus. Dum
ita increpat.

- Est aliquid quo tendis, & id quod dirigis arcu.

An palam sequeris cornos, testaq; lutoq;

Securus quo pes ferat, & ex tempore viuis?

Et dum subdit. Discite o miseri &
causas cognoscite rerum.

Quid sumus, aut quidnam victuri gignimur?

Vtilissimum inquam est hoc facere:
non tamen adeo in id obligamur, vt
quoties id non facimus peccemus.
Immo plurimum nocuerit credere
omnia quæ facimus esse peccata, nisi
in vltimum finem, qui est Deus, ea re
feramus. Proinde curemus facere il-
lud, vt meritis crescamus; & hoc cui
temus, ne scrupulis angamur.

Addo quinto qd multi putant se nō
facere relationem prædictam quam ta-
men faciunt: & multi contra facere,
quam tamen non faciunt. Pro cuius
rei intellectu notandum: quòd hæc
collimatio, siue relatio operum no-
strorum, in vltimum finem; siue Deū
& alio-

& aliorum mediorum in alios fines, aliquando fit vnico actu, aliquando pluribus. Fit pluribus, quando vno volumus finem, & altero, ea quę sunt media ad finem. Vnico autem fit quādo vno & eodem actu volumus finem & media in illum. vt probat vterque S. Thom. 1. sec. q. 8. art. 3. Plurimumq; refert; an hoc vel illo modo ea velimus. Nam quando finis est bonus & media mala, vel è contrario finis malus & media bona, & vtraq; volumus vno actu, totus ille malus est. Quia vnus & idem actus, nō potest esse bonus, & malus etiam diuersis respectibus. Secundum communem opinionem: quam affirmat S. Tho. in 2. sent. d. 40. q. 1. art. 4.¹ At si diuisim vno actu quis vult orare, vel ieiunare, & altero vanam gloriam ex eo quærere, prior actus potest esse bonus licet posterior sit malus.

Notandum item, qđ hęc relatio est duplex, s. actualis, siue formalis, aut

C iiii expres-

1
Es Ma-
ior d. 17
q. 2. Cai.
sup Mas.
c. 6. Ia-
cob Al-
mayn. in
moralib.
c. 12. ap

tus i hoc
tex. c. Cū
renuncia
tur 32.
q. 1. &
ca. Si. n.
de pani.
dist. 2.

expressa: cum vnico actū vel pluribus
actualiter media referuntur ad finem,
vt proxime dictū est. Et virtualis aut
tacita seu æquipollens. Quæ præter-
missa operosa doctorum disputatione
super hoc adhibita in secundo libr.

18

sent. dist. 40. & attentis magnis argu-
mentis Io. Maioris contra communē,
in quam etiam. S. Thom. inclināt ibi
dem, art. 5.^m diffiniri potest q̄ relatio,

m

Et Caie.
1. Sec. q.
21. art.
3. & q.
100. ar.
10. et ap
tius ad
propositū
q. 8. art.
3. & q.
18. art.
5. & 9.
in addit.
magn.

quæ tacite resultat eò q̄ includitur in
alia generali actuali antea facta; vel
eo quòd aliam actualem specialē con-
sequitur. Vel eo quòd inest actui apti-
tudo ad relationem talem, concurren-
te gratia habituali quæ ad eam incli-
nat. Exemplum primæ partis, est rela-
tio illa tacita, quæ resultat ex eo solo
quòd quis facit bona opera, postquā
generaliter aliquando dicauit & retu-
lit omnia bona suæ vitæ opera, amo-
ri vel obsequio Dei, aut cum profes-
sus fuit Christianissimum, monachis-
mum, vel alium viuendi statum acce-
pit:

pit: aut aliàs quādo cūque, & postea mentem contrariam non habuit. Exemplum secundæ partis est relatio milliarium, siue leucarum, & passuum itineris, quod sine vlla Dei actuali memoria facitis, qui vadit visitare S. Iacobum in compostella, quæ resultat ex eo quod ipse illam visitationem vouit. Exemplum tertiæ partis est relatio bonorum operum eius, qui sine vlla Dei actuali memoria facit in statu gratiæ gratum facientis, & charitatis; resultans ex eo quod sint apta, ut in vltimum finem referantur: & fiunt ab eo, qui habet illum præexcellentem habitum charitatis, & gratiam, quæ ad eiusmodi relationem inclinatur, ut S. Tho. Maior. & Caiet. ubi supra probant. Breuius etiam diffiniri potest secundum Bonauenturam, quem sequitur Gabriel in dist. 41. col. 3. quod virtualis relatio vnius in aliud est illa, de qua interrogatus operans, an tacite illam sentiat? Vere ac affirmatiue respondere

deré potest ita sentire.

- 19 Ex his infertur vnus fructus sæpe a concionatoribus inculcandus illius felicitatis status in gratia Dei. Infertur etiã piissimum esse, vt quisq; nostrum frequenter Deo nostro fini vltimo corde puro dicat, multa dominè volo, nolo, dico & facio : quæ propter se minime sunt amabilia, nec de se sunt mala, siue vlla tui, vel beatitudinis, vel alicuius virtutis, quæ iustus eorum finis esse potest actuali memoria quæ mea fragilitas est. Quare imitatus Psalter. ps. 44. Ego ea omnia & alia opera mea, & me ipsum dico tibi regi & domino meo: protectorq; me omnia illa velle, vt placeã tibi omnium amabilissimo. Vtq; reuerear te omnium reuerendissimum. Vtq; aliquando tua visione, (quæ omniũ suauissima est) perfruar, vtq; hoc iusto fine virtualiter saltem restita, recta sint, & honesta, inque tuum amorem referibilia.

- o Addo. 6. quòd quanquam vnus & idem

idem homo vno & eodem tempore,
 non potest etiam falsè putare duos ef-
 se sibi vltimos fines cuius, neque quo,
 quia id secum pugnat, & compugnan-
 tia constare nequeunt. l. Vbi repugnā-
 tia. ff. de reg. iur. ⁿ Licet item veri fines
 vltimi cuius, & quo nō sint alij quā <sup>c. si enim
 de peni-
 tent. dist.</sup>
 prædicti, etiam iuxta solam rationem
 naturalem, vt probat S. Thom. i. sec. q. 2.
 i. art. 7. tot tamen sunt falsi, quot ali-
 quorum falsæ opiniones, & peruersæ
 voluntates fingunt. Et toties diuersis
 temporibus plures habere potest v-
 nus & idem, quoties suam sacrilegam
 opinionem in aliam in eo illi similē
 mutat. Quia vnicuique idest talis fi-
 nis vltimus, quod ipse putat esse om-
 nium amabilissimum, iuxta illud A-
 post. ad Philipp. tertio. Quorum Deus
 venter est. Ideoq; grauissimum idolo-
 latriæ genus est velle, vel appetere, vel
 amare aliquid aliud à Deo vero tam-
 quam omnium amabilissimum. Im-
 piaq; illa phrasis loquendi Virgiliana,
 ò Me-

ò Melibœe, Deus nobis hæc otia fecit, Namque erit ille mihi Deus &c. Quam quidam nimium sese amantes imitantur; dum sese, suos Deos, suosque angelos appellant, finem sui amoris vltimum sese esse innuentes, contra illud Matth. 16. Qui amat patrem aut matrem plusquam me non est me dignus. Quod tamen intelligendum est de maiori amore quoad firmitatem, non quoad intensiorem & feruorem, vt in Manuali confessoriorum cap. 1. nu. 3. declarauimus. Quo a peccato excusantur plurimi qui longe fortius ac intensius amant sese parentes vxores vel amicos, quàm vltimum finem Deum. Parati tamen saltem virtualiter, prius perdere illum feruentem, quàm diuinum vtcunq; calidum si fors tulerit, vt alter eorum sit necessario perdendus. Quo modo vtinam omnes; qui sic amant & sic loquuntur sint parati, vel saltem peniteat eos non fuisse ita paratos: quo veniam
 con-

confessi consequuntur. Amen.

Qui tamen & omnes alii meminimus, quod toties mortaliter peccamus, quoties ita pecuniam, honorem, amicos, cognatos, heros, duces, Reges, Imperatores, Episcopos, Papam, immo & nos, vitamve nostram amamus: ut malimus legem, (quæ ad peccatum mortiferum obligat) transgredi, quàm prædicta, vel eorum gratiam amittere. An autem id sit constituere tacitè vel æquipollenter finem ultimum in eo quod præfert huiusmodi legi quæstionis potest esse. Quia id videri potest alicui sensisse vtrunque S. Thom. in sec. q. 88. art. 4. & seq. At ipse arbitror non constituere. Tum quia illi patres non exprimunt hoc. Tum quod alioqui bis peccarent omnes, qui semel scienter mortiferè peccarent. Quia transgredierentur legem: quod est vnum peccatum; & ponerent finem ultimum in eo; quod est alterum. Tum quia multi peccant
morta-

mortaliter cognoscentes minime in eo consistere finem vltimum licet no-uerint id esse illi exosum, & licet à tentatione aliqua victi agant illud. Sciunt tamen, id non esse omnium amabilissimum.

²² Addo 7. verè poenitentem, & omnia peccata sua, vt debet, confiteri volentem, recogitare oportere; num aliquando & quoties eo animo, actu siue actualiter, aut virtualiter fuerit. Actualiter inquam, vel virtualiter: Quia non sufficit ad peccandum habitu, seu habitualiter, illo animo fuisse. Quia omnium sententia non peccamus habitibus, sed actibus. Et qui eo habitu est, vt auctoritate propria vindicaret iniuriam, si ei fieret, vel re haberet cum aliqua, si ab ea rogaretur; non peccat; si nullum super hoc alium actum produxerit. Quod etiam ex Cardinali S. Xisti pridem collegimus. in c. Quem poenitet, de poenit. dist. 1. Alioqui enim etiam dormientes

tes peccaremus contra. Clemen. i. de homicid.

Addo 8. Quòd ex verbis illis Chri- 23
sti : Qui plus amat &c. nemo colligat,
eum, qui æquè amat vltimum finem,
qui est ipse Deus; ac se uel aliam crea-
turam, non peccare. Tum quia com-
paratiuè æquè, vel minus amat Deū,
quàm se vel alium, peccat. vt post S.
Thom. i. sec. q. 109. art. 3. diximus in
Manuali cap. ii. nu. 8. Tum quia plus
tenemur diligere illum quàm alios, &
quàm nos ipsos, vt probat S. Thom.
2. sec. q. 27. art. 3. & seruare præcepta
eius plusquam nos, vitamq; nostram.
iuxta illud : Qui vult venire post me,
abneget semetipsum, tollat crucem
suam, & sequatur me. Matth. ii. Quo
docemur, oportere nos perdere vitā;
si aliter eum sequi præcepta eius ser-
uando nequimus. Quæ catholica con-
clusio est, frequenterq; per conciona-
tores inculcanda : Cum passim videre
sit præcepta Pontificum, Regum, Re-
gulo-

gulorum, heroum, & amicorum iniusta, maioris haberi, quàm iusta CHRIS-
 TRI: & hæc ob ea frangi. Dixi superius, qui æquè vel minus amat Deum comparatiuè. Nam qui sine vlla comparatione ad Deum minus vel æquè amat eum, non peccat. Non enim omnis amor quo Deus amatur est malus, eo ipso, quòd non sit sic per omnia erectus, vt videtur præsupponere vterq;
 S. Thom. in 1. sec. q. 109. art. 3.

- 24 Addo. 9. quòd ex hac diuisione prima colligitur esse aliquid, quod propter se solum, & non propter aliud, recte amari potest. Et ita est vltimus finis, quod nequit esse recte medius. Quòd solus ipse Deus æternus, immensus, omniumq; principium & finis est. Est aliud, quod propter aliud solum, & non propter se recte amari potest; & ita non potest esse rectè finis vltimus, neque medius. Cuius generis sunt bona pecuniaria, & honoraria, & omnia quæ dicuntur bona vtilia

lia. Aliud est quod propter se & propter aliud, recte amari potest. Et ita recte potest esse finis medius, & non ultimus. Cuius generis sunt virtutes, scientiæ, & alia honesta; immo & delectabilia; vt prædictum est supra nume. 4. & 5.

Ex quo infertur errasse illos, qui dixerunt, quemdam peccasse in eo, quòd iura diuina, & humana, vel artes liberales disceret, eo tantum fine, vt sciret; non referendo id in alium. Quia scientia est finis medius; qui propter se solum, & propter aliud appeti potest. vt dictum est. Nec obstat illud Bernard. li. I. Medit. quo illi mouebantur; Multi sciunt vt sciant, & curiositas est. Quia intelligendum est de illis, qui discunt scientiam ad gloriam vanam, vel alia vana, vel mala; Vel non ideo, quòd scientia propter se solam, est recte appetibilis.

Fines & scopi ultimi, in quos viatores omnia referant duo sunt. nu. 25.

Finis operantis licet sit posterior fine operationis secundum ordinem executionis, est tamen prior secundum ordinem intentionis, & ita principalior nu. 26.

Lex omnis iusta principalius fit ob. utilitatem publicam quàm priuatam. nu. 27.

Antonomiae quædam graues conciliantur noue nu. 28. & 29.

Legibus aliquot cur renunciari, potest; licet principalius publicam utilitatem quàm priuatam respiciant. nu. 29.

Fortunius Cantaber laudatus. nu. 29.

Finis non idem iuris utriusque secundum communem: sed contra Fortunius: qui quattuor dictis satis conciliatur. Quodq; beatitudo vera quæ Christiana est supernaturali tantum lumine cognoscitur. nu. 29.

25



Irca secundam finis diuisionem positam supra. nume. 6. in finem Cuius, & finem Quo, admonendi sumus frequenter, quòd humanæ vitæ, omnium

omniumq; in hoc sæculo eam agentium, qui viatores dicimur, duo tantum sunt vltimi scopi in quos omnia nostra in Deum referibilia, mediatè vel immediatè, actu vel virtute referre deberemus. Videlicèt finis Cuius, qui est deus ipse increatus, & infinitè bonus. & finis Quo; qui est beatitudo ipsa animæ creata & finita; qua tamen ipse infinitus ad plenam & perfectam satietatem apprehenditur.

Ad 3. diuisionē finis positam supra 26 n. 7. in finē operationis, & operātis addo, q̃ quamuis finis operationis sit tantum unus; finis tamen operarij, siue operantis potest esse multiplex. Nempe, ille ipse, qui est operationis & alij multi: vt ieiunij, quod est operatio, finis est corporis afflictio. Et finis operātis & ieiunantis potest esse illa & alia multa: puta, vitia cōprimere, mentē eleuare, virtutesq; augere. vt missæ præfatio habet. & S. Tho. 2. sec. q. 147. art. 1. declarat. Quamuis item finis opera-

D ij tionis

tionis, quando est alius à fine operantis, sit prior illo secundum ordinē & executionis, finis tñ operantis, est prior secundum ordinem intentionis, vt probat S. Thom. 1. sec. q. 1. ad. 1. & artic. 4. in corpore. ° Est etiam principalior illo iuxta illud Arist. Qui furatur, vt adulteretur, magis est adulter quam fur. Aedificantis enim domum ob lucrum per locationem eius quærendum; primus & principalior finis est lucrum iuxta ordinem intentionis.

Quia ille mouet primum ad ædificandum, licet postremus sit in executione, quia post edificatam domum queritur.

Addo 2. ex his inferri omnem legē iustā esse factā principalius ob vtilitatē publicā quàm priuatā iuxta. c. Erit autem lex. 4. dist. Quia licet multarum finis propinquior, & prior secundum ordinem executionis, sit vtilitas priuata, minorum, mulierum, &c. vt per totum titulū ff. & C. de Minor.

&

o
 q. 18.
 2. ad 2.
 q. 20.
 art. 1. ad
 7.

& ad Velleia. ^p Quia tamen ille finis
 est minus principalis, quamuis pro- ^{et l. 1. §.}
 pinquior secundum ordinem exequu- ^{Huius fin}
 tionis, & utilitas reip. publica quæ in- ^{dy. ff. de}
 de resultat, iuxta l. 1. ff. solut. matrim. ^{iust. et}
 est finis prior secundum ordinem in- ^{iur.}
 tentionis, & ita principalior. merito
 dicuntur omnes latæ principalius ob
 publicam utilitatem quam ob priua-
 tam. Quæ omnia præclare sensit Bart.
 in l. Ambitiosa nu. 19. ff. de Decr. ab
 ord. facien. licet parum cautè appellet
 ordinem intellectus, quem nos appel-
 lamus cum S. Thom. & aliis ordinem
 intentionis, & non abs re. Quia fines
 ad voluntatem, cuius actus & inten-
 tio pertinent; & non ad intellectum.
 iuxta S. Tho. recept. 1. sec. q. 8. in prin-
 cip. & q. 12. art. 1.

Addo. 3. quòd per hæc componi pos- ^{2 9}
 sunt antinomix quædam, & contro-
 uersix; quas nullibi legimus satis com-
 positas, antequam nos scripsissemus
 repet. c. Inter verba 11. q. 3. nu. 299. Pri-

ma est inter illud quod in confesso est
 multos multis legibus renunciare pos
 se. l. Quod fauore. C. de legib. 1 Et in
et c. quod
ob grātiā
de regu.
in. lib. 6.
cū glossa. ter illud, quod omnis lex est facta prin
 cipaliter ob vtilitatem publicam. Et
 quod nemo potest renunciare legi in
 fauorem publicum principaliter latae.

r l. Ius publicum. ff. de pact. 1 Componi
c. si diligē
ti, de for.
compet. tur enim respondēdo, quod hoc poste
 rius intelligendum est de lege, cuius
 vterq; finis primus tam secundum or
 dinem intentionis, quam secundum
 ordinem exequutionis, est publica v
 tilitas. Illud autem prius, de aliis:
 quarum finis primus est vtilitas priua
 ta, secundum ordinem exequutionis.

Altera controuersia est, inter glo. l.
 1. §. Huius studij. ff. de Iust. & iur. & in
 ter Cantabrū nostrum Fortunium do
 ctibus inclytis & quæsitis ingenij, mo
 rum, & eruditionis bene fortunatum,
 & in hac, (quæ omnium totius orbis
 nobilissima prouincia est) Italia omni
 litterarum genere illustratum: in lib.
 de

de ult. fine vtriusq; iuris. in principio. Habet enim illa glos. vsque ad illum recepta: Leges factas in fauorem singulorum; vt minorum, mulierum, & similibus; principaliter quidem factas esse ad vtilitatem priuatorum, sed secundario ad vtilitatem publicam. Fortunius autem contra: eas principaliter latas esse in fauorem publicum, & secundario in priuatum. Componitur enim hæc controuersia; intelligendo verba illa, principaliter, seu primo & secundario glossæ, iuxta ordinem executionis; & non secundum ordinem intentionis. Verba vero Fortunij è contrario. Eodem omnino modo conciliari potest prædicta glossa. cum Archid. & communi, in dicto. c. Erit autem lex. 4. dist. Vt ibi olim cum Salmanticæ decreti cathedram regeremus, conciliauimus.

Est item alia inter præfatum Fortunium & communem antinomia, siue controuersia. Ille enim in lib. præfa-

to de vltimo fine vtriusque iuris in principio tenet ; eundem esse vtriusque iuris & canonici & ciuilis finem. Cuius cōtrarium tenent communis, quam sensit glo.c. Cum contingat de iureiur.verb. Debet communiter recepta & putata singul.ab And. Sic. in c. In præsentia col. 3. de probat. ^aSensit enim ius ciuile dirigere hominem in bonum publicum honestum, non curando de vtilitate animæ. Ius vero canonicum dirigere hominem in vtilitatem animæ vitando eius periculū c.2.de constit.li.6.ibi vt animarum periculis caueatur &c. Quod ipsum tenet Pan.in prohēm.Greg.col.10. post Card.& communem. Omissa tamen altiori disputatione breuiter & nouè dici possent quatuor. Primum, quòd iuris ciuilis quatenus est tantum tale & quatenus constituitur tantum per potestatem sæcularem quæ est naturalis ratione tantum naturaliter ductam non potest esse finis beatitudo & felicitas

^a
*Et c. Nā
 concupi-
 sciētiam
 de const.
 col. 3. Et
 ca. Cæte
 terū ad
 7. de iu-
 ra. caliū.
 Et cap. fi
 lius col.
 2. de te
 sta. Et
 notabilis
 à Domi
 nic. c. 2.
 de const.
 lib. 6.*

licitas æterna, ad quam Christiani & fideles tendimus & adipisci speramus. Quod probatur illo irrefragabili argumento. Nihil potest esse finis alicuius liberè agentis nisi ab eo præcognitus. Quia vt post Arist. ait Aug. lib. 10. de Trinitat. & post eum S. Tho. 1. sec. q. 3. ar. 4. voluntas nō fertur in incognitum. At potestas sæcularis, quatenus est tantum talis, non cognoscit nec cognoscere potest præfatum finem: quia non potest cognosci per solum naturale lumen & rationem naturalem, ergo non potest sibi præstitueri illum finem. Deinde patet eo quòd potestas sæcularis est potestas naturaliter à Deo data generi humano, quæ dirigitur per ius naturale, rationemq; naturalem & ius naturale. 1. dist. & in prin. 5. d. At ratio & cognitio naturalis, non attingit super naturalia: vnde S. Tho. 1. par. q. 1. & ipse cū Scoto & aliis omnibus commentantibus, in prologo sententiarum concludunt

dunt necessariam esse homini scientiã reuelatam & supernaturalem ad hoc vt saluetur, & adipiscatur vitam eternam, quę phýsicas & naturales cognoscere non potest iuxta illud Esa. 64. Oculus non vidit, Deus absque te quę præparasti diligentibus te.

Secundum quòd foelicitas humana huius vitæ temporalis quæ consistit in virtute morali, & naturali, quęque est vita virtuosa naturali rationi, conformis potest esse & est finis iuris ciuilis & legum sæcularium humanarum quatenus illæ tantum à potestate naturali ratione feruntur, iuxta Arist. lib. 5. Ethic. & S. Thom. 1. sec. q. 95. art. 2. & 96. art. 3. & satis probatur in prohemio decretalium ibi. Lex proditur vt appetitus noxius sub iuris regula limitetur, per quam genus humanũ, vt honeste viuat, alterum non lædat, ius suum vnicuique tribuat, informatur. & in c. Factæ 4. dist. Factæ sunt autem leges, vt earum metu humana

coër-

coërceatur audacia, tutaque sit inter probos innocentia, & in ipsis improbis formidato supplicio refrenetur audacia, & nocendi facultas.

Tertium quod iuris canonici siue Pontificij, etiam quatenus est ius humanum; per potestatem ecclesiasticā supernaturalem cōstitutum potest esse, & est finis fœlicitas æterna, quam Christiani quærimus, & adipisci speramus. Tum quia hoc significant præfata ca. Cum contingat de iureiur. & c. 12. de constit. lib. 6. Et etiam c. 1. de pactis. c. 1. de operis nou. nunc. c. Quamuis pactum de pact. lib. 6. c. Licet mulieres de iureiur. eod. lib. totus titu. de summa Trin. in decret. sexto & Clem. totus titulus de baptis. de celeb. missa. de pœnit. & remiss. & multæ causæ: & quæstiones quæ in Decreto Gratiani ponuntur extrauaga. Vnam sanctam, de Maior. & obed. canones item apostolorū & concilia œcumenica & prouincialia in hunc finem principaliter habi-

habita. Tum quare ecclesia CHRISTIANA sicut à Christo clauem potentiae suae summam, eandemque supernaturalem potestatem ligandi atq; soluendi etiam mediantibus legibus accepit c. Quodcunque 24. q. 1. & extrauagan. Quia quorundam Io. 22. de verb. signi. ita etiam accepit clauem scientiae ac cognitionem fidei orthodoxae, vt per præcitata constat, & ita legibus supernaturali potestate à se latis finē quoque supernaturaliter, lumine fidei cognitum & præstituerē potuit & præstituit.

Quartum q̄ iuris ciu. quatenus est à Christianis Imperatoribus & regibus etiam potestate naturali compositum aut approbatum, finis potest esse & est foelicitas æterna, quam Christiani credimus & speramus. Quoniam licet potestas eorum sit tantum naturalis, & non possit ad supernaturalia extendi, habent tamen cognitionem fidei infusam, & acquisitam, qua cognoscunt

scunt & credunt vitam quam Christiani quærimus eternam: & ita vt omnia virtutum aliarum opera possunt in eā referre ac frequenter actu vel virtute referunt: ita etiam, suum ius suasque leges, quæ sunt opera quædam eorum præcipuè possunt in eandē referre ac referunt. Quod satis constat ex inscriptione illa Cod. In nomine D. N. IESV CHRISTI & ff. In nomine Domini, & clarius ex. l. 1. & l. 2. & l. Inter claras cum his quæ inferuntur ei ex epistola Iustiniani de Summ. Trinit. & ex l. 1. & 2. de vet. iur. enuclean. & titulis de Episcop. & cleric. & de Episcopali audien. & aliis multis. Quibus quatuor arbitror dictis, satis cōciliari posse illa quæ præfatus eruditissimus Fortunius ait cum his quæ communis docet. Ex quibus infertur id quod ipse persuadere nititur. Ius ciuile compositum a Iustiniano ex mente ipsius explicita vel implicita ita interpretandū vt non fuerit ei vlla intentio contraveniendi

niendi sacris canonibus legitimè ab ecclesia Papa & conciliis œcumenicis ante illum latis vel postea ferendis : quoad eà quæ ad vitam æternam consequendam sunt necessaria :

S U M M A R I U M.

Actus cuiuscumque virtutis, quamlibet bonus, & principaliter fiat ob bonum temporale siue pecunianum siue honorarium malus. nu. 30.

Regula illa cuius finis malus est &c. sine ulla exceptione vera. nu. 30.

Bona virtutis, & anima prestantiora bonis corporalibus & utilibus. nu. 30.

Fortia facta ob honorem aut pudorem peccata. numer. 31.

Actus virtutum facti principaliter ob salutem, & vitam mali, secundum Adrianam. Id tamen non esse verum in omnibus. nu. 32.

Actus virtutis iustæ sit minus principaliter ob temporalia bona. nu. 33.

Finis iustus omnium actuum, omnium virtutum Deus :


Beatitudo & virtus, ut comprehendit diuinam, & humanam & ratio, ut est genus ad naturalem, & super naturalem. num. 34.

Fine

Fine quo satisfat obligationi ponendi finem actui.

num. 35.

Finis malus, quia malum culpa; & finis malus quia ineptus multum distant. num. 36.



X quarta finis diuisione 30
posita supra nu. 8. in bonum & malum, & membrorum diffinitionibus, colligitur primo. Quod quicumque aliquem virtutis actum agit, principaliter ob bonum aliquod temporale pecuniarium, immo & honorarium, quod pecuniario maius est, peccat si actualiter vel virtualiter non referat illud in Deum, aut beatitudinem, vel in aliquam virtutem ei convenientem generalem, vel specialem. Tum, quia sine vlla exceptione vera est illa regula topica supra num. 1. citata. Cuius finis malus est, ipsum quoque malum est; fundata in hoc c. Cum minister, & aliis postea citandis; licet altera eius germana. s. Cuius finis bonus est, ipsum quoque bonum est frequenter sit falsa.

falsa c. forte, quod de furante ad elemosynam faciendam agit, & c. Deniq; 14. q. 6. At finis medio minor ineptus est, & consequenter malus. Et constat virtutes, et animæ bona præstare bonis corporalibus & vtilibus c. Deteriores. 6. q. 1. ergo hæc inepta sunt vt illorum fiant scopi & fines. & per consequentem, qui ea facit finem principalem actus virtutis, inordinatè maleq; facit. Tum per illud Persij ab omni schola Christiana receptum. Recti finem extremumq; esse recuso. Euge-
tum & belle. Tum quia grauissimè id determinat Adrian. Quodlib. q. 1. per illa verba. Qui vult bene agere, Deo placere, iustè iudicare, liberalem, fortem, magnanimum, temperatum se exhibere, propter honorem, corporis salutem, siue id intendat, vt finem totalem, siue vt finem partialem, actus neque iustus nec liberalis, neque magnanimus est: sed agit male, & peccat. Per dictum item Arist. Ethicor. 3. om-
nium

nium sententiæ consonum. Qui quâlibet strenuè pugnet: si ob honorem, & gloriâ, vel pudorem id facit, non agit fortiter, sed virtuosè. Et per illud Augustini relatum per Magistrum, & alios in 2. dist. 38. & à S. Thom. Quodlib. 2. art. 2. Qui ob victum prædicat nõ meretur sed peccat. Et Caiet. super Matth. cap. 7. pag. 2. Qui largitur elemosinam, vt laudetur, saltem venialiter peccat. Et ante illos Gratian. ca. fin. 23. q. 6. Qui dat ob pudorem, & rē & merita perdit. Neque bene agit qui bonum ob timorem agit.

Ampliandam esse conclusionē hāc 32
etiam ad eum, qui agit aliquem virtutis actum ob corporis salutem, exprefit præfatus Adrianus, vbi supra, sed contra putamus. Tum quia sup. nu. 5. diximus, vitam, & bona delectabilia iustè posse amari & appeti propter se tantum. Cui consequens est, iustè illa fieri posse finem aliquarum bonarum operationum. Tum quòd alioqui cō-

E sequeretur,

sequeretur, quòd actus abstinendi a nimio cibo, & potu, qui sunt actus virtutis abstinentiæ, & sobrietatis, ad conseruandam salutem & vitam : Vti etiã pharmacis, & aliis medicinis, ad recuperandam salutem amissam, esset peccatum : Quod est contra omnium doctorum mentem . Quare illud Adriani arbitror limitandum, vt solum habeat locum, in actibus virtutum maiorum virtutibus illis, quorum actus iustè ordinari possunt ad salutem & vitam . Quales sunt amor Dei, & actus spei, & religionis . Quarum finis apertus & proportionatus nequit esse salus & vita hominis . Vnde qui amaret Deum, vel crederet in eum, vel speraret in eo, vel eum veneraretur principaliter propter salutem, & vitam suã conseruandam peccaret. Quia de illo, quod est minus bonum faceret finem maioris boni . Ille vero qui actum abstinentiæ, sobrietatis, temperantiæ, continentię & aliarum similium virtutum,

tutum, finem faceret suam vitam, & salutem, non peccaret. Immo si alia in id necessaria concurrerent, mereretur.

Ampliaret etiam aliquis hanc con- 33
clusionem per præfati Adria. dictum, etiam ad actus qui licet principaliter fierent propter finem debitum, minus tamen principaliter fierent propter bona utilia, eo quod ipse ait præfatam conclusionem esse veram, siue ille finis sit totalis, siue partialis. Sed non recte faceret, qui sic ampliaret eam. Immo est limitanda ut solum intelligatur de fine principali, & non de minus principali. Quia nihil ait Adrianus de fine minus principali, sed solum de partiali, qui frequenter est principalis. Quoniam duo fines parciales possunt esse principales unius, & eiusdem actus. §. Affinitatis, Insti. de nupt. & infra dicemus exemplum de ieiunio, quo quis ieiunat dies quatuor temporum quadragesimæ, in finem satisfaciendi præcepto de ieiun-

nando dies quattuor temporum, & in finem satisfaciendi præcepto de ieiunanda quadragesima. Qui duo fines sunt quidā partiales, sed principales.

34 Colligitur. 2. quòd omnium actuū quarumcunque virtutum finis principalis aptissimus & optimus est Deus ipse; qui est vltimus finis cuius, omnium rerum. Beatitudo item, quia est vltimus finis quo, potest esse finis & principium omnium actuū intellectus & rationis, quamuis nequeat esse finis principalis charitatis & amoris Dei: qui propter se ipsum solum principaliter est diligendus. Vt S. Tho. declarat 2. sec. q. 27. art. 3. Virtus item in genere, & recta ratio, sunt fines boni & apti omnium virtutum & actuū illarum. Quisquis enim agit iusta, fortia, & temperata; quisquis amat Deū, vel credit in eum, vel sperat in eo; quia id facere est virtus Theologæ, vel moralis, vel quia ratio naturalis, vel supernaturalis id dictat, bene facit.

Quæ-

Quælibet etiam virtus est finis aptus actuum ad eam conuenientium. Qui enim iusta facit, quia iusta sunt; qui fortia, quia fortia sunt: quiq; temperata, quia temperata sunt: bene facit. Finis item aptus est etiam quælibet virtus altior, & maior respectu cuiuslibet actus inferioris virtutis. Nam qui iusta, fortia, vel temperata, facit, vt placeat Deo; vel vt charitas, fides, & spes magis ac magis augeatur in eo, rectissime agit.

Tertio colligitur, quod obligationi quam omnes habemus præstituen- 35
di fines bonos, & aptos omnibus nostris actibus deliberatis, vt in præludio S. Manualis, diximus; satisfacimus optimè quidem, si eos agamus, vt Deo placeamus; & egregiè, si vt fiamus beati: & sufficienter, si eò quod sunt recti, vel honesti, seu virtuosi; seu quia recta ratio diuina, vel humana id dictat. Nam quodlibet horum, quæ in effectum idem sunt, licet verbis diffe-

rant, est iustus generalis finis omniū actuum quarumlibet virtutum. Sufficiens item satisfacit præfatæ obligationi, qui aliquod iustum facit, quia iustum est; vel forte, quia forte est; & modestum, quia modestum est. &c.

Quia quælibet uirtus specialis est iustus finis actuum ad eam pertinentium. Satisfacit etiam, qui ieiunat, aut refrenat iram, ut animam & corpus quadam tenus Deo sacrificet. Quia virtutem altiore .s. religionis, facit finem actuum virtutum inferiorum, videlicet abstinentiæ, & mansuetudinis. Non tamen contra satisfaceret, qui oraret, vel sacrificaret principaliter ut abstinens fieret. Quia virtutem inferiorem faceret finem principale actus virtutis superioris. Quod non licet per prædicta.

- 36 Quarto infertur quod finis malus, eo quod sit malum culpæ, & malus, non eo quod est malum culpæ, sed quia ineptus est, eo quod sit medio
minor,

minor, plurimū differunt. Primo quidē, quia ille nō potest esse finis principalis, neq; minus principalis actus boni, etiā si tātū veniale malū sit. Hic autē licet non possit esse finis principalis, potest tamen esse minus principalis. Ieiunare siquidem, & orare, immo & diligere Deum, si ea etiam minus principaliter, ob furtum paruum, veniale tantū, vel ob inanē, (quæ venialis tantum sit,) gloriam agas, peccas: etiam si principaliter ob Deum ipsum ea feceris. Qui autem illa principaliter facit ob Deum, beatitudinem uel virtutem, siue qua recta sunt, non peccat: etiam si minus principaliter, ob ea speret assequi aliquod bonum temporale, pecuniarium, vel honorarium ut mox probabitur. Secundo differunt; quod ille nulla relatione ad superiorē finem potest fieri aptus, hic autem sic. Qui enim ieiunat ut furetur ad dandū pauperibus, peccat. Quia ut dictum est supra nu. 15. nullum peccatum re-

ctificatur, per eius in finem bonum relationem. Qui autem ieiunat ob pecuniam, quam ob id sperat, ad hoc ut eam pauperibus eroget, non peccat: immo bene meretur. Quia illa pecuniæ acquisitio in erogationem pauperibus amore Dei faciendam, relata; transformatur in finem charitatis: quæ finis omnium operum bonorum sanctissimus esse potest.

S U M M A R I U M.

Causa finalis incaute diffinitur à Bartho. nu. 37.

Finem principalem non arguit cessatio operis illo cessante. nu. 37.

Fines multi possunt esse principales eiusdē act⁹. n. 37.

Actus omnis cuius finis etiam minus principalis est malus, malus. nu. 38.

Finis minus principalis nullius actus virtutis potest esse bonum temporale. nu. 39.

Finis minus principalis inseruiens Deo, ecclesiæ & prælato, potest esse beneficium ecclesiasticum; & mutuantis lucrum. nu. 39.

Mutrans iuste sperat lucrum minus principaliter nu. 39.

Distributiones ob lucrandas minus iuste surgunt. num. 39.

Pœnas

Pœnas qui statuunt, & qui ob eas obediunt, ut peccant. nu. 40.

Timor seruilis qui bonus, & qui malus. nu. 40.

Premia qui statuunt, & qui ea querunt ut peccant. nu. 41.

Timore Deo seruientium, qui bene, & qui male merentur. num. 42.

Timorem quem non compatitur charitas. n. 42.

Finis principalis orationis iustus nequeunt esse temporalia. nu. 43.

Finis minus principalis, & obiectum orationis possunt esse temporalia, non autem finis principalis. nu. 43.



EX quinta finis diuisione supra nu. 9. posita, in principale & minus principalem, eorumq; diffinitionibus, infertur, primo, quod parum cauta est diffinitio finis, seu causę principalis finalis. Barto. in l. 2. §. fi. ff. de donat. & quam sensit glossa. l. 1. §. Sexum. ff. de postulan. & alij quos citauimus in repet. c. Inter verba. nu. 89. ii. q. 3. ^fvide licet, esse finem quo cessante cessat opus. Tum quia illa multis finibus ^fminus

*Et in ca.
Cum cessante de
appellat.*

minus principalibus conuenit . per
 prædicta in dicto nu. 9. Tum quòd alio
 qui paucissima essent opera etiam in
 sese bona, quæ non essent peccata.
 Omnes enim virtutum actus, quorum
 finis principalis est aliquod bonum tẽ
 porale est peccatum . vt supra nu. 30.
 probatum est. & rarissimi sunt qui, ni
 si ob ea speraretur aliquid temporale,
 illa facerent. iuxta illud Iuuenal. Quis
 virtutem amplectitur vnã, præmia
 si tollas? Tum quia licet operis cessa
 tiõ, cessante causa, sit aliqua coniectu
 ra quoad forum exterius, quòd sit prin
 cipalis, non tamen concludit; & quo
 ad forum interius nihil ferè facit. Quo
 niam quoad illud æstimatio animi,
 qua sic vel sic æstimantur causæ facit
 vt alia sit principalis, alia vero minus
 principalis.

Secundo infertur, q̃ vnus et idem
 actus potest habere multos fines prin
 cipales, et multos minus principales,
 et multos, quorum alius, vel alij sunt
 prin-

principales, et alius vel alij minus
 principales. Pro quo est. §. Affinitatis.
 Inst. de nupt. ^t Potest enim quis ieiuna-
 re principaliter vno et eodem die, *Et l. libro*
 quo fiat abstinens; et quo præcepto *ri. ff. de*
 ecclesiæ obediat: et quo pro peccatis *his qui no*
 satisfaciat: et quo Deo placeat. Et pri- *tatur in-*
 mo fine meritum abstinentiæ mere- *fam. ubi*
 tur; secundo obedientiæ; tertio pœ- *et in l. 1.*
 nitentiæ; quarto Charitatis. vt pri- *n. 28. ff.*
 dem diximus, in. c. Fratres nu. ii7. de *sol. matr.*
 poen. dist. 5. Quod plurimum nos mo- *trad. Bar.*
 uere debet ad facienda bona, ob mul-
 tos fines bonos: quò multa merita ea-
 dem opera, et labore quæramus; refe-
 rendo in multos fines principales ea-
 quæ ob vnum tantum facimus. vt in
 prædicto exemplo.

Tertio infertur quòd omnis actus
 quilibet bonus, cuius finis siue prin-
 cipalis siue minus minus principalis
 est malum culpæ, saltem venialiter
 adeo est malus, vt nulla relatione in
 bonum aliquod etiam summum, fieri
 potest

potest bonus. Nec abstat quòd subtili-
 ter opponi potest dixisse nos supra;
 nu. 35. quòd finis malus, eo solo quòd
 est ineptus ad hoc ut sit finis principa-
 lis potest esse bonus, si referatur in al-
 tiorem finem, putà actus iudicandi
 ac consulendi ob amorem pecuniæ,
 propter ipsammet solam est peccatū,
 saltem veniale; fieri potest bonus re-
 ferendo pecuniam ad largiendam ele-
 mosinam, vel ad honestè viuendum.
 Non inquam hoc obstat. Quia consu-
 lère vel iudicare ob pecuniam prop-
 ter se solam est alius actus ab actu con-
 sulendi, et iudicandi propter pecuniā
 in prædictos fines relata. et ita non
 probat argumētum, quòd idem actus
 qui est malus ob finem malum culpæ,
 fiat bonus per relationem finis illius
 in alium maiorem. Quamuis probet
 quòd vna et eadem res, quæ propter
 se tantum desiderata inficit desiderium,
 eadem propter aliud desiderata rectifi-
 cat illud. Sed illa desideria non sunt
 vnum,

vnum, neque possunt. esse; quia secum pugnant; sed duo quorum alterum est bonum, et alterum malum.

Quarto inferitur quòd licèt nullius actus virtutis finis principalis possit esse bonum temporale. Immo quilibet actus virtutis quàmlibet in se bonus, afficiatur malus, si fiat principaliter ob aliquod bonum temporale; nō tamen si fiat minus principaliter ob illud. Primo quidem per illud psal. 118. Inclinaui cor meum ad faciendas iustificationes tuas in æternum propter retributionem. vbi verbum, propter, significat causam impulsivam, siue finem minus principalem. Quòd significare aliquando dicit S. Tho. supra. nu. 3. citatus in 2. sec. q. 27. art. 1. Deinde Urbanus Papa in c. si officia. 59. dist. et Cælestinus. in c. Quid proderit. 61. dist. determinarunt licere clericis servire Deo in ecclesiis, ob spem ascendendi ad dignitates illarum. Immo Gelasius in c. Consuluit 74. dist. dixit
in

in hæc verba. Commoda præsbiteri propensius quàm diaconi consequuntur, vt hac saltem ratione constricti, & honorem quem fugerant appetere nistantur, & quæstum. Tertio quòd Valerius Max. lib. 2. cap. 1. de Aræopago, ait vberimum virtutis alimentum esse honorẽ. et Cicerò à Christianis probatus, & ab Augu. relatus lib. 5. de Ciuit. Dei cap. 2. Honor alit artes. & Iuuenalis Satyr. 10. Quis virtutem amplectitur ipsam premia si rollas? Quarto quòd glossa recepta in dicto. c. Qui proderit, dicit expressè per illum textum, licere clerico seruire in ecclesia, ad quærendam aliquam dignitatem, modo principaliter ob id non seruiat. Cui similis est glo. 1. c. Hoc ad nos, 59. dist. Quinto quòd glo. c. Consuluit, de vsur. habet, quòd licet peccet qui mutuatur principaliter ob lucrum, non tamen qui principaliter id facit vt iuuet proximum, & quia id ratio dictat: Quamuis minus principaliter, & secũdario

dario id speret. et glo. c. Cum esset de
 Symon. et. c. Cum ad nostrā de elect.
 aiunt: Symoniam quidem admittere
 illum, qui praelato inseruit principaliter
 ob beneficium ecclesiasticum prae-
 fertim interueniente pacto. Non au-
 tem qui principaliter ob alium ius-
 tum respectum inseruit; licet secun-
 dario, et minus principaliter ob illam
 spem inseruiat. Quod pulchrè de mo-
 re declarat Adrian. quodlib. 9. art. 2.
 sub littera L M N O. Facit denique
 glo. illa celeberrima. c. 1. de cleric. non
 residen. lib. 6. quæ ait; peccare quidem
 eum qui surgit ad matutinas preces
 principaliter propter distributiones
 quotidianas: Non autem illum qui
 surgit principaliter ut Deo inseruiat,
 & minus principaliter & secundario,
 ut eas lucretur.

- Quinto infertur ratio excusandi su-
 periores præcipientes aliqua sub pœ-
 na temporali, et subditos obediētes
 ob eam eis; Qualia sunt citata per Gra-
 tian.

u tian.in c.1.2.3. & 4.26.q.6. ^u cum mul-
 tis aliis Pontificiis & Cæsareis decre-
 tis, quibus superiores metu pēnarum
 cogunt subditos ad agendum bona,
 & ad abstinendū à malis. Videri enim
 posset alicui, hoc esse peccatum, eo q̃
 videatur incitare subditos ad peccan-
 dum; nempe ad obediendum ob fi-
 nem excusandi se à pœna temporali;
 quod est quoddam bonum tēporale,
 & tale bonum non potest esse finis
 actus virtutis. & si subditi peccarent
 obediēdo propter pœnam, peccarent
 etiam superiores præcipiendo ali-
 quid sub ea. Quia facientes & consen-
 tientes. &c. Motum. 2. q. ^x Sed ratio ex-
 cusandi à peccato tam superiores quā
 subditos est, q̃ ipsis non statuunt pœ-
 nas ea mente, vt subditi principaliter
 ob eas obediant. Quia id esset velle vt
 peccent; & consequenter ipsi pecca-
 rent. dicto. c. Notum. 2. q. 1. Sed po-
 tius ea vt inferiores obediant princi-
 paliter ob virtutem, & minus princi-
 paliter

& c. irre-
 fragabili
 de offi. or-
 di. & c.
 Vt cleri-
 corum de
 vit. et ho-
 nest. cleri-
 cos.

x
 & c.1. de
 offi. dele.

paliter ob pœnas. Et ita non peccant: quia non iubent quicquàm, quod sine peccato nequeat impleri per inferiores si velint. Et si ipsi obediant eis principaliter ut euitent pœnam; peccant quidem quoad forum interius, non culpa superiorum sed sua propria: cum possint ea sanctè implere solius virtutis amore, aut saltem eius amore principaliter, & minus principaliter pœnæ timore: amplectentes illud: Oderunt peccare boni virtutis amore. & fugientes illud: Oderunt peccare mali formidine pœnæ. Itaque quicumque principaliter præcipiunt vel obediunt ad pœnam, peccant quoad forum interius; Qui vero principaliter ob virtutem, & minus principaliter propter pœnam, recte agunt. Qui vero penitus ob solam virtutem obediunt, melius agunt: & experientur illud falsum dictum glossæ. c. i. de collus. deteg. Deus non est remunerator verborum sed aduerbiorum, id est nō

remunerat bona facta, sed bene facta.

- 4ⁱ Vⁱ. Infertur ratio qua excusantur legislatores, & alij pij & eruditi, qui in Indiis & alibi solent inuitare fideles muneribus & blanditiis ad fidem catholicam: & parentes filias ad religionem ne innuptæ pereant, & heri siue domini qui promittunt præmia famulis cōfidentibus & communicantibus extra quadragesimam; & qui statuunt in ecclesiis distributiones quotidianas horis canonicis interessentibus. Licet enim secūdo videri possent peccare eò q̄ incitant ad faciendum actus virtutum propter bona temporalia, & sic ad peccandum, excusantur tamen eo quòd qui talia promittunt, & statuunt non ea mente id faciunt, vt ij quibus illa promittuntur, ob ea principaliter moueantur; sed vt per ea veluti per calcaria, minus principaliter moti & impulsī, ea bona principaliter ob Deum, vel virtutem faciant. Sicut glos. singularis, quæ penul

nultimā est, c. i. de Cleric. non resid.
lib. 6. probè sensit. Nam qui contraria
mente mouerent, vel mouerentur,
peccarent.

VII. Infertur, quod omnia illa quæ 42
probant licitum esse seruire Deo ob ti-
morem malorum, vel amorem bono-
rum, quale est illud Math. 10. Eum ti-
mete qui potest animā & corpus per-
dere in gehennam: vbi, timete, signi-
ficat, seruite cum timore. Secundum
Gratian. 23. q. 4. in summa. Qualia
item alia multa, quibus olim sub lege
naturæ & Moysayca, & post eas sub le-
ge gratiæ, Deus ipse multos ad iusti-
tiam, vel ad augmentum eius traxit, &
trahit amore bonorum temporalium,
& timore malorum temporalium vel
æternorum. iuxta illud Esai. 1. Bona
terræ comedetis. adiuncto. c. Non om-
nis. 5. q. 5. ^x Quod omnia inquam intel-
ligenda sunt de amore quo bona tem-
poralia minus principaliter timentur. <sup>Et c. Na
lucdono
ser. 23.</sup>
Timor enim seruilis quo principalius 9.4.

mala poenæ timentur quàm malum culpæ, & qui hominem ita afficit, vt nolit peccare propter poenam, peccaturus, si ea non immineret, peccatum est, & mortiferum quidem, si tale est illud, à quo propter timorem abstinet. Nec eum charitas compatitur. sed seruilis ille quo timetur quidem malum poenæ, sed minus principaliter & minus quàm malum culpæ, & quo ad Deum accedimus, bonus est, & donum Dei: vt colligitur ex S. Thom. 2. sec. q. 19. per totam. præsertim. art. 4.

- 43 VII. Infertur non obstare prædictis quòd licet petere à Deo temporalia. iuxta illud Pro. 30. Tribue victui meo necessaria. & quòd illud licet desiderare, qđ licet & petere. Aug. lib. de orando Deum, ad Probam. Et quòd iuxta doctrinam dominicam Mat. 6. & Luc. 11. qua docuit nos petere panem nostrum quotidianum. Et quòd petitio à Deo, actus est virtutis, & non qualis qualis, sed religionis, quæ est moraliũ
suprema

suprema iuxta S. Tho. 2. sec. q. 81. ar. 6.

Infertur inquam, hæc non ob stare.

Quia aliud est obiectum vel materia actus virtutis, siue finis operationis de quo agunt prædicta. Quod concedi-

*Et l. Ve-
luti ff. de
inst. et
iur.*

mus esse frequentissimè bonum tem-
porale. aliud finis operarij & princi-
palis, de quo loquimur. Vnde qui pe-
tit à Deo victum vel temporalia bona
non debet facere illa finem orationis
sue principalem, sed ipsum Deum cui
obsequitur orando vel volendo ad ob-
sequendum ei, vel in gloriam eius.
Quod utinam omnes animaduerta-
mus, licet possit facere minus prin-
cipalem.

S U M M A R I U M.

*Finis principalis actus virtutis nequeunt esse
Laus, honor, fama & gloria. nu. 44.*

*Intellectus illius Pauli. Qui gloriatur in domi-
no gloriatur &c. nu. 44.*

*Prædicanti ob gloriam humanam non queritur
aureola doctoralis. nu. 44.*

86 DE FIN. HV. ACTVVM

*Bona honoraria esse bona fortunæ, ineptaq; ut
sint finis principalis virtutis . num. 44.*

Possunt autem esse finis minus principalis. nu. 45

*Restitutio bonorum pecuniariorum excusatur si
fieri non potest, absque amissione honorario-
rum, num. 45.*

Brauea ad honorem incitantia licita . num. 45.

*Coronas honoris varias, pro variis gestis Ro-
ma instituit. nu. 45.*

*Laureæ honoris litterariæ tres, baccalaureatus,
licentiatus & doctoratus . nu. 45.*

*Honoraria bona quæ probant esse inepta pro fine
actus virtutis, intelligenda de fine principali,
& quæ contrarium probant de minus principa-
li. num. 46.*

Laus quid, & in quo ab honore differat. nu. 47.

*Laus etiam sine sermone litteris sacris & cano-
nicis . nu. 47*

*Laus non solum viriuti, sed etiam alijs bonis de-
bita . nu. 47.*

Honor quid? nu. 48.

*Fama quid? & aliter quàm à iuriconsulto diffi-
nita . nu. 48.*

Gloria quid? nu. 49.

Reuerentia quid? nu. 49.

*Honoraria bona. f. reuerentia, laus, fama, honor
& gloria conueniunt. Primo quòd nunquam
aliud pro alio ponitur, secundo quòd nullum eo-
rum*

rum est virtus, & quod bona externa fortuna, excepta aliquando reuerentia, & quod non sunt propter se amanda. nu. 50. Tercio quod omnia illi sunt maiora quam pecuniaria. quarto quod sunt minora quam vita. & alia corporalia bona. nu. 51.

Intellectus. l. 7. Si quidem. ff. Quod met. cau. num. 51.

Intellectus. l. Codicillis. §. Matre. ff. de leg. 2. num. 52.

Patrem magis tenetur diligere filius quam filium. num. 52.

Adulteri peccato cur maius homicidium. num. 52.

Gloriam Romani gentiles car vite præponebant. num. 52.

Honore pro seruando moriendum vulgatum, elogium, sed error, nisi intelligatur &c. num. 53.

Gloria pro seruanda non obuisse Eleazarum, sed pro virtute, quæ gloriam meretur. num. 53.

Vitam honori & gloriæ, & virtutem virtuti præferendam. num. 53.



Ono infertur, quòd quin-
que illa bona honoraria,
videlicet reuerentia, laus,
honor, fama & gloria hu-
mana, non possunt esse fines principa-
les alicuius actus virtutis; & quòd qui-
cunque ob ea principaliter facit ali-
quid, peccat: etiamsi illud, quod fa-
cit de se sit maxime bonum. Primo
quidem per illud Matth. 6. Attendite
ne iustitiã vestram faciatis coram ho-
minibus, vt videamini ab eis: alioqui
mercedem non habebitis apud patrẽ
vestrum, qui in cælis est. Et paulo post.
Quomodo potestis vos credere, qui
gloriam ab inuicem accipitis? Per
quod August. lib. 5. de Ciuit. Dei cap.
14. ait. Amorem gloriæ humanæ fidei
Christianę obuiare; ad perditionem
eius disponendo. Secundo per illud
Pauli. 2. ad Corinth. 10. Qui gloriatur,
in domino gloriatur. i. qui appetit
gloriam, non appetat humanam, sed
diuinam, quam cognoscendo, & amã-
do

do Deum, & ea quæ ab eo habet, accepta ferendo illi, in eiusq; gloriam referendo assequetur. vt in effectū ait S. Thom. super eod. ca. 10. Et colligitur ex eo quod subiungit. Non enim qui se ipsum commendat ille probatus est, sed quem Deus commendat. **II.** per illud August. lib. 5. cap. 13. de Ciuitate Dei. Sanius videtur qui laudis amorem vitium esse cognoscit. **III.** quod per illud ait Bern. in sermonibus paruis fol. 18. Laudem exteriorum hominum esse vanam, & interiorē conscientię minime sufficere. Ideoq; diuinam qua laudemur querendam. Et per illud eiusdem Bernardi serm. 3. super Cant. col. 3. sunt qui scire volūt vt sciantur: & turpis vanitas est. **V.** Quod S. Thom. Quodlib. 3. art. 12. concludit non queri alicolam in cælo doctorem, prædicantē bene ob gloriam. Et Arist. Ethic. 1. ait Non esse magnanimo curandum vt laudetur. & quidam sapiens ad quendam philoso-

philodoxum dixit. Summa laus est non ambire laudem. Et Salust. de Catone. Quo minus quærebat gloriam, magis eum illa sequebatur. Postremo per rationem qua fundat hæc omnia ille irrefragabilis syllogismus in secundo modo primæ figuræ; quem appellant, Cellarent. s. Nullum temporale bonum fortunę potest esse finis iustus principalis illius actus virtutis, vt supra nu. 30. latè probatum est. At quodlibet horum quinque est bonum temporale fortunę, vt supra nu. 5. probatum fuit. Ergo nullum illorum potest esse iustus finis principalis illius actus virtutis. Per quam eamdeni rationem syllogisticā significatur omnes prædictas authoritates, & alias eis similes intelligendas esse de illis, qui finem principalem suorum actuum aliquod horum quinque faciunt; aut de illis qui hæc ea parte qua sunt vana vel mala querunt. Quod quando contingat infra dicetur. Per quam intelligentiam respon-

responderi potest eis, quatenus sequenti conclusione contraire videri possint.

X. Infertur quòd præfata quinque. 45
 f. reuerentia, laus, honor, fama, & gloria possunt esse fines minus principales actuum virtutum, & quòd qui eos agit, ob ea minus principaliter respecta, non peccat. Quod probatur primo per illud Matth. 5. Luceat lux vestra coram hominibus. & illud. Sint lucernæ ardentes in manibus vestris. Luc. 12. Secundo per illum Pauli. 2. ad Corint. 1. relatum in c. Inter verba. 11. q. 3. Gloria nostra hæc est testimonium conscientie nostræ. Et ne dicas eos agere, de laude diuina, pondera, quod loquuntur de laude conscientie propriæ, quæ est creatura. I 11. quòd id efficaciter probatur, eo quòd bona pecuniaria licitè possunt peti à Deo, & appeti, & pro fine minus principali poni, vt supra nu. 41. probatum est. At bona honoraria qualia sunt illa quinque

que maiora sunt, quam pecuniaria.
iuxta illud Prouer. 21. melius est no-
men bonum quam diuitiae multae. Et
illud Eccles. 41. Curam habere de bono
nomine; magis enim permanebit il-
lud, quam mille thesauri magni prae-
tiosi. & illud Aristot. 4. Ethic. Honor
est maximum bonorum, receptum a
S. Thom. in multis locis, praesertim.
2. sec. q. 119. art. 1. ad 2. Cui consonat. l.
In pecudum. §. fin. ff. de usur. ^a Quod
adeo quidem est verum, ut excusetur
quis a restituendo bona pecuniaria,
quandiu nequit ea restituere saluis ho-
norariis. ut probat Caiet. lib. 17. resp.
q. 14. quem nos sequimur in Manuali
cap. 17. nu. 44. Cum igitur omnium
consensu, liceat desiderare bona pecu-
niaria, & pro fine minus principali po-
nere, a fortiori licebit desiderare, &
pro tali fine ponere honoraria. argu. c.
Cum in cunctis de elect. ^b ^{LI III.} quod
brauéis & coronis propositis, olim sa-
pientes procurarunt incitare homi-
nes,

^a
*Et glo. pe-
nul. c. sua
de pen.
Et glo. ex
trauagā.
Ad condi-
torem Io.
22. ver.
Honor.
de verb.
signific.*

^b
*et Auth.
Multo
magis. C.
de sacros.*

nes, ad honorem, & gloriam quærendam. Athenienses, cum oliuarum corona Periclem illustrassent, polliciti fuerunt eundem honorem eis, qui similes illi euaderent. authore Valerio Max. l. 2. cap. 1. Arcopagi. Et Plinius testatur populum Rom. cuius legibus totus fermè Christianus orbis vitur, varias coronas pro varijs gestis instituisse: nempe, ciuicas, Vallares, murales, rostrales, &c. Quin & Christiani passim, etiam Pontif. Max. authore, varias in variis regnis instituerunt academias, & honores Minervales; vt laureas primas, quas baccalaureatus; & secundas, quas licentiatus; & tertias, quas doctoratus vocant, vt ad studiositatem & litterarum studia, magis, ac magis accendantur scholastici. quod utiq; non permetteretur nisi licitè illa possent esse fines minus principales actuum virtutis, studiositatis, & aliarum.

Honores Minervales a summo Pontifice institutos.

XI. infertur quòd vt omnia que al- 46
legari

legari possunt ad probandum nil horum quinque debere appeti, nec ob aliquod horum fieri; sunt intelligenda de illis, quando pro fine principali ponuntur, vel quando sunt vana, vel mala. vt diximus in fine corollarij 8. Ita omnia quæ adduci possunt ad probandum quòd illa possunt appeti, & ob ea fieri aliquid, sunt intelligenda de illis, quando non sunt vana, neque mala, & pro fine minus principali ponuntur. Per quam resolutionem, quàm plurima subobscura clarescunt.

47

XII. Infertur dicendum esse, quid sunt & in quibus differant quinque prefata bona. scilicet reuerentia, laus, honor, fama, & gloria. Et laus quidem diffinitur esse sermo elucidans magnitudi-

c S.Th.
psal. 17.

d

Et D. An
10. 4. par
te tit. 5.
cap. 10.
§. 1. sub
finem.

nem virtutis. Secundum Aristot. I. & 2. Rhetor. ^c Cui diffinitioni, licet ab omnibus probetur, addenda est particula: Quatenus est ad aliquem finem ordinata. Quia vt S. Thom. asserit in 2. sec. q. 103. art. 1. ad 3. ^d laus ab honore

differt,

differt, eo quòd hic est testimonium absolutum alicuius excellentiæ verbis vel alio signo exteriori exhibitum: Illa vero testimonium relatiuū alicuius excellentiæ, referens eam in alium finem verbis tantum exhibitum. Vnde Aristot. I. Ethic. dixit, optimorum non esse laudem, sed aliquid maius ea, quia optimū non refertur in aliud. Per quod vbi supra dixit S. Tho. Deo secundum illam eius ineffabilem essentiam, non conuenire laudem, sed summam latriæ reuerentiam & honorem. Quia est maior omni laude. Eccles. 43. secundum vero effectus eius qui in vtilitatem nostram ordinantur, sic. iuxta illud Esa. 63. Miserationum domini recordabor, laudem domini super omnibus quæ reddidit nobis dominus. Et Clem. si dominum in sanctis eius laudare iubemur, de reliq. & Vener. Sanct. Qua de differentia pulchrè dixit quidam.

Est honor in portu cū puppis ab æquore venit.

Laudi-

Laudibus inceptum contineatur opus.

Addendum item secundo quòd sacræ litteræ, sacriq; canones per verbū laus, non solum intelligunt illam exteriorem, quæ verbis fit, cui soli diffinitio præfata conuenit, sed etiam & magis interiorem, qua Deum Angeli laudant. iuxta illud, Laudate Deum omnes Angeli eius.

Psal. 148. Qua creditur Zacharias mutus laudasse. Luc. 2. & multi audientes Apostolo, ad Coloss. 3. Cantant
E. ca. 1. & psallunt in cordibus suis domino.
92. dist.

Addendum tertio quòd per illud verbum, virtutis, in diffinitione positū, intelligendum est omne bonum etiam si nō sit morale. Qualia sunt, ingeniū, iudicium, memoria, eruditio, ars, vires, agilitas, & alia multa quæ iure laudantur,

48 Honor autem diffinitur vr prædictum est, exhibitio reuerentiæ in testimonium alicuius excellentiæ. Cui per proxime dicta videntur addenda illa

illa verba: Sine eius in alium finem relatione.

Fama vero diffinitur à Calistrat. in l. Cognitionis. §. existimatio. ff. de vari. & extraord. esse dignitatis illæ sæ status, legibus ac moribus comprobatus. Cui licet etiam nemo aduertat addendum est. Illam quidem aptam esse proposito Calistrati, non tamen nostro. Tum quia secundum illam, non esset fama nisi de virtute. Cum tamen in nostro proposito, sit de ingenio, & aliis: de quibus diximus esse etiam laudem, Vnde Geneseos. 6. Gigantes appellantur viri potentes & famosi.

Tum quia iuxta illam diffinitionē, nullus infamis haberet famam, cum tamen multi, qui vno respectu sunt infames, altero habeant famam ingentem. Ut Alexander magnus, Iulius Cæsar, & alij multi. Quare fama ad propositum nostrum diffiniri potest esse attestatio popularis de re aliqua. arg. c. Nō sunt audiendi. l. 1. q. 3. & c. Qualiter &

G quan-

98 DE FIN. HV. A TVVM
quando in 2.de Accusat. ^Cm glo.& ci
tatis ab ea. cu

49 Gloria vero est clara cum laude no
titia. secundum Amb.in c.i. ad Rom.

f Cui etiam addendum quòd verbum,
*Quæ se-
quitur .
S.Tho. 1
sec. q. 2.
artic. 2.
et melius
2. sec. q.
103. ar.
1. ad 3.
& me-
lius. 2.
sec. ques.
132. ar.
4. & lib.
3. contra
Gentiles.* Laude, in ea positum nō debet ita stri-
ctè intelligi, ac supra diffinitum est. Fie-
ri enim potest, vt alicui contingat glo-
ria sine laude verbi per honorem fa-
cti, vt satis contigit Mardocheo He-
ster 6. Reuerētia diffinitur Th. Vual-
denſi, in lib.de Sacramentalibus cap.
118. ar. 6. animi reputatio, qua quis bo-
nitatem alterius magnificat, vbi pul-
chrè ait hæc quatuor, reuereri, honora-
re, laudare, & glorificare, ita sese habe-
re; vt posterius priori aliquid adiiciat.

Reuereri enim est animo magnificare.
Honorare vero id aliquo signo exte-
riori significare. Laudare vero, id ver-
bis facere. Glorificare autem, longè la-
teq; id expandere.

50 XIII. Infertur etiam dicendum, in
quibus quinq; supradicta conueniāt.

Et

Et quidem primo conueniunt, quòd licet strictè sumpta ita, vt dictum est, differant, conueniunt tamen in eo quod frequenter assumuntur latius, aliud pro alio. Nam gloria nonnunquam comprehendit omne testimonium approbatorium, & vnius, iuxta illud Pauli secundæ ad Corinth. 1. Gloria nostra hæc est, testimonium cōscientiæ nostræ, relatum in dicto. c. Inter verba 11. q. 3.⁸ Honor item comprehendit laudem vt docet S. Thom. 2. sec. q. 103. art. 1. ad 3. Laus item honorem, vt in diffinitione supradicta, & declarat S. Tho. in 4. dist. 15. art. 3. q. 2. declarans quoddam Ambrosii dictū.

Conueniunt secundo quòd nihil eorum est virtus, nec moralis nec intellectualis. Quia vt post S. Thom. 1. Sec. q. 71. art. 1. in præludio 4. num. 11. Manualis, declaramus. Virtus est habitus & qualitas mentis habentis eam. Et nullum horum est talis. Quodlibet enim eorum est extra mentem eius

^g
Ad idem
Hier. 9.
Et c. Gloria episc.
12. q. 2.
c. Sacerdos sub
fin. 1. q.
tertia &
trad. S.
Tho. 2.
sec. quæst.
132. ar.
1.

cuius est. vt palam patet, & probat
Boetius. lib. secundo de consolatione,
h & ita sunt bona externa, & fortunæ.

h
Et S. Th.
1. sec. q.
2. ar. 3. Excepta sola reuerentia, qua quis con-
siderans suam paruitatem, humidita-
tem & vilitatem, insufficienciam, & in
omne peccatum propensionem, reue-
retur se ipsum, quatenus est à Deo
multis donis naturalibus & gratuitis
donatus; subiiciens omnia sua, qua-
tenus sunt sua omnibus, quæ a Deo
habet quatenus sunt eius. Ex quo
infertur quòd non sunt propter se
tantum amabilia: vt supra dictum est
num. 9. Nec consequenter possunt
esse fines iusti principales aliquorum
bonorum actuum per prædicta num.
30. Suntque inferiora bona virtutibus
omnibus, quas in dicto. nu. 5. diximus
esse amabiles etiam propter se tantum.

51 III. Conueniunt in eo, quòd omnia
illa sunt maiora bona quàm pecunia-
ria vt infra probabitur.

IIII. Conueniunt in eo quòd sunt
mino-

minora vita, salute, & aliis bonis corporalibus. Horum enim dominus solus Deus est. Deuter. 32. Ego occidam & ego viuere faciam, & Sapient. 16. Tu es Domine qui vitæ ac mortis potestatem habes. Et quamuis eius diuina Maiestas huius dominij partem communem fecerit Reipub. c. Ille gladius 23.q.4. non tamen particularibus. c. Si non licet 23.q.5. Qui tamen sunt domini præfatarum quinque rerum. ut latè monstramus in 6. conclus. dictæ repet. c. Inter verba. num.

Nec obstat. l. Isti quidem. ff. de eo quod met. caus. ibi Viris bonis stupri metus maior quàm mortis esse debet. Per quam quidam aiunt infamiam esse morte peiorem. Quod tamen illa non probat: sed aliud longè diuersum. scilicet mortem præponendam stupro. Quod Odoffredus sentiens, ait: ibi probari animam esse anteponendam vitæ corporali. Cui concernit ibi Albe. aiens per eam probari moriendum esse po-

tius, quàm peccare mortaliter. Nec etiam obft. 1. Codicillis. §. Matre. ff. de legat. 2. Per quam aliqui dicunt probari, peius eſſe marito, vxoris adulterium, quam mors. Quia reſponderi poteſt, primo quòd illa eius verba, Filium noſtrum occidit, & alia peiora fecit: quæ in hoc inducuntur, verificari poſſunt, vt ibi annotauit Iacobus de Aren. in occiſione patris. Peior. n. videri debet viro bono patris occiſio, quàm filij. Quoniam & ſi multa inclinant quem, ad magis amandum filiũ quàm patrem, plus tamen tenetur amare patrem qui fuit principiũ cauſæ, & fons eius, quàm filium, cuius ipſe cauſa eſt. vt recte probat S. Tho. 2. ſec. q. 26. art. 5. Secundo reſponderi poteſt, quòd præfatus. §. Matre, non loquitur de morte propria, ſed de morte filij. & ita vt maximum ſolum probaret, marito peius eſſe adulterium vxoris quàm mortem filij: quod nil contra dicta concludit. Quanquàm
nolu-

nolumus negare, maius peccatum esse occidere filium alicuius, quàm cum vxore eius adulterari. Quoniam hoc est contra.3.præceptum.2. tabulæ decalogi : illud vero contra. 2. Et per hoc perimitur vita iam habita, per illud autem impeditur habenda. vt S.Tho. declarat.2.sec.q.122. art.3. Tertio nouè sed vere ad illas ambas leges responderi potest Paulum, & Sceuolam earum authores fuisse Romanos gentiles, quos pro summo bono gloriam, & famam duxisse diuus August. testatur lib.5.de Ciuita.Dei cap.12. his verbis. Romani gloriam ardentissimè dilexerunt, propter eam viuere voluerunt, pro ea mori nō dubitarunt. Ob quod Tullium grauissime reprehendit; Et ita eorum hac in re sententia, tanquā Christianæ legi contraria repellenda est.c.Contraria.de consecrat. dist.5.

Non obstat tertio illud vulgatum elogium : Pro honore moriendum. Quia id est vulgatum erratum; si vt so

G iiii nat

*Pro honore
moriendum
quomodo in
telligatur.*

nat intelligatur. Nam etiam æthnicus Aristot. 3. Ethicor. dixit, non esse veram, sed falsam fortitudinem eam, qua quis pro pudore, vel honore moritur. & ita vt aliqua ex parte verum sit verba illa; pro honore; accipienda sunt, pro eò quod honorem meretur. Nempè pro virtute, siue theologia; putà fide, spe, vel charitate. siue moralis, puta iustitia, & veritate, fortitudine & constantia; temperantia; & castitate: & aliis.

Nec obstat. 4. illud quod de Eleaza 2. Machab. dicitur, quod gloriosissimam mortem, magis quam odibilem vitam complectens voluntariè præibat ad supplicium. Non enim ille pro gloria humana mortem sustinuit; sed pro lege diuina obseruanda. & ita pro virtute religionis, quæ gloriam merebatur. Quare magnopere persuadere sibi omnes debent nobiles, præsertim & milites, qui magis in hac re peccant; ne tanti faciant laudem, hono-

honorem, famam & gloriam, vt pro
eis, vel pro uitanda ignominia vitam
corpoream, vel spiritualem pròdigāt.
Vitam autem animæ virtutesq; ipsius
tam morales, quàm theologas tanti
æstiment, vt eo sint semper animo,
quòd malint vita membrisq; corpo-
reis destitui, dilacerariq; quàm eas de-
serere: sintq; parati ad fortissimè pu-
gnandum, repugnandumq; vsq; ad
mortem, pro fide Regi Reipublicæq;
præstita seruanda, pro legum diuina-
rum, & humanarum obseruantia; per
quam summus honor acquiritur in
hac via caduca, & gloria sempiterna
in illa stabili patria. Amen.

S U M M A R I U M.

*Honorariorum bonorum, quæ sunt quinque, appe-
titus vel contemptus suapte natura neque bo-
nus, neque malus. nu. 54.*

*Bona quæ quis facit nosse & velle ab alijs proba-
ri licet nu. 54.*

*Honorariorum bonorum appetitus vel contem-
ptus*

*ptus fit bonus ex bono fine, qui triplex ponitur
a S.Tho.nu. 55.*

Cui adduntur alij tres. nu. 56.

*Honor exhibetur & recipitur iuste cum debetur
& sponte datur. nu. 56.*

*Bonorum honorariorum quæ quinque sunt, appeti-
tus & contemptus fit malus ex fine malo, qui
contingit tripliciter. nu. 57.*

*Honorariorum bonorum appetitus, non referens
ea in aliud est malus. nu. 58.*

*Actus omnis fine bono apto carens, malus; etiam
si malo quoque careat. nu. 58.*

*Ociosum omne deliberatum, quale est quod fine
caret malum. & ideo nullus actus in individuo
indifferens. nu. 58.*

*Honorariorum bonorum appetitus inordinatus ut
plurimum veniale peccatum; sed quinque ca-
sibus mortale. nu. 59.*

*Quod ipsum dicendum de contemptu eorum nu. 60.
Et etiam de appetitu & contemptu cæterorum
bonorum utilium. nu. 61. Et de complacentia
& displicentia, de obtentu omnium tam honora-
riorum quàm aliorum utilium. nu. eod.*



Vinto conueniunt in eo, 54
quòd appetitus vel con-
temptus horum quinq;
suapte natura, neq; est bo-

nus, neque vitiosus. Tum quia non
est peccatum, vt ait S. Thom. 2. sec. q.
132. art. 1. quòd aliquis bonum suum
cognoscat & probet. Dicitur enim
primæ ad Corinth. secundo. Nos au-
tem non spiritum huius mundi acce-
pimus; sed spiritum, qui ex Deo est;
vt sciamus quæ à Deo donata sunt no-
bis. Similiter etiam non est pecca-
tum, quòd aliquis velit bona opera
sua ab aliis approbari. Dicitur enim
Matth. 5. Luceat lux vestra coram ho-
minibus. Persius item aiebat.

*Non ego cum scribo si forte quid aptius exit,
Laudari metuā, nec enim mihi cornea fibra est.*

Tum quia bonitas vel malitia natura-
lis actus ex obiecto, siue ex proportio-
ne obiecti ad actum sumitur. Vt
probat S. Thom. 1. sec. q. 18. art. 1. maxi-
mè ad. 1. At obiectum eiusmodi appe-
titus

titus, siue proportio obiecti ad illum, nil mali nec contrarium rationi de se continet. Vnde S. Thom. Quodlib. 12. art. 13. concludit neque appetitum, neque contemptum famæ esse de se bonum vel malum. Idemq; concludit de appetitu gloriæ in dicta q. 132. art. 1.

- 55 XIII. infertur ex proximè dictis quòd præfatorum quinque bonorum appetitus assumit rationem boni ex fine bono & apto. Ille autem, vt sanctus Tho. ait vbi supra est triplex, primus cum appetitur ad gloriam Dei. Secundus cum appetitur ad vtilitatē spirituale proximi, vt bono exemplo proficiat. Tertius cum appetuntur ad vtilitatem propriæ animæ, vt in bonis quæ in se cognoscit ex testimonio laudis alienæ studeat perseuerare ac crescere. Nam si vtilitas animæ proximi pro fine desiderij laudis posita efficit illud bonum; a fortiori vtilitas animæ propriæ: Cum magis quis teneatur diligere se, quàm proximum. c. Si
non

non licet 23. q. 5. l. Præses C. de seruit.

Quibus addo quartum finem quotidianum, cum appetuntur ob utilitatem exteriorem propriam vel aliorum. Quod passim inuenias in eis, qui cupiunt laudari, honorari, & glorificari de bonis suis, genere, habitudine, conditione, & id genus aliis, tanquam medium adipiscendi coniuges, vel alia munera, & officia sibi conuenientia: In eis item qui cupiunt laudari de dulci cantu, sana doctrina & dextera legendi, scribendi, prælegendi, patrocinandis, & gubernandi arte, ut stipendia mereantur condigna. In eis item, qui præfata cupiunt ut filiis, cognatis, famulis & aliis necessariis suis aliqua bona utilia eorum contemplatione eueniant. Qui non videntur peccare sed bene agere. Quod tamen intelligendum est, cum utilitas præfata temporalis actu, vel virtute refertur in Dei amorem, vel obsequium, aut in vitam honestam suam; vel aliorum bonorum

rum maiorum, bona temporalia minora. per supradicta. nu. 30. & ea quæ scribit S. Thom. in 2. lib. sent. dist. 38. art. 1. sub finem. & art. 2. in 3. argu.

Addo & quintum finem quando appetuntur eo quòd sunt debita. vt eruditè dixit Caiet. 2. sec. q. 131. art. 1. Quod procedit etiam si non referantur in alium finem. Nam sicut licet dare & accipere pecuniam debitam, eò quod sit debita: quod est iustitiæ virtutis actus; Ita etiam licebit dare & accipere laudem & honorem debitum: Cum pari ratione id sit actus iustitiæ. iuxta illud Roman. 13. Reddite omnibus debita; cui tributum, tributum: Cui timorem, timorem: Cui honorem, honorem.

Addo sextum finem: Cum ea desiderantur vel recipiuntur non tanquã debita, sed tanquã dona gratiosè oblata per alium ex amicitia, charitate, magnanimitate, vel humilitate. Vt cum quis minor altero, recipit ab
eo

eo honorem debito maiorem. Quod passim fit; & probatur esse bonum a S. Thom. post Senec. 2. sec. q. 106. art. 1.

Xv. Infertur, quod appetitus, & 56

contemptus horum vitiatur redditurq; malus. Primo quidem ex fine malo. Quia ut prædictum est num. 30. sine vlla exceptione vera est illa regula topica: Cuius finis malus est, ipsum quoque malum est. Secundo. Cum illa sunt vana. Sunt autem vana ex mente S. Thom. 2. sec. q. 131. art. 1. i

Primum ex parte materiæ ex qua illa desiderantur, eo quod est illis indigna. puta, quia est nulla; eò quod verè non est illa excellentia, ex qua desiderantur, vel est mala, malitia culpæ. iuxta illud.

Quid gloriaris in malitia qui potens es in iniquitate? psal. 51. Qui gloriantur cum male fecerint. c. Quam graue, de excess. prælat. Aut ita vilis, quæ nil horum, aut non tantum, quantum ex ea desideratur merentur. Deinde ex parte eius à quo quærentur putà cum

desi-

i
Et quæst.
23 2. ar.
& de ma
lo. q. 9. et
Abolē. sio
per Ma-
thæ. c. 6.
q. 3. ubi
etiā Ma
ior. S. An
ton. 2.
part. tit.
3. c. 5. §.
1. & Ca-
iet. in p̄di
ctis duo-
bus arti-
culis.

desiderantur ab homine, pro certiori
& maiori testimonio, quàm ipse de il-
la dare possit. Postremo ex parte eius
qui ea desiderat. putà quia ea in debi-
tum finem nec actu nec virtute refe-
rat. Quamuis enim Abulensis vbi su-
pra addat quartum modum, & Thom.
alibi possit videri addere aliū, omnes
tamen reducuntur ad prædictos tres.
vt monstrauius in præfata repe.c. In
ter verba.nu.338.

157 Xvi. ex his infertur, omnem appe-
titum horum quinque adeò absolutū
vt neque actu seu actualiter, neque vir-
tute seu virtualiter ea in alium debi-
tum finem referat esse malum saltem
veniale. Tum quia nil horum est pro-
pter se tantum amabile; neque conse-
quenter potest esse finis & medius. vt
prædictum est num. 5. Tum quia om-
nis actus humanus hoc est delibera-
tus carens fine bono, malus est; etiā
si fine malo careat, eo quòd est actus
ociosus, & omnis actus ociosus etiam
verbalis

verbalis tantum est malus. iuxta illud Matthei 12. De omni verbo otioso, quod loquuti fuerint homines, reddent rationem. Et eo quòd ea, quæ homo agit, vt homo, idest deliberatè debet agere propter aliquem finem aptum. Alioqui vanè agit. Et omnis vanitas est peccatum. iuxta illud psal. 4. Vt quid diligitis vanitatem? & illud psal. 118. Auerte oculos meos ne videant vanitatem. Tum quia appetitus pecuniæ absolutus in nullum finem relatus est malus, & inordinatus. vt colligitur ex S. Tho: 2. sec. q. 118. art. 1. & 2. At eadem ratio est de his, quinque quoad hoc. per prædicta. Tum quia ea ratione vterque S. Tho. 1. sec. q. 18. art. 8. concludit nullum actum deliberatum in indiuiduo esse indifferentem, sed bonum, vel malum. Quia si caret fine bono, licet careat etiam malo, est malus. Nam debet ob aliquem finem fieri: alioqui est otiosus, & consequenter malus. Tum quia gloria in

H nullum

nullum alium finem ordinata, dicitur inanis & vana. Et appetitus gloriæ vanæ peccatum est, vt probat S. Tho. in prædicta. q. 132. art. 1. Et eadem ratio militat in alijs quatuor. per prædicta.

- 59 XVII. infertur, quod appetitus & desiderium horum quinque licet etiã quando est malus, vt plurimum veniale tantum sit peccatum: mortale tamẽ est in quinque casibus. Primo cum appetitur de malo culpæ mortali. Vt exprimit Caiet. 2. sec. q. 131. art. 2. addit. 1. licet id ibi non exprimat Aquinas. & ante Caietanum expressit S. Anton. 2. par. tit. 4. c. 1. §. 1. per illud psal. 51. Quid gloriaris in malitia? Quod licet primo aspectu non concludit, cum gloria quærens de malitia veniali, non peccet mortaliter, satis tamen concludit consideranti, quod mens Prophetæ fuerit dicere eiusmodi esse malitiæ, gloriari de aliqua malitia; cuiusmodi est illa; & gloriari de malitia veniali, esse veniale; & gloriari de mortali, mortale.

tale. Facit. c. Quàm sit graue crimen in clericis cum malefecerint gloriari. de excess. prælat. Secundo cum appetuntur in mortalem irreuerentiã Dei. Vt Cyrus de quo Ezechiel. 20. Eleuatum est cor eius. & dixit Deus, Ego sum. Tertiò, cum aliquod horum plus quam Deus amatur. iuxta illud Io. 12. Dilexerunt magis gloriam hominum quam gloriam Dei. Quarto cum in aliquo eorum ponitur vltimus finis, vt multos olim Romanos posuisse supra ex August. probauimus. Quando autem in aliqua re creata constituitur vltimus finis suprâ. n. 21. prædiximus: addentes raros esse Christianos qui id faciant. Quinto cum aliquid horum præponitur obseruantia legis ad mortale obligantis. Quod plus satis vsitari constat ex eo, quòd passim videas viros, & etiam mulieres eo animo, vt malint peierare; vindictam de lædente, vel iniurio sumere: Symoniam saltem clam admittere: subditos op-

primere, violare iustitiam, laudare peccatores, præsertim Principes in desideriis animarum suarum; quàm gloriam, honorem, famam, dignitatem, vel principem locum perdere.

Hos quinque casus in quibus appetitum horum quinque diximus esse mortiferum in dicta repet. c. Inter verba. n. 343. ad duos contraximus. Nunc autem videntur contrahendi ad tres. Primus cum appetuntur ex malo mortifero. Secundus, cum in eo finis ultimus constituitur, vel ob id frangitur lex ad mortale obligans. Tertius cum ad mortale aliquod malum referuntur.

- 60 XVIII. Quod eadem quæ dicta sunt de appetitu horum quinque, dicenda sunt de illorum contemptu; Nempe quod ille de se neque bonus neque malus est: quodq; bonus fieri potest præstituto ei vno ex sex finibus, quibus appetitum eorum diximus rectum fieri. Quodq; est malus si nullo fine bono circundetur: etiam si
- nullo

nullo fine malo denigretur. Quodq;
 potest fieri malus ex parte materiæ. vt
 fit, cum quis laudem ex virtute, & gra-
 tia Dei prouenientem contemnit. Et
 ex parte modi. Vt cum quis minoris,
 quàm par est testimonium diuinum
 vel humanum de suis bonis habeat.
 Et ex parte contemnētis; vt cum quis
 ea in aliquem malum & inordinatum
 finem contemnit. Quodq; aliquando
 potest esse malus mortiferè; vt est cum
 quis laudem de gratia Dei manantem
 despicit; aut in illo contemptu, finem
 vltimum, vt quidam philosophi fece-
 runt, constituat, seu ob eum aliquam
 legem, sub mortali pœna obligantem
 infringere statuat. Aut tertio, cum in
 mortiferum finem eum refert.

XXIX. Quòd idem est dicendum de
 auro, & argēto & aliis bonis pecunia
 æstimabilibus, & de eorū appetitu &
 contēptu. quod diximus de prædictis
 quinq; bonis honorabilibus. Videli-
 cèt, qđ desiderium, vel contemptus eo-

rum de se in genere, neque malus est, neque bonus: Quodq; fieri potest bonus per vnum ex sex finibus predictis. Quodq; si nullo illorum circundetur erit malus, licet nullo malo circundetur. Quodque erit malus, & mortiferus tribus casibus præfatis.

X x. Quod eadem quæ diximus de appetitu & contemptu eadem ratione dicenda sunt, de amore & actu ea quæ ferendi & refutandi, & de quæsitōrum complacentia, & displicentia. Quibus est consequens, quantā nos cura esse oporteat, ut cum hæc vel illa desideramus, amamus, quærimus, odimus, aut refutamus, & in eis quæsitis complacemur nobis, aut displicemus; ipsum Deum, beatitudinem, vel honestam, siue virtuosam vitam pro fine præstituamus. Simul doleamus, quod toties eiusmodi actus, ob finis debiti defectum vanè conceperimus, & egerimus. Consequitur item alio delectu quam hactenus à me audito, debere

vti

vti concionatores, in carpendo præfatorum appetitu, & laudando eorundem contemptu. Ne. s. omnem horum quinque appetitum absolutè vituperent, neque eorū contemptū laudent.

S U M M A R I U M.

Honoraria bona quæ sunt quinque tum demum pro fine minus principali rectè poni cum referuntur in alium aptum: alias non cum pulchra declaratione. nu. 62.

Laudis, gloriæ, vel honoris, de excellentia, qua quis caret, appetitus non est mortalis contra Abulen. nu. 63.

Iustitiæ non contrahit, volens quod suum non est, si non est alienum; nu. 63.

Laudem vel gloriam ob humanā facere principaliter quod institutum est principaliter ad gloriam Dei non est mortale contra Ang. nu. 64.

Doctoratum in Theologia sine mortali potest assumi principaliter ad gloriam humanam ab idoneo. nu. 64.

Gloriam ob humanam facere aliquid, tanquam ob prætium vel alias differunt. nu. 64.

Intellectus dicti quotidiani Gregorij de laudis requisitione. nu. 65.

*Laudis, & gloriae bene & malè appetitę quinque
exempla quotidiana. nu. 66.*

*Actus ex se bonus, ne fiat malus, ob præstitionem
honoris, & aliorum bonorum utilium pro
fine exigí. nu. 67.*

62



Igesimoprímò infertur, id
quòd hactenus nūquam
fuimus ausi asserere. Nē-
pe nō licere appetere, ne
que pro fine etiam minus principali
ponere ista quinque, nisi referendo il-
la actu, vel virtute in alium finem bo-
num, & aptum, neque eadem, immo
maiori ratione, alia bona pecuniaria.
Hoc ipsum esse dicendum de contem-
pta eorundem, ac consequenter non
solum esse peccatum saltem veniale,
inseruire Deo, Papę, Regi, vel aliis præ-
latis & magnatibus, principaliter pro-
pter bona pecuniaria, vel honoraria,
sed etiam inseruire principaliter pro-
pter Deum ipsum, vel beatitudinem,
vel alium debitum finem, & minus
principaliter propter bona honoraria
vel

vel pecuniaria, nisi ea rursus actu, vel virtute in aliquem finem bonum & aptum reflectantur. Nō oportet autē, mea sentētia, vt finis in quē hęc reflectuntur sit adeo altus, ac est is quē requirit actus principalis, qui propter altiore finem fit. Exemplum de illo qui amat vel colit Deum principaliter propter ipsum, & minus principaliter vt cōcedat ei victum, vel aliquid aliud temporale optatum, ad iuste, honeste vel temperate viuendū. Is enim bene facit, licet illum victum, siue bonum minus principaliter intentum, non referat in ipsum Deum, qui est finis actus principalis amandi eum, & infinite maior quā vita honesta, studiosa, iusta, vel temperata, in quam refert illum victum, vel bonum optatū minus principaliter intentum.

XXII quod non est vera illa dura 63
opinio Abulēsis super Mat. c. 6. q. 3. l.
quod omnis appetitus laudis, hono-
ris, aut gloriæ humanæ de re falsa, pu-
ta de

ta de excellentia quæ nō habetur, est peccatum mortale. Tum quia S. Tho. 2. sec. q. 131. arti. 2. quem ipse pro se citat, non ait illud de omni appetitu vanæ gloriæ de omni re falsa, sed de falsa in irreuerentiam Dei redundante. Tum quia nō obstat eius ratio. scilicet quod omnis iniustitia est peccatum mortale. Vt ait S. Tho. receptus 2. sec. q. 58. arti. 4. & quod contra iustitiam est appetere id quod suum non est. Quoniam illud procedit quando appetitur id, quod non solum nō est suum, sed est alienum. Nemo enim dicit esse peccatum mortale appetere diuitias, quæ non sunt suæ, modo non sint alienæ, nec velit eas cum præiudicio alterius. Et ita non erit mortale, appetere laudem & gloriam ob aliquam excellentiam, quam quis non habeat modo illa sine vllō reipublicæ, vel priuatæ præiudicio appetantur, vt si quis laudari cupiat, de castitate, fortitudine, viribus & ingenio quod non habet, ita tñ
ut

ut nulli ex eo præiudicium eueniat:

XXIII. Quod non videtur etiam 64
vera illa opinio Ang. in summa. verb.
Vanagloria; quæ habet esse peccatum
mortale prædicare, missare, sacramen-
ta ministrare, & alia eiusmodi quæ prin-
cipaliter in gloriam Dei sunt instituta
facere principaliter in gloriam & lau-
dem propriam. Tum quia is casus non
est de quinque superius expressis, in
quibus solis auctores docent appeti
gloriam esse mortale. Tum quia nulla
efficaci ratione probatur. Tum quia
Sylu. in eodem verb. Vanagloria, di-
xit quod eam opinionem consequen-
retur, dici posse, ve ve, toti statui ec-
clesiastico. Et ita non solum Sylu.
sed etiam is qui adiecit postillas ipsi
Angelo, contrarium tenet. Pro Ange-
lo tamen facit, Primo illud August.
lib. I. de doct. Christ. Diuina scriptura
principaliter ordinatur, ad honorem
Dei. In quo Deus contemnitur si prin-
cipaliter ad alterius honorem ordi-
netur,

netur. Secundo pro eo quod Diuus Anton. 2. par. cap. 8. determinat. quòd assumens gradum magisterij aut doctoratus ad gloriam suam principaliter peccat mortaliter. Tertio quod videtur symonia facere eiusmodi opera spiritualia, ob aliqua horum quinque principaliter vt asserere videtur Adrianus, Quodl. 2. à littera. H. vsque ad. S. Ad horum tamen primum respondet postilla prædicta, quòd verbū principaliter, quo vtitur Augustinus, soluit quæstionem, intelligendo, per illud, ponere vltimum finem in gloria. Quæ tamen responsio displicet. Tum quia intentio Augustini est, ponere differentiam inter sacrā scripturā, & alias res, quæ secundum hanc expositionem non inuenitur. Quoniam etiā vtendo alijs ab scriptura sacra in gloriam humanam, ponendo finem vltimum in illis, esset peccatum mortale vt prædictum est. nu. 21. & sequ. Quare respondendum est, quòd Aug. per ly. contem-

contemnitur, non intelligit contemptum expressum, nec talem tacitum, qui ad constituendum peccatum mortale sufficiat, sed ad veniale tantum, longe tamen grauius quàm id quod resultaret ex eo quòd alijs vtèretur ad eundem gloriæ finem. Ad secundum respondeo negando illud dictum diui Anton. procedere in eo qui est dignus illo gradu, q̄ antea Sylu. verb. Doctor q. 4. negauit. Ad tertium respondeo illud esse verum de illo qui exercet spiritualia, pro gloria, tanquam pro pretio illorum. Nos autem loquimur de illo qui exercet illa ad gloriã vt eum assequatur, sed non tanquam pretium eorum: vt quando fiunt ad preces & gratias, quæ non sonent pretium. Quamuis plurimum certè cauendum existimo ab huiusmodi peccato, quod saltē valde graue veniale esse negari nequit.

XXIII. infertur emoliendum esse illud diui Gregorij, satis durum & terribile,

ribile, in homilia super parabolam de decem virginibus, Matt. 25. f. Cauendum ne per hoc quod rectum geritur fauor aut gratia humana quaeratur, & appetitus laudis surrepat, eoq; a mercede vacuetur. Id enim crude acceptum eogeret omnia fere humana bona opera damnare. Quoties enim quisque est, cui, vt Cicero sentit, res preclaras agendi aliquis laudis appetitus non surrepat? Intelligamus ergo illud esse verum iuxta praedicta de requisitione, siue appetitu inordinato, quo principaliter requiritur laus de bono quod geritur, & etiam de illo quo minus principaliter illa quaeritur propter se solam vel non referendo eam in aliquem finem, vel non in debitum, vel referendo in malum. Non autem de requisitione ordinata, qua minus principaliter quaeritur laus, propter aliquem debitum finem, in quem actu vel virtute refert eam expetens.

69

XXV. Ex proxima illatione inferuntur

tur quinque. Primum quòd orans vel aliud bonum agens ob laudem, vel fauorem humanum quo assequatur ali quod beneficium ecclesiasticum, vel aliud munus quo est indignus, meritũ perdit & peccat siue principaliter siue minus principaliter, ob ea id faciat. Quia requirit laudem ob finem in se malum. Secundo quod qui orat, vel aliud bonũ facit principaliter ob ipsam solam laudem etiam non ordinatam in malum finẽ meritum perdit & peccat. Tertio quod qui colit vel amat Deũ principaliter, vt sint ei calcar, quo fiat temperans, vel abstinens, meritum perdit & peccat. Quia finẽ principalem actus maioris virtutis, s. charitatis, & religionis, facit minoreẽ virtutem, s. temperantiam vel abstinẽtiam. Quarto quòd qui ieiunat, & abstinet, vel sobrius est vt assequatur laudem & gratiam humanam, quo ab illis impellatur ad amandum & honorandum Deum, qui sunt actus charitatis,

tis, & religionis virtutum longe maiorum, quam abſtinentia, & ſobrietas non peccat, & meretur, quinto quòd qui orat vel aliud bonum facit principaliter propter Deum, vel alium debitum finē, minus autem principaliter ob laudem, in quantum eſt quoddam bonum, ſed non propter ſe ſolum appetibile, non perdit meritum, nec peccat, modo eam in aliquem finem debitum referat. Quæ omnia proſecto inculcanda erant a concionatoribus; vt rem adeò quotidianam calleremus, & ſcrupulos, quod illud Gregorii dictum gignit, vitaremus.

- 67 X x v i. infertur quòd duo requiruntur; vt actus ex ſeſe boni non reſiciantur præſtituendo eis pro fine bona utilia. qua ſunt omnia pecuniaria & honoraria. Alterum vt non quærantur propter ſe ſolum, ſed propter aliud in ſe amabile. Alterum vt non præſtituantur, pro finibus principalibus eorū, vel referantur in finē illis actibus cōgruū.

Ad

Ad hoc autem ut non inficiantur per præstitutionem bonorum honestorum & delectabilium per se amabilem satis est quod non fiant fines principales actuum maiorum virtutum, siue referantur in alium siue non.

S U M M A R I U M.

Actus quibus candidati specimen ingenij, eruditionis, artis, virium, & aliarum dotum exhibentur ad promerenda præmia plus merentibus proposita, quomodo ut sint boni fient. nume. 68.

Intellectus quorundam Domini dictorum & aliorum doctorum. nu. 69.

Eleemosinam maiorem largiri eo quod publice, vel à maiore petatur non esse malum. nume. 72. sed melius esse curare ne sic petantur. nume. 73.

Eleemosinam publice largiri debere prælatos. nume. 73.

Bona bene facere publice non esse facile omnibus, ideo fugiendus multis episcopatus. nu. 73.

Honor iam quæsitus, cur magna cura conservandus. nu. 74.

*Annum de se bonorū cur bona pars mala. nu. 70.
Bona insignia publicē facturus, quid permeditari
debeat ne sibi toxica fiant. nu. 74. 71.*

68



Igesimoseptimo. Quod actus currendi, saliendi, equitandi, hastis, sagittis, bombardulis, & canis ludendi: prælegendi etiam, disputandi, concionandi, canendi, pulsandi organa, missandi & alia eiusmodi, quibus agilitatis, roboris, ingenij, artis, dexteritatis, eruditionis, industriæ, doctriq; aliarū inditarū aut quæsitārū specimen præbemus sunt boni si ea principaliter agamus vt per eos Deo placeamus, vel vt beatī fiamus, vel quia recta ratio id dicat, vel quia sunt honesta, etiam si minus principaliter ea faciamus vt pallia & brauea, pulpita cathedras, sacerdotia officia, & alia munera ecclesiastica, scholastica sæcularia, militaria, vel alia quæ magis idoneis promittuntur, assequamur, modo ea in aliquem finem bonū actu vel

vir-

virtute collimemus, & reflectamus.

XXVIII. Infertur q̄ in illo Matth. cap. 6. Ne iustitiam vestram faciatis coram hominibus, vt videamini ab eis; Illa coniunctio, vt, denotat finem principalem, neque actu neque virtute in alium finem debitum relatum. Et e contrario in illo Matth. quinto, Luceat lux vestra coram hominibus vt videant opera vestra bona & glorificent patrem vestrum, qui in coelis est; denotat finem minus principalem, & in alium debitum relatum. Quæ concordia videtur aptior illa, quam Io. Gerson tradit in secunda par. alphas. 39. in tract. de temperantia. col. 3. Infertur & illud, quod expressius quam alij dixit Maior, Matth. cap. 6. col. 2. s. quod quærens gloriam propriam propter laudem & gloriam Dei non quærit gloriam inanem. Consequitur item, q̄ Abulensis, Matt. 5. col. 33. & Caiet. ibidem aiunt. Soli Deo, & non facienti quærendam gloriam per bona opera

intelligendi sunt de gloria principaliter desiderata, & non de relata in Deum, vel alium finem debitum.

- 70 XXIX. Infertur, quòd non desumitur hinc argumentum adeo validum ut aliqui putant, ad confirmandam illam heresim, quæ habet; Omnia nostra opera esse peccata saltem venialia. per illud Esa. 64. malè intellectum. Quasi pannus menstruatae vniuersæ iustitiæ nostræ. Licet enim dolenter consideramus quamplurima opera nostra etiam suo genere bona fiant mala ob finis circumstantiam, ex eò quòd multa fiant ob finem malum mortaliter vel venialiter; multa in finem debitum non referuntur. Complura principaliter propter bona temporalia, vtilia & honoraria; quæ constat esse mala saltem venialia per prædicta. nu. 44. Et non pauca, quæ licet principaliter fiant propter Deum vel quia recta sunt, fiunt tamen minus principaliter ob bona temporaria, præsertim

ferim laudem & gloriam, in nullum alium finem debitum, actu neque virtute relata; quæ etiam sunt peccata venialia per præmissa. nu. 57. Quamuis etiam inquam hæc ita sese habeant; quamplurima tamen fiunt ob solum finem debitum & multo plura ob illum & alium minus principaliter actu vel virtute siue virtualiter relatum in finem aliquem debitum iuxta ea quæ de relatione virtuali & actuali supra. nu. 18. restat dictum.

X x x. infertur expedire plurimum meminisse illud magni patris nostri Augustini in ca. 4. regulæ nostræ. Alia quæcunque iniquitas in malis operibus exercetur vt fiant: Superbia vero etiam bonis operibus insidiatur vt pereant. Illud item magni Gregorij supra. nu. 65. citati & declarati videlicet. Sæpe vos fratres admoneo praua opera fugere &c. nunc autem compellor dicere, vt & bona magna cautela faciat, ne per hoc bonum quod geritur,

fauor aut gratia humana requiratur, ne appetitus laudis surrepat, & quod foris ostenditur, intus a mercede vacuetur. Illud item magni Basilij qui curabat, vt quoties in pontificalibus misfaret diceretur ei; Pater nondum est se pulchrum tuum perfectum, fac vt perficiatur: quo appetitum laudis & honoris mortis memoria refrenaret. Expedit inquam meminisse hæc tria, in omnibus nostris actis, præsertim quoties sese nobis aliqua opera insignia publicè facienda offerant; qualia sunt in materia virtutis latriæ, siue religionis missa publica præsertim cantanda & maximè in pontificalibus, euangelij lectio, capitulum antiphonæ & orationis cantandæ. Qualia in materia iustitiæ sententiam in grauioribus causis in magno consensu ferre. Qualia in materia fortitudinis, & magnificentia, pugnae veræ vel umbratiles, sumptus grandes, & apparatus maximi. Qualia in materia studiositatis prælectiones,

ctiones, disputationes publicæ, & specimina, ingenij, memoriæ, artis, eruditionis, & aliorum donorum tam inditorum quàm quæditorū, ad brauea & premia habilioribus proposita exhibenda. Operæ precium inquam faceremus cum eiusmodi agenda occurrerint meminisse prædicta, & omnino cauere in primis, ne nostræ actioni vlus finis malus præsertim mortiferus præstituatur, ne ve vlla res temporaria pecuniaria vel honoraria principaliter intendatur; immo neque minus principaliter, sine debita in alium finem iustum relatione actuali vel virtuali; Simulq; nostræ actionis principalis finem facere dominum solum ipsum beatificatorem, vt ei placeamus, & beatitudinem quam prætendimus vel virtutem aliquam ipsi actioni aptam, vt eam exerceamus, vel vt rationi supernaturali, vel naturali, aut humanæ, quæ id dicat satisfaciamus.

Quòd si aliqua alia bona temporaria,

pecuniaria vel honoraria his adiūxerimus, illud fiat minus principaliter & secundario, cū eorū actuali vel virtuali in fines proximè dictos relatione; inuocatione illa præmissa: Actiones nostras quæsumus Domine aspirando præueni, & adiuuando prosequere, vt nostra hæc operatio à te incipiat, & per te incepta, in te ipsum finiatur. per CHRISTVM D. N. Amen.

- 72 XXXI. inferuntur hæc quæ sunt quotidianæ decisiones dubiorum super quibus olim interrogati fuimus. Prima est Io. Gers. 2. par. tit. de Temperāt. alphab. 39. l. quem non malè, imo benè mereri, si aliud non desit, largiendo maiorem eleemosinam publicam, quam fuisset largiturus secretam, modo minus principaliter illam maiorem laudem de maiori eleemosina requirāt, eamq; actu vel virtute in alium finem debitum referat. II. Non esse peccatum, imo meritum si adsint cætera largiri maiorem eleemosinam pauperi

ri absenti pro quo petit aliquis amicus, vel vir egregius, quam dedisset si pauper ipse vel alius homo gregarius eam petiisset; modo minus principaliter, & non principaliter respiciatur persona. III. peccare illos qui aliqua de magna causa procurant, aut consulunt ut petatur ad aliquod opus pium publicè per egregiam quampiam personam Dei amore ut maior eleemosina fiat, quàm si secreto vel per alias personas gregariàs fieret. seruatis tamen modis prædictis. Dixi aliqua de magna causa: quia sine tali ut id fieret non consulerem. Quoniam cum bona pars hominum sit vel pauper, vel insueta humilitatis actibus, vel plus satis gloriæ humanæ auida, facile credi potest bonam partem eorum, a quibus petitur, tam aut magis largituram illud plus, quod largitura est publicè quàm secretè ob gloriã humanam, vel pudorem & ignominiaë timorẽ ex necessitate quadam. & tristitia, quam hilari mente in
hoc

hoc ab Apostolo 2. ad Corinth. cap. 9. requisita. Ob quod & alia quædam olim, cum primam missam cantavi, nō permisi vt vllus ad eam inuitaretur; nec vt mihi quicquam efferretur; contra meæ morem gentis, & contra expectationem cognatorum & amicorum parentum. Quod ipsum aliqui postea meo exemplo & hortatu, fecerūt. III. iuste peti aut dari posse plus eleemosinæ, cum in aliquid pium opus publicè petitur ex altari vel suggesto, publicante parcho vel alio, quis, & quantum largiatur, aut promittat, vt pro eo circumsedentes Deum orent. Quam decisionem limitandam arbitror, vt præcedentem. V. Posse quem absque peccato plus offerre, missam primam facienti, vel nuptias, aut baptismum celebranti, eo quòd ad id inuitatus fuerit, vel pupillo spectante offerat, quam offerret si nemine vidente, aut non inuitatus id faceret, eadem

dem ratione seruatis prædictis modis. Quæ omnes decisiones radican-
 tur primum in eo, quòd eleemosina
 iustè fit si fiat principaliter propter
 Deum, vel quia est actus virtutis; li-
 cet minus principaliter fiat ob lau-
 dem propriam in finem debitum re-
 latam, per prædicta. Deinde quòd
 frequenter circumstantiæ aliquot oc-
 currunt, ob quas eleemosina publica
 debet esse maior quam secreta è qui-
 bus est illa, quòd alioquin iniustè,
 videntibus putaretur faciens eam, a-
 uarus, vel sordidus, & detractiōe di-
 gnus. VI. est eiusdem Ioan. Gerso.
 vbi supra. s. errare illos qui laudant
 prælatos non facientes eleemosinas
 publicè sed tantum secrete. Quia
 præceptum est eis vt publicè bene fa-
 ciant, per illud Matth. 15. Luceat lux
 vestra coram hominibus. VII. est
 eiusdem & aliorum omnium. Quòd
 quamuis præfata vera sint, cauē-
 dum tamen est hominibus virtutum,
 præ-

præsertim humilitatis operibus pa-
 rum assuetis, ne cum earum opera
 exercent, principalius vel æquè prin-
 cipaliter faciant ob humanam gloriã,
 ac ob alium debitum finem, incitante
 ad id laudis humanę insita cupiditate.
 Imo huiusmodi homines benè sibi cõ-
 sulent vtendo ad litteram illo Matt. 6.
 Cum facis eleemosinam noli tuba ca-
 nere, sed da in abscondito. **VIII.** est e-
 tiam eiusdem Io. Gers. vbi supra: q̃ ob
 hanc solam causam, etiam si aliæ om-
 nes abessent, deberent fugere episco-
 patus, & alias dignitates ij qui parum
 sunt in virtutum præsertim humilita-
 tis actibus exerciti, quoniam oportet
 eos agere multa bona publice; & sub-
 est eis periculum faciendi ea tantum
 vel plus ob humanum fauorem, quam
 74 alium finem debitum. **IX.** est Abu-
 len. super Matt. cap. 6. q. 3. col. 2. f. Di-
 gnum esse vituperio eum, qui hono-
 rem iam quæsitum non curat conser-
 uare. Tum quia, vt ille inquit, honor
 sicut

ficut non potest iuste quæri nisi per
virtutem, & aliquam veram excellen-
tiã; ita nec perdi iuste nisi perdita illa:
Tum per illud præceptum Eccl. 41. Cu-
ram habe de bono nomine. Tum per
illud Apost. 2. ad Corint. 9. Melius est
mihi mori, quàm vt gloriam meã quis
euacuet. Qui idem quod maximè du-
co notandum, etiam de gentilitia no-
bilitate se laudauit. 2. Corinth. 11. ibi
Hæbrei sunt, & ego. semen Abrahæ
sunt, & ego. & illud Machab. 9. Ab-
sit vt fugiamus ab his, & inferamus
crimen gloriæ nostræ. Tum quia cru-
delem esse illum qui famam negligit:
intelligi inordinate diffinit August.
in capit. Non sunt audiendi. 11. quæst.
3. Tum quia licet magis curandum sit
de virtute vel excellentia vera quàm
de honore vel laude illi debita: eo qd
honoris perditio frequenter sine cul-
pa eius cui debetur contingit: capit.
Renouantes 22. distinct. nihilominus
tamen curandum est de honore; ne
vulgus

vulgus, quod nouit effecta, & eorum causas ignorat, videns quē ab honore decidisse, pręsumat eū virtutem quoq; & excellentiam amisisse: & ex eius casu pręsumpto scandalum accipiat ob speciem mali. A qua vt caueamus Apostolus relatus in eo cum ab omni specie mali de vit. & honest. cleric. pręcipit primo ad Thessalon. quinto. Tum denique quod ob quinque fines bonam famam & honorem desiderare conuenit, vt in repetit. capit. Inter verba. vndecima quęst. 3. nume. 192. scripsi: Quorum quartus est vt constantius virtutes colamus: reputantes nos tanto esse obligatiores, tantoq; plus peccaturos si contra fecerimus; quanto magis credimur eas colere.

S U M M A R I U M.

Authorem iuste potuisse debuisseq; suum honorem defendere. nu. 75.

*Apologia in eos qui falsis & impertinentibus de
causis nisi sunt persuadere Romæ insensum esse
authori Regem Philippum Hispaniæ huius no-
minis secundum. m. 7. 6.*



Rigesimosecundo. Infero 75

ex proximè dictis, non
solum potuisse me iuste
sed etiam debuisse Chri-
stiane defendere meum honorem &
famam, quam falsis & impertinen-
bus de causis tollere: aut certè graui-
ter minuere proximis diebus tenta-
runt quidam, in hac amplissima Ro-
ma totius orbis Christiani Theatro
& capite; præsidente illi Serenissimo
D. N. Pio, V. Pontif. Max. mul-
tis nominibus merito, cum primis
prædecessorum suorum sanctissimis
conferendo æquandoque. Quo Ec-
clesiæ vniuersæ Principe redeunt au-
rea sæcla & aurea regna; patratque
Deus Opt. Max. contra infideles mira-
bilia. Quam defensionem feci per epi-
stolam quandam apologeticam ad Il-
lustrissi-

lustrissimum & Excellentissimum Du-
cem Alburquerqueensem Medio-
lani Gubernatorem ; quam,
quia vt audio aliqui
parum correctè,
transcri-
pserunt, statui eius teno-
rem verum huic coro-
lario subiicere.

Tenor epist. præfata apologetica.

ILLVSTRIS. EXCELL.
D. Don Gabrieli à Cueua
Duci Alburquerquensi,
Gubernatori que Mediolani, &c.
iustissimo, pientissimoq;
Principi.

Martinus ab Azpilcueta doct. Nauarrus. S.P.D.



VITA, diuque versans, 76
Princeps præcellens,
constitui tandem ad
tuam istam præcellen
tem vereq; Christia
nâ benignitatem con

fugere: quo me pro tua in Christum
pietate, & in me charitatē, qua parte
honestè poteris, à labijs iniquis, & à
lingua dolosa, liberares: præsertim a
pud Serenissimum D. N. Pium V.
Pontif. Max. & apud Regem & D. N.
Philippum I I. Monarcharum sum
mum. Quod nemo potest mea sen
tentia efficere aptius. Tum, quia ne

mo tui ordinis Princeps, vtrique gratior & fidelior creditur. Tum quòd nemo magnatum, qui præfatum nostrum Monarcham eis alpes representant, adeo bene ac tua Excellentia me familiamq; meam nouit. Quippè qui multo tempore tanta charitate, prudentia, iustitia, humanitate, ac fideli vigilantia, Nauarram prorex eius gubernasti, quanta nemo alius eam ætate nostra; tantaq; cum omnium Regnicolarum laude tua, & eorum moestitia concordi, exinde istuc fuisti missus; quanta nemo alius antea fuerat euocatus. Tametsi multi alij virtutibus, dignitate, ac opibus præcellentes; & in his pater tuus ille iudicio, experientia, ætate, rebus gestis, & alijs nominibus verè magnus, eam gubernarunt.

Negotium, quod me tuam Excellentiam confugere facit tale est iam inde à duobus annis, nescio neque cupio scire à quibus neque quo spiritu, coepit

cœpit in vulgus spargi Regem præfatum esse infensum mihi, maleq; velle. Dudum autem his proximis diebus, cum de quibusdam magnis honoribus distribuendis hic tractaretur asseueratum: Ex eoq; illatum oportere, ne Sanctissimus D. N. patresq; purpurati vlla egregij amoris signa in me ostenderent; suamque assertionem quatuor argumentis, dicuntur nisi persuadere. Primum, q̃ in operibus meis scripserim iniuste Nauarrā à præfato Rege teneri. Secundum, quòd ipse fateor in libello de redditibus ecclesiasticis latinitate donato. q. nu. 95. post principium; nullo curiæ Regiæ munere me ab eo donatum; quod aiunt contingere non potuisse, nisi me Rex odisset cum vulgo putarer aliquo illorum dignus. Tertium, quòd sum Nauarrus ex utroq; parente de duobus prognatus palatijs, quorum domini olim Regem Io. à Labreto relicta Nauarra aKeuntem, vna

b ij cum

cum Mariscallo Excellentiae tuae cognato, suoque dūce sequuti fuerunt. eosque frequenter eo nomine laudem. Postremum quod in Gallijs, multo tempore iura Pontificia & Cæsarea didicerim & docuerim; Galliceque loquar, Galliasque magnificiam, eisque sim bene affectus.

Quā propositionem, & argumenta, quibus eam suffulciunt, eo grauius sentio, quod ea nequeo diluere, nisi me meosque laudando contra illud Prou.27. Laudet te alienus & non os tuum: & quod id fecerunt homines, nihilo alio quod sciam à me offensi, quàm quod Illustrissimum Toletanū defendam. vel quod Italis præsertim Romanis & eorum, totiusque orbis Pontifici Max. patribusque purpuratis sim charior quàm illi vellent, vel quod aliter quàm licebat cum iniuria proximi, in præfatum Regem voluerint videri obsequiosi. Ad quæ omnia æquo animo ferenda, quanta mihi sit

opus

opus ope diuina; æstimet pro sua rara prudentia tua ista Excellentia reputans secum, me adeo senem, & peregrinum, in tanta vrbe, quæ totius orbis theatrum est constitutum; & paulo ante ab omnibus tam summatibus quam infimatibus, gratia Deo maioris quam merear habitum; nunc vero non per quales quales, sed vt conijcere licet per contreraneos, adeò cum cognatis meis iniuste infamatum. Quæ tamen omnia soli Dei Opt. Max. vindictæ lubenter reliquisssem, nisi quibusdam pijs & doctis viris visum, esset, quòd licet non solum ea iuste possem fere, imò deberem plurimum gaudere, quatenus me solum feriunt, iuxta illud Greg. c. Inter verba. ii. q. 3. Inter verba laudantium siue vituperantium ad mentem semper recurrendum est, & si non in ea inuenitur malum, quod de nobis homines loquuntur in magnam debemus lætitiã profiteri. Tum ob alia multa, quæ in eius

repetitione illi adiecimus. Tum quòd tantæ senectuti non conuenit caducis onerari honoribus præsertim, quos nouit vires eius superare iuxta finem c. Non est putanda. i. q. i. ex eodẽ Gregorio desumpti, vbi glo. citat illud Horatij: Sumite materiam vestris qui scribitis æquam viribus &c. Tum q̃ consiliorum meorum rationibus priuatis incommodarent: & solum expedire mihi possent, vt maiore cum aũthoritate mea scripta legerentur. Quatenus tamen Rempubl. cognatos meos, & mea scripta quatiunt, non posse me sine peccato, aut sine magna causa dissimulare iuxta illud Eccl. 41. Curam habe de bono nomine; & quòd iuxta Aug. relatum in c. Non sunt audiendi. ii. q. 3. Crudelis est qui famam suam negligit. Quia mea infamia, eo quòd tam publicam gero personam plurimis esset scandalo. Cum non sit par credere, summum benignissimumq; Regem, tantam irā nisi

nisi ob maximum crimen in me conceptum iri authoritatiq; meæ, meisq; opusculis derogaret, omnibusq; cognatis meis, & toti Nauarrę officeret, immo & aliqua ex parte gloriæ tanti Regis detraheret, apud eos qui me intus & in cute noscentes, sciunt me non odio Maiestatis eius sed amore dignum.

Necessitate igitur in hoc adæctus primū argumenta præfatā singulatim diluam. Deinde adiungam aliā per quę vna cum his quę dilutionibus miscebo constabit me circiter annos 50. non solum qualiter qualiter, sed insigniter de præfata Regis Maiestate, deque patris eius illius summi Imperatoris, deque eius matris illius summæ Imperatricis benemeritum, & ideo præsumendum, non esse mihi eum infensum, neque male velle, sed potius bene. Ad primum igitur præfatorum argumentorum respondeo impudentissime dictum esse, ac testimoniū

falsissimum quòd in aliquo meorum operum scripserim Nauarram iniuste à præfato Rege teneri. Tum quod palam & notorium est, me nunquam ea de re in eis tractasse, neque vllam mentionem fecisse. Tum quòd palam quoq; est mea omnia opera priusquàm typis excuderentur, per magnum Regiæ Maiestatis Castellæ consilium examinata et priuilegio munita fuisse. Tū quòd palam etiam est stultissimi vanissimiq; hominis futurum fuisse, id scribere in terris tanto Monarchæ subditis in præsentis scribentis suorumque perniciem, nullo diuino, neque humano iure ad id cogente, nullaque vtilitate ad id suadente, & quod gratia Deo Opt. Max. non vsque adeo insanio & desipio. Tum quia plurimi qui meum confessoriorum & pœnitētium Manuale serio legere, dixerūt, quòd ego in eo assero Nauarram iniuste à Regibus Catholicis teneri etiam si non esset verè illorum eo argumen-

to id colligentes. quòd in cap. 17. nu.
 60. dixerim Restitutionem alienarum
 rerum non esse faciendam, quando
 per eam consequerentur maxima dā
 na publica: ob idque non esse facile
 damnandos Reges, qui tenent aliqua
 aliena, etiam si scirent, non esse sua,
 modo probabiliter crederent eorum
 restitutionem consequutura grauissi-
 ma suorum regnorum incōmoda. Ex
 hac enim propositione adiuncta alte-
 ra quam sæpe dixi videlicet, prudentis-
 simos quosq; rei militaris Hispanos,
 iudicare per restitutionem præfati Re-
 gni, apertum in ostium inferendi ma-
 xima damna, in alia Regna Hispaniæ
 per montes Pyreneos, inferunt, me
 dixisse Reges Catholicos, non teneri
 ad restituendam Nauarram, etiam si
 nossent non esse suam. Quamquam
 ego nullum verbum penitus feci de
 Nauarra, neq; de vllis aliis dominiis,
 super quibus inter vllōs Monarchas
 controuertitur. Neque an in eiusmodi

di casibus sit compensatio aliqua facienda, nec ne. Tum quia frequenter constantissimeque verbo asserui tam in Galliis quam in Hispaniis, quod nunquam Reges Catholici sua sponte, Regnum illud, aliis, qui suum esse prætendunt, relinquunt. Tum denique quòd cum illa pacifera Regina & Domina nostra Isabella te pro rege Nauarræ traiceret in Hispaniam & in domo natalis mei, vno die requiesset multis viris Principibus Hispanis & Gallis qui eam comitabantur asserentibus præfatum Regnum mox restitutum iri Vindocinensi, qui eam usque ad Roncam vallem comitatus fuerat contradixi, nitens præfato, (quod est irrefragabile) fundamento. Quin & licentiato perdocto ab Ainciondo consiliario præfati vindocinensis excellentiæ tuæ, (ni fallor) noto, mihi vero etiam amico, (quia emphiteutarum in ei ordinis Roncæuallis cum primis præcipuus est) cum paulo post transitum

tum præfatæ Reginae scripsisset ad me propediem, se, cum Rege suo in domum præfatam, qua erat iter in curiam Regiam diuersuros, eo quod iam habita fide publica siue saluo conductu, ornabant iter ad acceptandam restitutionem. Illi inquam mihi hæc scribenti, rescripsi, demirari me incogitantiam & imprudentiam eius et omnium Gallorum, & multorum Hispanorum etiam magnatum qui crederent eam faciendam. Eidemq; secundo replicanti quod Regia nostri Regis Maiestas, (quem ego soleo dicere nunquam mentiri) promiserat Henrico II. socero suo, restituere illam ei quam ipse appellabat suam Reginam, si monstraret se non posse illud absq; peccato mortali retinere; & quod facile id ipsa esset ei monstratura: triplicauit duo. Alterum quod præfatus Rex adeo erat Christianus, quod non solum Regnum Nauarræ, sed etiam Toletanum, & totam Castellam restitueret, si quis ei
per

persuaderent, non posse illa, salua suæ animæ salute detinere; quippe qui optime nouit parum prodesse homini totum mundum lucrari, si animæ suæ detrimētum patiatur. Alterum, quòd nullatenus id poterat illa ei monstrare. Quoniam esto probaretur ei non esse illud eius, non tamē poterat probari, & minus monstrari non posse illud iustè retinere. Quia vt ipse poterat facilè vidēre, in prædicto meo Manuali, iure constat, non esse necessarium restituere alienum, quando ex eo maxima damna publica probabiler timerentur. Et q̃ ex facto constabat totam prudentiam bellicam Hispanorum iudicare grauiissima damna Regnis Hispaniæ probabiliter timeri posse per huiusmodi restitutionem euentura. Quamobrem moneret suum Regem, ne se vanis impēsis, & laboribus oneraret, vanisq; molestijs tanti Regis Maiestatem fastidiret, alias (si ei videretur) sibi quæreretur cō-

pen-
sa-

pensationes. Qua mea triplicatione
 factum fuit, vt à vana spe decideret
 Vindocinensis, Princeps alioqui vir-
 tute bellica summus; & nō fuerit vsus
 fide publica, siue saluō cōductu à Ma-
 iestate Regia suam curiam adeundi iā
 ei dato, quod de hoc negocio fastidiō
 sissimo tractaret. Ob quod solū officiū
 vtriq; parti, sine alterius iniuria prae-
 stitutum, ab vtroq; poteram praeiū
 petere; quia tunc amici erant, sed ma-
 lui ab ipso, qui hēc vidit & inspirauit,
 Deo sperare illud. Per quē palā est, im-
 pudētissime mihi obijci primū. Addo
 q̃ imprudenter dum volunt videri in
 Regem officiosi, sunt in eundem inof-
 ficiosi. Quoniam multi qui norunt
 me, de tangentibus animarum salutē
 etiam verbo cunctanter respondere
 solitū, facilē credere possent cunctan-
 tius tale quid scripturum cōtra tantū
 Regē & in opere typis & in Hispania
 excusso: neq; id vllatenus nisi veritate
 cogente facturū: ob idq; illi assentiū.

Per

Per quæ satis superque dilutum est primum.

Ad secundum respondeo pudere debere illos velle Romæ Romanis persuadere Regiam Hispaniæ Maiestatem malè mihi velle in Hispanijs, eò quòd ipse hic factus fuerim, nullo me suæ curiæ munere ab eo donatum. Primum quia malignè inuertunt ad finem probandi odium in me tanti Regis ea, quæ candide asserui ad finem vt magis crederetur mihi de laudibus eius differenti. Deinde quòd eodem argumento probarent Maiestatem eius quæ in omnes etiam externos præcellèter est benigna, odisse omnes, quos ipse nouit, & vulgus æstimat eius magnificentia dignus, si eos muneribus suæ curiæ minime donaret. Immo & Maiestatem Apostolicam & Francicā odio habuisse summum illum Thomam Aquinatem, qui eorum in Imperijs degens, nullo ipsarum curiarum munere functus fuit. Et ne respōdeant

deant quòd ille fuit religiosus, considerent me quoque iam inde a 46. annis esse talem; quamvis imperfectum & infirmum; vt ille perfectissimus & sanctissimus. Quæ consequentia, quàm absurda sit, nemo non videt cū multis alijs de causis quam odij passim id contingat: Puta, quia non egent eis uel non expectunt ea, vel non petunt, vel tamquam eis minus expedientia minimè acceptant: vel quia solius potentiae diuinę est omnes pro meritis donare. Ob quarum aliquas causas, id erga me ab eo factum, in eodem ipso loco quem ipsi citant affirmo: in hæc verba. Quia contētus & supra merita ornatus honore ac honorarijs quatuor prædictarum, quæ celeberrimæ sunt academiarum nunquam curiæ Regiæ munera, in hunc vsq; diem ambiui, neque petij neque accepi. Præterea quòd licet nō acceperim oblata tamen mihi fuisse. Nam Deus quem in testem inuo-

co nouit, quòd ante 35. annos, cum nondum Salmanticæ vllam cathedrarum maiorum, nactus essem; oblatuſ fuit mihi locus in conſilio Regio Regni Nauarræ, quòd ſolet reſidere Pamplonæ vna cum canonicatu illius Ecclēſiæ Cathedralis. Nouit item quòd maiora mihi deſiderarunt & promiſerunt Cardinalis ille termagnus Gubernator Ioannes à Tauera & epiſcopus Pacenſis Suarez, qui tunc plurimum non abs re apud Cæſarem & Cardinalem præſatum valebat, poſteaq; decretorum cathedram in eadem Salmantica obtinui; & antequàm primæ functionis, adeptus Conymbricam Luſitaniæ iuſſu Cæſarum migrarem. Immo & poſtquàm migraui, vt in Caſtellam redirem. Quæ tamen omnia litteras & ſcholas feruenti animo inſequenti, iuſtè, mea ſententia, minoris illis fuerunt. Nouit itē Deus ipſe ad quem modum ab hinc circiter quindecim annos cum cathedra

Conym-

Conymbricensi, (vt aiunt) iubilata;
 per Pinciam in qua curia Regia resi-
 debat, in patriam Nauarram redirem.
 Reuerendissimus Ispalensis donnus
 Ferdinandus Valdesius, quem vti-
 nam in cælo inueniamus benignissi-
 mē suscepit, & ardenter desiderauit,
 vt in magnum Inquisitionis consiliū;
 cui præsidet, cooptarer: adiiciens pa-
 lam, è republica futurum, vel crean-
 do nouum aliquod minus mihi aptū,
 in curia Cæsarea retinerer. Quæ licet
 agnoscerem esse meritis meis longe
 maiora, recusauit tamen: Quia de cō-
 sensu gloriosissimorum illorum Lusitaniæ
 Regum, nullis pietate, pruden-
 tia pacis belliq; in infideles, artibus se-
 cundorum, præfati Regis socerorum
 Dominorum nostrorum vix obten-
 to, omnibus, (& in his etiam episco-
 patus, ad quem vacantem me præsen-
 tare voluerunt) prætermisissis, omnino
 decreueram, in quadam insigni ciuita-
 te exteri illis solis ad hunc vsq; diem

L nota,

nota, me includere, ibique nomine mutato incognitus aliquot annis incumbere opusculis, quæ edideram recognoscendis; & alijs quæ sub litturis habebam poliendis & edendis, & manū extrema donandis. Nouit item ipsa Regis soror Germana Princeps Portugalliæ D. N. multis nominibus altissima, quæ tunc Regna eius gubernabat, cuiq; Manuale Confessariorū dedicaram, quam obnixè illo eodem tempore percupiuit, ne ab eius curia discederē, significans id mihi futurum honori. Quin & vt me à prædicto proposito auerteret districtè iussit, vt duo Illustria canonicorū regulariū monasteria visitarem; ad ea quæ egerem, illius potestate munitus. Quod & feci, neque voluit mihi facere facultatem adeundi Nauarram, donec certior facta fuit, oportere me illo ire ad collocandas tres ex fratribus præmortuis neptes. Quin & postea cum in Nauarra, crure, casu mulæ in quatuor partes

res fracto, in lecto iacerem, iam con-
clamatus, per vnū cursorē, (qui quar-
to die à crure fracto ad me peruenit,) iussit vt ad suam curiam ilico magno meo honori reuerterer. Cui respon-
di; me ad maius tribunal vocatum, suum adire non posse. Nouit etiam Deus quòd Marchio ille Cortensis, Donnus Ioannes à Benauides Regi per dilectus, & qui eum imitatus nunquam mentiebatur, è Flandria in Nauarram rediens dixit mihi, à magno illo Regis Erasmo rogatum fuisse, vt disceret ex me, an possem & vellem Regiæ Maieitati, in consilio magno Castellæ inseruire. Cui respondi me vellem quidem vt par erat vbiq; terrarum, Maieitati eius inseruire, sed ob præfatam causam tunc non posse id honestè facere.

Dicat nunc hic aliquis horum detractorum, cur ergo Regi iubenti vt essem Illustrissimi Toletani aduocatus assensus fuerim cum munus aduo-

candi longè minus honestum sit, quàm superiora, quæ dixi me recusasse. Cui respondeo, Maiestati eius notum esse, me à prima iussione, quod licebat, supplicasse, causasq; cur id non debbam facere proposuisse. At cum per Illustrissimi Compostellani, qui nunc est Ispalensis, & insignis Cardinalis, & tunc erat Toletani iudex, litteras, secundo iussisse ut omni excusatione, præterquam mortis posthabita; ilico Pinciam ubi causa tractabatur adirẽ. Additis præfati Marchionis litteris, quibus significauit, eum meam excusationem ægrè tulisse. Cauermq; mihi plurimum, ne iterato id facerem. Itaq; dico nondum cruris fractura satis sanata adiui, ut eius Maiestati secundo mihi iubenti, & adeo rem tam cordi habenti obedirem. Quod ipsum ut facerem tua Excellentia à me super hoc consulta consuluit, adiui reputans causam intra semestre vel ad summum octo menses finiendam. Quod

&

& ipsi iudices subdelegati tunc certum putabant. Adiui certè non vt facerem voluntatem meam, sed eius qui me mittebat Regis facultate ad id & præcepto mei Præfecti Roncæualis factis. Adiui non quidem quòd Reuerendissimum Toletanum vel de facie antea cognouissem; sed quòd eum putarem innocentem, eò quòd facile intelligerem, eum à Rege tanta curâ iustam eius defensionem procurante plusquâ vulgariter diligi. Quod fieri nequibat à Rege tam catholico credente ipsum à fide defecisse. Quam obrem etiam corâ iudicibus eum ingenuè admonui, ea me conditione ipsius defensionem acceptare, vt quàm primum sentirem ipsum hæreticum liberè defererem. Quod etiam ipsi placuit, & quia eum numquam sensi hæreticum, (licèt in eo falli potuissem) nec per eum, nec per eius defensores factum est, quominus causa finiretur, non licuit eum deferere. Immo

ne falsò iactaretur, malè me de illo sentire, vt Maiestati Regiæ dixi, oportuit, (non obstante senectute, neque debilitate relicta ex grauissima febris, quæ me paulo antea vexauit) huc venire ab ultimis Hispaniæ finibus, nèpè Olysippone prope quam litteræ Regiæ me inuenerunt. Per quæ omnia plus satis manet dilutum, secundum meorum detractorum argumentum, quo arguunt Regem mihi iratum, eo quòd eius curiæ muneribus non sim donatus.

Ad tertium autem fateor, immo gaudeo, me esse Nauarrum & Cantabrum de antiqua illa gente, fidei Regibus præsertim datæ obseruantissima, testante Platina in vita Io. vi. Cantabros & Astures, qui omnium Hispanorum postremi Romanis adhæserunt, ultimos eos deseruisse. Nullaq; quam nouerim prodente historia, vident Nauarrorum fidem Christi, quâ
per

per S. Saturninum discipulum beati Petri susceperunt, in hunc diem (gratia deo) deferuisse; & in impiam Iudeorum, Sarracenorum, Turcarum, vel Lutheranorum factionem transfugisse; etiamsi ab eis captus, & per mura illectus vel tormento in id adductus fuisset. Fateor item & gaudeo me progenitum à prædictis duobus palatiis, Azpilcueta videlicet & Iau reguicar, quod alio nomine dicitur Baztan. Vnde Bazanes Castellani magnates originem ducunt. Qui in saltu Pyrenei montis qua parte Vascones Celtas, à Celtiberis diuidit, sunt sita. Quæq; licet non sunt adeo opulenta, sunt tamen longè ante Carolum magnum erecta; & nullo in hunc diem gratia Deo damnatæ sectæ sanguine contacta. Quorum alterum alteri hoc solo nomine præstat, quòd alterum est vnum ex duodecim, qui præfato Regno nascenti regendo fuere destinata. Quæ res adeo notoria forte fuit

in causa, ne mei æmuli vllum natalium, & puritatis generis antiquissimi Christicolarum obijcerent. Fateor etiam & magno decori duco; quòd præfati eorum Domini vna cum suo duce Illustrissimo Nauarræ Mariscalco Excellentie tuæ cognato relictis suis laribus sequuti fuissent præfatum Io. a Labreto Regem tunc temporis suum, & à se iuratum. Quia licet non damnem eos, qui de causis eis notis diuersum fecerunt; laudo tamen hos, quod spretis suis sua iuramenta Deo reddiderunt. Quod magno illi Regis Proauo Ferdinādo, qui Catholici Regis cognomē primus adeptus fuit, adeò non displicuit, vt etiam laudaret eos, quòd imitarentur suos progenitores, qui patrem suum Regem Nauarræ & Aragoniæ contra filium proprium Principem aduersus eum rebelantem defendissent. & speraret eosdem posteaquam ei iuramento se obstringerent nunquā ab eo defecturos.

Quæ

Quæ spes nulla eum ex parte fefellit;
 Rege ipso nostro, patreque suo Impera-
 tore testibus locupletissimis. Qui præ-
 fato Mariscalco crediderunt primū. To-
 letū deinde Ispalim, & postea Regnū
 Galletiæ. satis Galliæ finitimum. Præ-
 feceruntque consilio magno trium or-
 dinum; & iusserunt, ut status & belli
 consilio interesset. Immo & tandem
 in præsidē consilij supremi destinatus
 obiit mortem. & fratrem eius D. Fran-
 ciscum à Navarra cuius ego. 14. annis
 in Gallijs primum, deinde Salmaticæ
 iuri utriusque; incubenti ductor & comes
 fuit ad duos episcopatus, & ad archie-
 piscopatū Valentinum euexerunt.
 Taceo fidem illius Illustris. Marchio-
 nis à Falces, cui etiam orbem nouum
 Rex credidit: & eius fratrum Illustrium du-
 ctorum militum à Peralta, qui signis
 Regiis præfecti alij alibi terra mari-
 que militantes aut gloriosas mortes
 oppetierunt, aut insignem operam,
 (ut vnus eorum sub Excell. tuæ ditione)

nauant.

nauant. Quorum ducatu semper pro
 genitores mei adhæserunt. Taceo for
 tem prudentemq; illum Dionysium
 ab Eca cuius soror cuidam meo auun
 culo nupserat, cuiusq; fidelitas vir
 tus & opera insigniter enituit in sedi
 tiosos illos Castellanos, qui commu
 nitatis nomen sibi fecerunt, postea
 quam à præfato Rege Iohanne à La
 breto dimissus Regia signa sequutus
 fuit. Cuiusq; trium filiorum maximo
 natu Carolo ab Eca non solum Plum
 binum Regia Maiestas credidit, sed et
 iā istius arcis Mediolanensis aliquan
 to tempore Procastellanus, & bonæ
 partis eius custos fuit. & alii duo
 ante trienniū à Regia Maiestate hono
 rificè aucti, alter in Flādria, & alter in
 Hispania fortiter Regi militant. Ta
 ceo fidelitatē magni Erassi, & Castel
 li, qui Regi sunt à secretis, quorum
 progenitores idem, quod mei fece
 runt. Taceo cōplures alios. id solum
 admoneo noto notius, & notorium
 facti

facti permanentis esse, quòd ambo præfatorum duorum palatiorum meorum auctorum Domini ante triennium à Regia Maiestate perpetuis stipendijs & alijs donarijs aucti, nunc in Pyrenei montis angustijs contra Gallos Lutheranos resident. Alter. s. Dominus de Azpilcueta, qui est vicecomes Colinae Præfectus Roncalibus, (genti omnium Celtiberorum suapte natura fortissimæ) in ea parte qua Navarram à Bearnio diuidit. Alter vero Dominus de Iaureguicar, siue Baztan, in ea præfata parte, qua Vascones Celtas à Celtiberis seiungunt: in quamcumque occasionem, cum suæ domui foederatis ad arma paratus. Per quæ palam satisfactum est tertio meorum æmulorum argumento,

Ad quartum Respondeo; fateri gaudereq; me plurimum in Gallijs multo tempore didicisse docuisseq; iura Pontificia & Cæsarea, immo & eo usque
nominis

nominis puenisse, vt à quibusdā Prin-
 cipibus viris inuitarer & rogarer ad cō-
 siliarij officiū in magno Parisiensi Par-
 lamento, eorū propria opera & pecu-
 nia coemendū. Solebant. n. tunc eiūs
 modi officia vēdi pro eis, quibus erat
 eruditionis nomen iuriū celebre. Fa-
 teor hoc inquam illis: quos ēt contra
 profiteri oportet me antequā Gallias
 adirem intra Nauarrā & celeberrimā
 complutēsem, (quæ in Castella noua
 est) academiā artes liberales & Theo-
 logiam scholasticā didicisse. Et q̄ po-
 stea in Hispanias è Gallijs regressus,
 triginta circiter annos ea iura Pontifi-
 cia docui, Salmāticæ quidem circiter
 14. & Conymbricæ Maiestatis Regiæ
 parentum iussu quintuplicato sexde-
 cim. Neque vllus negat attulisse me à
 Tholosa Gallia in Salmāticensem, ve-
 teris Castellæ academiā, omniū orbis
 Christiani cū paucis principem soli-
 dā & perutilem iuris Pontificij sapien-
 tiā. sicut & post me altero anno perdo-
 ctus

ctus iuxta ac perpius ille frater Franci-
 scus à victoria solidā vtilissimāq; Theo-
 logiā ex eiusdē Galliae Parisijs in eam
 dē inuexit. Cum ante nos ambos inte-
 gerrimus ille Siliceus in Regis magi-
 strū à Cæsare delectus, & postea in Ar-
 chipresulē Toletanū promotus, & ali-
 qui alij Parisijs in eadem Gallia ada-
 mussim docti vtrāq; philosophiam, &
 alias artes liberales magnoperè in eā-
 dē auxissent. Si ergo illi quorū aliquot
 plures annos q̄ ego in Gallijs didice-
 runt & docuerūt, nulla ob hoc nota i-
 mo laude dignos ducūt; cur ego solus
 dānor? An quia Regis duplicato iussu
 R. Toletanū cum collegis meis tot an-
 nos iustè defenderim; An q̄ charior
 quā ipsi vellent cæperim esse Pio V.
 Pont. Max. Patribusq; purpuratis &
 toti Romæ? Fateor item me paululū
 gallicè balbutire, modo non negent
 præfatos eleganter, & ter maximū Cæ-
 sarem Regis genitorem elegantissi-
 mē loquutos. Fateor etiam me solere
 Gallias

Gallias in quibus est etiam Flandria cum vndecim alijs vt arbitror dominijs aucta, magnificere; quas qui parui facit neque illas vidit, neque Geographiam earum, neque res in eis gestas intelligit. Neq; diffiteor me, quā parte par est amare Gallias, Tum quia magna pars earum Maieſtati Catholicae paret, Tū quia, gratia Deo, in eis didici, quod eius ope fideliter noſtraſtes docui. Tum quia quo tempore ipſe in eis degebā magna erant in Deū religione, & Rēges ſuos obedientia & inter ſeſe ſimplicitate, humanitate, mutua dilectione, dulciq; ac modeſta conſuetudine, ab omni vanitate ſuperbiaq; vt plurimum aliena. Tū quia ſunt proximi; quos omnes præcepto CHRISTI teneor diligere. Et iam inde à puero plurimū aduerſor eis, qui alias eo ſolo nomine quòd ſint illius vel illius gentis aut factionis oderunt. Quare frequentiffime aduerſatus ſum in Nauarra, Nauarris illis, qui alios Nauarros,

uarros, eo solo quòd essent alterius factionis, oderant. In Gallijs item illis Gallis, qui Castellanos eò solo quòd Castellani essent, oderant; Non enim Nauarros & Gotholanos, quorum copia magna solet esse Tolosæ, licèt nos omnes esse Hispanos nossent. Sic aduersari solebã in Castella illis Castellanis qui oderant Francos eo solo nomine, q̃ essent Franci, & qui iure vel iniuria facile irridebant & despiciabant Portugallos: Et in Portugallia Portugallis, qui iure vel iniuria facile oderãt Castellanos. & nunc plurimũ defero Romanis, qui nos omnes cuiuscumque gentis homines, humanè tractant; & cum iudicio dignos honore suscipiunt & amant; de alijs autem eò indignis parum curant, sed non eos afficiunt iniuria, nisi eis fuerint iniurij. Quod profecto proprium est Christianorum. Quoniam secundum Christianam doctrinam in omni gente, & factione, qui facit iustitiam est

Deo

Deo acceptus & amandus. Et contra in omni gente & factione qui facit in iustitiam est Diabolo acceptus, & quatenus talis odio habendus, & quia in omni gente & factione sunt boni, meliores, & optimi, mali, peiores, & pessimi; quos omnes quidem ad vnum diligere oportet saltem propter Deum, & ut licet hos qua parte mali sunt odisse; ita illos qua parte boni sunt oportet amare. Tum quia olim Tholosæ anno circiter 20, supra 1500. habui in scholis tempore carnis priuij prælectionem (quæ repetitio appellatur) pudicam & paciferā, contra multas quæ illo tempore passim habebantur, spurcas & seditiosas; super illud procemij Decretalium. Rex pacificus pia miseratione voluit, sibi subditos fore pudicos pacificos & modestos. Ad quam veluti ad rem nouam, non pauci confluxerunt. Qua inter alia multis persuasi, solas duos in orbe Christiano esse gentes. Alteram
quæ

quæ CHRISTO; Alterâ quæ Sathanæ militarent. Ideoq; illorû Frâcorum, qui honestati litterarum studiosi haberi volebât esse amare colereq; Hispanos Vascones Britones, & alios aliarû nationû, q Tholosæ litteris & honestati operâ dare satagebât. Et contra nostra Hispanorû, & aliorû aliarû nationû, q honestatis & litterarû studiosi haberi volebamus, erat amare colereq; Frâcos earûdē studiosos. Quo factû fuit, vt in omnes cuiuscûq; gētis honestos promiscuè cresceret amor; & in omnes cuiuscumq; gentis inhonestos de cresceret. Tum denique quòd cum omnes Christiani debeant se reputare aduenas & peregrinos iuxta sententiam Petri; & iuxta sententiam Pauli non habere hic Ciuitatem manentē sed futuram inquirere cum primis id facere debeo ego; quem Nauarra genuit Castella noua Compluti educauit, Gallia virum fecit, Castellavetus Salmanticæ sublimauit, Lusitania

M orna-

ornauit, decorauit & longè supra merita mea illustrasset, nisi vt prædixi alio me spiritus, (vt putabam) bonus direxisset. A qua sola etiam nunc honorificè inauditis meæ cathedræ stipendijs perpetuis alor. Vnde reuerſum ytraque Caſtella & Nauarra benigniſſimè excepit, tractauit, & opera mea conſilijsq; meis gratuitis 12. circiter annis eſt uſa. In quibus, (quod gloriæ magnæ duco) aliquando fui à ſacris confeſſionibus præfatæ Regis ſorori Germanæ incomparabili Portu-galliæ Principi D. N. & eius ex ſore nepotibus Bohæmiæ Principibus, non ſolum titulis auitis, ſed etiã propria indole virtutum animorum, corporumq; glorioſiſſimis. Et tandem per varios caſus & multa discrimina vitæ in Italiam totius orbis prouincia rum nobiliſſimam veniens iam circiter triennium Romam Chriſtiani orbis matrem & magiſtram, annum 78. agens colo. Cum igitur præ aliis meę

con-

conditionis viris debeam me peregrinum reputare; cur nō imiter eum qui pro nobis factus peregrinus; omnes cuiuscunque gentis homines amat, nullius personam accipit, vuumquem que pro sua in eum fide, spe, charitate atque alijs virtutibus collaudat, vel sua in eū impietate alijsq; peccatis vituperat? Cur imitatus eum, nō amē omnes cuiuscunq; gentis saltem propter eum? & bonos etiam propter eorum bonitatem? Cur nō omnes malos, qua parte sunt tales oderim? Cur non omnibus sine alterius iniuria pro sim vel prodesse velim? Cur nō ab alterius iniuria abstinēam, etiam si per eam Nauarro hlicui vel Hispano alij vel etiam mihi ipsi prodessem? Absit à me (Princēps Excell.) vt credar vlli, etiam mei natalis foli Regi longē benignissimo cum alterius iniuria contra diuina Christi pręcepta obsequuturus. Tantum abest, vt cum eius iniuria vlli alij obsequar. Per quæ omnia

fatis superq; monstraui non esse præsumendum me à tam benigna Maiestate odio haberi, eò quòd in Gallijs multo tempore iura didicerim & docuerim: & q Gallias qua parte par est magnificiã & diligã. Quod aduersariorũ quartũ argumentũ præcedebat.

Dilutis argumētis quibus detractores mei clā me persuasisse putant præsumendũ esse me Maieitati Regiæ infensum; adiungam pauca ex multis, quibus contrariũ iure præsumi oporteat. In primis quidem, q cū primũ Tholosam causa iura discēdi adijssem, à Gallijs in Gallia didici rationem præfatam, qua præfatus Rex Catholicus Ferdinandus Nauarram iustè retinere possem, quam à nullo in Hispanijs Hispano audire memini.

Secũdum q post aliquot annos, bonus vt credo spiritus mihi persuasit Gallias cito esse ruituras, q̃uis non tantum neq; illius generis ruina, qua ruē
runt.

runt. Quod persuasi omnibus & singulis, qui vnā horam ea de re me differentē audierunt, ē quorū numero fuerunt etiā præfatus Mariscalus Excell. tuæ cognatus, ipsiusq; frater Archiepiscopus Valentinus, præfati Regni cum paucis primi. Quibus etiam persuasi ē re Christi & Nauarræ publica, & sua, cognatorūq; suorū & eis adhærentiū priuata; imo & ipsius met Regis Iohannis viri natura pacifici, cui tantū erant oneri, fore: vt primo quoque tempore oblata iusta occasione absq; tamē iniuriā Galli, cui Mariscalus militabat; in suam redirent patriā. Quo facto rota ea trāquillata fuit: & Regia Maiestas leuata bona parte curarum, & impēsarum, quibus defensio illius Regni egebat illis, in Gallia degētib.

Tertium, q̃ post bienniū sequutus fui eos, reculat, cū gratiarum tamen actione, horis ad legendū honorificis ab academia Tholosana mihi præstitis, & multis alijs, quæ Gallia vt dixi

promittere benigne cæperat.

Quartum, quòd meo illo transitu & magnis argumentis persuasi Mariscali præfati sequacibus, licèt non citra sudorem, posse illos recta consciëntia credere iustè Nauarram à Regibus Catholicis teneri, eisdemq; militando bene mereri. Ad quod plurimum profuit quòd ego, qui eram eiusdem opinionis, & factionis quarū ipsi non solum verbo sed etiam factò relictis Galliæ muneribus, in Hispanias nullo penitus munere Regio ad id allectus, traieci: & Salmanticam paulo post adiui. Quæ res quanto fuerit obsequio Cæsari, & quantæ animarum præfatarum tranquillitati Deus Opt. Max. nouit.

V. Quòd plurimum Regiæ Maiestati Salmanticæ inseruiui. Si seruire Regno est seruire Regi, prælegendo circiter 14. annos tam in æstate, quàm in hieme, quotidie geminatis, & frequenter triplicatis horis. Quod pleriq; om

nes

nes præfecti consiliarij, ac confessarij, imo & prælectores gymnastæ totius Regni, quorû bona pars me audiuit, ingenuè pro sua in Deum & in me charitate, testantur.

VI. quòd primariæ functionis sacrorum Canonum cathedram Salmâticensem, quam nullus ante me unquam auditur reliquisse, nisi ob opulentum episcopatum, præfatæ Imperatricis Regiæ matris obnixo rogatu reliqui præcedentibus quinque iussibus, duabus eiusdem Imperatricis, quæ absente Imperatore illius regna gubernabat, & tribus eiusdem Imperatoris, qui tunc superuenerat, quibus academiam renitentem, & ab eis supplican-tem adegerunt, ut mihi facultatem abeundi ad confirmandam Conymbri-
censem recens fundatam in Portugalia, faceret; qua sine iuraueram me nullatenus eam relicturum, ne summorum mihi ab ea beneficiorum collatorum immemor esse iudicaretur.

VII. Quòd præfatorū Regis num
 parentum mandato in Conymbricā
 translatus, præfatis eius foceris Lufi-
 taniæ Regibus D. N. circiter 16. an-
 nos, ope diuina, tāta fide, cura, studio,
 & labore, nullo morbo vel alio nego-
 cio impeditus, omnibus id attestanti-
 bus feruiui, q̃ non solum ipsi me infi-
 gniter diligeret, sed et omnes eorū re-
 gnorū, tam summates q̃ mediocres &
 infimates egregiè me et in hunc diem
 diligūt delecturi, vt spero in Deo, eter-
 nū. Neq; tantū dilexerunt & diligūt,
 sed etiam ex animo cupiunt, vt reco-
 gnitis & editis meis operibus ad eos
 reuerterer, insigni aliquo apud eos
 honore sepeliendus. Quæ obsequia,
 parentum Regis mandato etsi non est
 superbū dicere rogatu; fratribus eorū
 dem & Regis foceris præstiterim; imo
 & cum litteras eorundē habeā in hūc
 diē seruatas, quibus promiserunt, se
 imputaturos sibi, quæcumq; suis fra-
 tribus obsequia præstarē: nonne illo-
 rum

rū & Regiæ Maiestati præstita censenda sunt? Præsertim q̄ Deo Opt. Max. teste, Maximus ille Gubernator Cardinalis Iohannes à Tauera, mirāti mihi, q̄ Maiestas Castellana per litteras iustitię de supremo eius consilio, (cui tunc ille præsidebat) emanatas, adeo absolutè iuberet Salmanticæ, vt mihi suo gymnastæ facultatem adeundi Conymbricam faceret, respondit, quòd Maiestas Castellæ, Maiestati Portugalliæ, cum ob alia, tum vero maximè ob fauorem & auxilia insignia, quæ Castellæ præstiterat, quando aduersus Cæsarem à regno absentem insurrexit Castellana communitas, quòd iure Cæsar velle debebat, non tantum vt Salmantica, quæ pars quædam Castellæ est, ideoque ipsius salus à totius salute pendebat aliquam ob meam absentiam iacturam pateretur; sed etiam vt aliæ se offerrent occasiones gratificandi tam vicinæ, tamque cognatæ ac amicæ

amicæ Maiestati, & si id sine aliquarū partium maiore iactura fieri nequiret.

VIII. Quòd præfatis his annis multos libros Regijs Regnis eruditorum iudicio vtiles composui. Primum in tres de pœnitentia distinctiones posteriores, dicatum Regi & D.N. Ioanni tertio Regum ætatis suæ (absit verbo adulatio) religione eleemosinis, ornatu prudentia tam belli quàm pacis artibus insignita, iustitia clementiæ radijs corusca, magnificentia, omni genere modestiæ decora exemplari. Secundum de laude & detractiōe in c. Inter verba II. q. 3. Tertium de oratione vocali, in cap. Quando, de consecrat. dist. I. Quæ duo lingua vulgari scripta dedicaui Reginae Catherinæ huius nominis primæ, præfato Regi suo coniugi omnibus præfatis nominibus pari; & eo quòd ei superstes in dies se maior fit; & in educando amborum nepote Rege nostro Sebastiano tā sanctè vt speretur, omnes suos
auos

auos & proauos superaturus; illo su-
 periori. I I I. in c. si quando & c.
 Cum contingat, de rescrip. super ha-
 bilitate ad beneficia, & remedijs con-
 tra censuras male latas, ad eandem
 Reginam, sed latinè. V. de vtraq; su-
 prema potestate in cap. Nouit, de iu-
 dic. supremo illi Principum flori Re-
 gis D. N. Philippi sororio dedicatum.
 V I. Manuale Confessariorum lingua
 Lusitana ad Cardinalem Infantem don-
 num Henricum præfatorum Regum
 fratrem multis nominibus superillu-
 stre & incomparabilem ascriptum.
 V I I. ipsum met Manuale Castellano
 sermone donatum & auctum, Dõnæ
 Iohannæ sorori Regiæ Germanæ Por-
 tugalliæ Principi multis nominibus
 altissimæ D. N. in Castella oblatum,
 V I I I. de Indulgentijs in. S. In Leuiti-
 co de pœnit. distin. i. Latinè ad illam
 probè latina callentem Infantem Dõ-
 nam Mariam præfatorum Regum so-
 rorem, & in Reginam Hispaniarum à
 Cæsare

Caesare delectam, & à tota Hispania
 maximè desideratam, immo & ab Re-
 ge nostro Philippo per procurato-
 rem iamiam ducendam vxorem, si
 vnum diem integrum plus Eduardus
 Anglus vixisset. quod maximo Hispa-
 niarum & totius Christiani orbis ma-
 lo malus aliquis spiritus impediuit.

Ix. de amissione possessionis per re-
 nunciationem in c. Accepta de restit.
 spoliat. ad longè Illustr. episcopatum
 & Comitem Conymbricensem Dida-
 cum Soarez; cuius me bonam partē
 pronunciantem tribus horis attentis-
 sime in frequentissimo confessu audi-
 uit.

X. de armis & alijs rebus ad infide-
 les non exportandis, in cap. Ita quo-
 rundam de Iudæis Illustr. Collegio
 Societatis IESV Conymbricano dica-
 tū.

Xi. de plurimis pijs additis ad præ-
 fatā repetitionē c. Quando Reueren.
 Abbatissæ S. Claræ Albiensi Donnæ
 Annæ ab Ezpeleta Nauarræ ascriptū.

Ix. Quod reuersus Conymbrica
 Por-

Portugallia in Castellani, primū præfata Regiæ Maiestatis fororis. D. N. quæ Regna eius tunc gubernabat iussu, duo Illustr. ordinis canonicorum regulariū monasteria, non sine laude bonorū, visitaui. Deinde iussus à cōsilio Regio magno, vt Manuale prædictū in Castella typis excudi facerē, annū circiter integrum latens intra typographi domū inclusus impendi, & recognoscendo & augendo & cōponendis quinq; cōmentarijs resolutorijs, quos illi Principum summo Carolo; (quē mors immatura, suisq; omnibus Imperijs inuisa tulit) dicaui. Et quòd ab eo loco in quo latebam euocatus, præfata Principis iussu adiui eius curiam, & super dubiis maximè neq; minus controuersis, statumq; publicum tangentibus respondi Deo & Regi, (vt euentus docuit) grata. Et postea Regis Maiestatis geminato iussu causam Reuerendiss. Toletani, qua parte iusta esset defendendā cū alijs collegis meis

meis suscepi. In quã totos nõuem annos finiendos dimidiato mense Augusto huius anni 1570. impendi vna cum doctore Delgado cum primis sui ordinis prudenti, pio, & docto, collega meo plurimum mihi suspiciendo, qui aliquot menses ante me Pinciam ad idem negocium iuerat; Idque feci, plerisq; omnibus æstimantibus, decere me magis agere iudicem, (qualem etiam in inquisitione Lusitanie aliquando egeram) quam aduocatũ, qualis nunquam fueram, præsertim coram iudicibus, qui me cum discerent Salmanticæ doctorem celebrem ibi viderant. Quod feci, & facio auersus à recognoscendis & edendis meis lucubrationibus, cuius rei causa præcipuè Conymbricam reliqui: Inqua est notorium perdidisse me ac perdere quotannis, quingentos ducatos, seu cruciatos ex salario mihi statuto, quo ipsam meam cathedram, cū mille ducatorum salario mihi statuto iubilatam

bilatam prælegerem & multos alios incertos, quos uti Decanus conferendo gradus præsidendo & consulendo lucrari poteram; fruens gratuita habitatione in palatio Regio sito in terra omnium, quas ego colui, temperatissima saluberrimaque. Tandemque cum libellum de redditibus ecclesiasticis, quæ sermone vulgari Regiæ Maiestati dicaueram latinitate donatum S. D. N. Pio Papæ V. hic offerre vellem; perpendens, multos etiam alios qui Regi bene affectos; parum decenter de tanta Maiestate sentire; non satis quidem polito stilo, sed satis magna meorum dictorum fide, nomen eius & gloriam vindicaui.

X, quod tua ipsa Excellentia nouit & multi alij testantur præfatum Regem non parum responsis de iure meis deferre solitum: epistolasque meas pro sua, (quæ incomparabilis est) benignitate, libenter legere precibus meis etiam pro alijs porrectis benignè annuere:

nuere: palamq; esse precēs pro me super habendis ad imprimēdum opera mea priuilegiis benignissimè audisse. Immo & Carolum IX. Galliarum Regem rogasse vt nemo in regnis eius, opera mea sine meo consensu imprimeret. Quod amplissimè ille cōcessit; asserēs se ad Regis nostri suiq; fratris instantiam concedere in literis quæ super hoc Gallicè confectæ, & iam aliquot ex operibus meis præfixæ, prostrant. Neq; memini quicquā ab eius Maiestate petiisse quod non concesserit. Immo contra non semel audiui gratum ei futurum vt aliquem à se honorem peterem. Quod etiā ex eiusdē verbis arbitror me bis subintellexisse. Quem, quia, vt ait Aug. Otium sanctum quærit charitas veritatis, & negocium iustum suscipit necessitas charitatis; non petij, neque licuit fortè petere, etiam si licuisset accipere.

Cum igitur Excellentiss. D. omnia
hæc,

hæc, quæ, in prælatis decem dictis continentur sic se habeant. Cumq; argumenta æmulorum monstraui esse falsa, vel impertinentia, iustum profecto arbitror credendum esse Maiestatem Regiam in omnes adeò benignā & gratam, non esse in me solum, à sua conditione ingenita, longoq; habitu aucta, alienam; vt me, quem debet diligere, oderit.

Quare supplico Excellentiaæ tuæ, vt pro isto quo es in me candore animi, efficias ea via quam tua rara prudentia spiritus sancti gratia fulcita suggerit, ne me S. D. N. gratia, qua prosequi cæperat destituat; eo quod putet me tanti Regis gratia priuatum. & vt Regia Maiestas dignetur significare me sibi fidelem Regnisq; suis vtilē fuisse, ideoq; sibi non esse ingratum, quod maximo beneficio ducam. Quoniam post Maiestatis Diuinæ gratiam maximè debeo expetere Apostolicā & Regiam qua fouear & seruiam tran-

N quillius

quilius Deo Opt. Max. qui faxit vt Excellentia tua in Nestoreos annos, magis ac magis illius supernis augeatur donis, quibus promissiones eius, quæ omne desiderium superant, consequatur vna cum Illustr. D. Donna Iohanna de Alhama Duce Gubernatriceq; pientissima. Amen.

Ratio cur non solum Regem Philippū appello D. nostrum, sed etiam Regē Portugallię; illa est, q̃ sicut origine sum Nauarrus & ita Regi Philippo subditus; ita domicilio iussu patrum eius in Lusitania contracto Regi Portugallię subditus. Vtrique sine tamen alterius, & alius cuiuscumq; iniuria, omnibus neruis Christianè (vt debeo) Diuina ope inferuiturus. Quo vtinam tranquillentur animi eorum, qui se suaq; tantum norunt & amant; ob idq; etiam eo nomine metaxant q̃ in amando, colendo, laudando, & qua parte par est magnificando Imperium Lusitanū, eis videar æquò longior:

longior: cum tamen palam sim eis, qui illud, illiusq; res gestas nouerunt longè breuior & curtior. Neque tua hoc Excellētia Excellentiss. Princeps miretur. **Q**uia non desunt, qui me malè affectum Hispaniis iudicent eo q̃ Romam, & alias Italas Vrbes, è quibus est etiam ista Mediolanum, absolute omnibus nominibus, Urbibus illarum insignibus non postponam. Cum tamen id, absq; Dei cōscientiæque meæ offensa nequeam facere. Tam putant aliqui, neminem esse vere Hispanum, qui vere vel secus, omnia Hispaniarum omnibus aliarum gentium non præfert. Quasi egeat Hispania vllius mendacijs, quo credatur esse pars Orbis Christiani cum primis nobilissima. Et quasi non sit verū illud, Terræ omnes non possunt omnia ferè.

Etiam atque etiam vale Princeps Pientissime.

INDEX COPIOSVS

eorum quæ in hoc opere continentur.



^ACTVS cuiuscunq; virtutis quamlibet bonus, si principaliter fiat ob bonum temporale, siue pecuniarium, siue honorarium malus. num. 30. fol. 62

Actus ex se bonus ne fiat malus, ob præstitutionem honoris & aliorum bonorum vt ilium pro fine, duo exigi. nu. 67. 120

Actus idem non potest esse bonus & malus etiã diuerso respectu. nu. 17. 28

Actus omnis cuius finis etiam minus principalis est malus, malus. nu. 38. 72

Actus omnis sine bono apto carens, malus; etiam si malo quoq; careat. nu. 58. 106

Actus quibus candidati specimen ingenij, eruditionis, artis, virium & aliarum dotum exhibentur ad promerenda premia plus merentibus proposita quò vt sint boni fient. nu. 68. 129

Actus virtutis iuste fit minus principaliter ob temporalia bona. nu. 33. 62

Actus virtutum facti principaliter ob salutem et vitam

- vitam mali secundum Adria. Id tamen non es-
se verum in omnibus. nu. 32. 62*
- Actuum de se bonorum cur bona pars mala. nu.
70. fol. 130*
- Adulterij peccato cur maius homicidium.
num. 52. 87*
- Amare Deum aequè ac aliud vel minus cõpara-
tiue peccatum nõ autem simpliciter. n. 24. 29*
- Amat qui aliquid ita ut malit frangere legem ad
mortale obligantem, quàm desistere ab illo a-
more peccat mortaliter. nu. 21. 28*
- Antinomix quedam graues nouè conciliantur.
nu. 28. & 29. 50*
- Apologia in eos qui falsis & impertinentibus de
causis nisi sunt persuadere Romæ insensum esse
authori Regem Philippum Hispaniarum hu-
ius nominis secundum. nu. 76. 143*
- Authorem iuste potuisse debuisseq; suum hono-
rem defendere. nu. 75. 142*

B

- B***eatitudinis titulo qui et qua ratione iuste gau-
deant. nu. 14. 27*
- Beatitudo & virtus ut comprehendit diuinam et
humanam; & ratio ut est genus ad natura-
lem & super naturalem. nu. 34. 62*
- Beatitudo in nulla re creata consistit, etiam iuxta
naturalem rationem: non in diuitijs, non in ho-
noribus, non in fama & gloria, nec in poten-*

I N D E X

- tia, non in ullo corporis uel animæ bono, nec
uoluptate licet inhæreat animæ; sed in solo
Deo qui eam producit. nu. 12. 27
- Beatitudo in quo consistit, & quid sit essentiali-
ter. nu. 11. 27
- Beatos multos falsè dici. nu. 13. Et est duplex re,
& spe consumata patriæ, & consumanda uis
& hanc tales, & tales habere. nu. 14. 27
- Bona facere publicè non esse facilè omnibus, ideo
fugiendus multis episcopatus. nu. 73. 129
- Bona honoraria esse bona fortunæ, ineptaq, ut
sint finis principalis uirtutis. nu. 44. 86.
- Possunt autem esse finis minus principalis.
nu. 45. 86
- Bona insignia publicè facturis, quid premeditari
debeat ne sibi toxica fiant. nu. 71. 130
- Bona quæ quis facit nosse & velle ab alijs illa
probari licet. nu. 54. 105
- Bona uirtutis & animæ præstantiora bonis cor-
poralibus & utilibus. nu. 30. 62
- Bonorum honorariorum, quæ quinque sunt, appe-
titus, & contemptus fit malus ex fine malo,
qui contingit tripliciter. nu. 57. 106
- Bonū aliud, propter se solū, aliud, propter aliū so-
lū; aliud, propter se, et aliud amabile. n. 24. 29
- Bonum delectabile propter se amabile. nu. 5. 3
- Bonum duplex, verum & apparens: idq, triplex,
honestum, delectabile, & utile. nu. 3. 8
- Bonum

Bonum quoddā propter se tantum amabile, quoddam propter aliud tantum: quoddā propter se & propter aliud, & quæ sunt illa. nu. 5. 8
 Brauea ad honorem incitantia licita. nu. 45. 86

C

Causa finalis incaute diffinitur à Bartho. nu. 37. 72
Coronas honoris varias pro varijs gestis Roma instituit. nu. 45. 86

D

Deus firmitus necessario amandus licet non feruentius & intensius. nu. 20. 28
 Distributiones ob lucrandas minus iuste surgitur. num. 32. 72

Doctoratum in Theologia sine mortali potest assumi principaliter ad gloriam humanam ab idoneo. nu. 64. 112

E

Eleemosinā maiorem largiri eo q̄ publicè vel à maiore petatur nō esse malū. nu. 72. 122
 Eleemosinam publice largiri debere Prælatos. nu. 73. 122

F

Fama quid? & aliter quàm à iureconsulto diffinita. nu. 48. 86
 Fine à suo actus suā speciem sortiuntur qui finis est primus in intentione, licet quando est alius ab obiecto, sit ultimus in executione. n. 10. 27

N üij Fine

I N D E X

- Fine de ultimo Vitæ humane inquisitio Aristote-
lis non adeò magnificianda &c. quia facile
aliunde discitur. nu. 11. 27*
- Finem ob aliquem esse ultimum humane vitæ e-
tiam naturali ratione probari. nu. 15. 27*
- Finem ob aliquem hominem et alia omnia agere,
sed alia & alia ratione. nu. 10. 27*
- Finem ob ultimum, hominum omnia agere, non
videri verum contra Thom. nu. 15. 28*
- Finem principalem non arguit cessatio operis illo
cessante. nu. 37. 72*
- Fine quo satisfat obligationi ponendi finem a-
ctui. nu. 35. 63*
- Finem ultimum non ponit omnis in eo in quo etiã
scienter mortaliter peccat. nu. 22. 29*
- Fines duos ultimos etiam falsos, nemo uno & eo
dem tempore habere potest. nu. 20. 28*
- Fines & scopi ultimi in quos viatores omnia refe-
rant duo sunt. nu. 25. 50*
- Fines multi possunt esse principales eiusdem a-
ctus. nu. 37. 72*
- Fines ultimi falsi tot quot falsæ opiniones putant
esse omnium amabilissima. nu. 20. 28*
- Finis cuius malus ipsum quoque malum : & fi-
nis cuius bonus ipsum quoque bonum. n. 1. 7*
- Finis & medium potest esse idem diuerso respe-
ctu. nu. 4. 8*
- Finis exactè diffinitur & declaratur. nu. 3. 7*
- Finis*

- Finis iterum duplex, cuius, & quo. nu. 6. 8
- Finis iustus omnium actuum, omnium virtutum
Deus, Beatitudo & virtus ut comprehendit
divinam & humanam, & ratio ut est genus
ad naturalem & supernaturalem. nu. 34. 62
- Finis malus, quia malum culpa, & finis malus,
quia ineptus multum distant. nu. 36. 63
- Finis minus principalis, & obiectum orationis
possunt esse temporalia; non autem finis prin-
cipalis. nu. 43. 73
- Finis minus principalis inseruiantis Deo, ecclesiæ
& prelato, potest esse beneficium ecclesiasti-
cum; & mutuantis lucrum. nu. 39. 72
- Finis minus principalis nullius actus virtutis po-
test esse bonum temporale. nu. 32. 72
- Finis non idem iuris utriusque secundum Com-
munem: sed contra Fortunius, qui quatuor di-
ctis satis conciliatur. Quodq; beatitudo vera
quæ Christiana est, supernaturali tantum lu-
mine cognoscitur. nu. 29. 50
- Finis operantis licet sit posterior fine operationis
secundum ordinem executionis, est tamen
prior secundum ordinem intentionis: & ita
principalior. nu. 26. 50
- Finis primo duplex ultimus & medius. Ultimus
item duplex, verus & falsus, medius item du-
plex. nu. 4. 8
- Finis principalis actus virtutis, nequeunt esse
laus,

laus, honor, fama & gloria. nu. 44.	83
Finis principalis orationis iustus nequeunt esse temporalia. nu. 43.	73
Finis quarto duplex bonus & malus, cum suis diffinitionibus. nu. 8.	8
Finis quinto duplex principalis & minus principalis cum suis diffinitionibus. nu. 9.	8
Finis tertio duplex, operationis, et operātis. n. 7.	8
Finis verbum, masculino & fæminino genere profertur. nu. 2.	7
Finium humanorum ætuum cognitio ad rectè uiuendum, & examinandam conscientiam necessaria. nu. 1.	7
Fortia facta ob honorem, aut pudorem peccata. nu. 31.	62
Fortunius Cantaber laudatus. nu. 29.	50

G

Gloriam ob humanam facere aliquid, tanquā ob pretiū vel alias differunt. nu. 64.	119
Gloriam Romani gentiles cur vitæ præponebant. num. 52.	87
Gloria pro seruāda non obiisse Eleazarum sed pro virtute, quæ gloriam meretur. num. 53.	87
Gratianus aliqua tribuit utiliter Augustino contrarius Erasmo, qui multa ei damnosè adimit. nu. 2.	7
Gratiæ gratum facientis esse Et us quidam insignis. nu. 19.	28

H

Honoraria bona quæ probant esse inepta pro
fine actus virtutis, intelligenda de fine
principali, & quæ contrarium probant de mi-
nus principali. nu. 46. 86

Honoraria bona quæ sunt quinque tum demum
pro fine minus principali rectè poni cum refe-
runtur in alium actum: alias non, cum pulchra
declaratione. nu. 62. 119

Honoraria bona. s. reuerentia, laus, fama, honor
& gloria conueniunt. Primo quòd nunquam
aliud pro alio ponitur, secundo quòd nullum eo-
rum est virtus, & q̄ sunt bona externa for-
tuna, excepta aliquando reuerentia, & quòd
non sunt propter se amanda. nu. 50. Tertio
quod omnia illa sunt maiora quam pecunia-
ria. quarto quòd sunt maiora quam vita. &
alia corporalia bona. nu. 51. 86

Honor exhibetur & recipitur iustè cum debe-
tur & spontè datur. nu. 56. 106

Honoraria bonorum appetitus inordinatus, vò
plurimum ueniale peccatum; sed quinque ca-
sibus mortale. n. 59. 106. Quod ipsum di-
cendum de contemptu eorum. nu. 60. & e-
tiam de appetitu & contemptu caterorum bo-
norũ utilium. nu. 61. & de complacentia &
displicentia, de obtentu omnium tam honorario-
rum, quam aliorum utilium. nu. eodem.

Hono-

*Honorariorum bonorum appetitus non referens
ea in aliud est malus. nu. 58. cit. 106*

*Honorariorum bonorum appetitus vel contem-
ptus sit bonus ex bono fine, qui triplex poni-
tur à Thoma. num. 55. cui adduntur alij tres.
nu. 56. cit. 105*

*Honorariorum bonorum, quæ sunt, quinque, appe-
titus & contemptus suapte natura neque bo-
nus, neque malus. nu. 54. cit. 105*

*Honore pro seruando moriendum vulgatum
elogium, sed error, nisi intelligatur &c.
num. 53. cit. 87*

*Honor iam quesitus cur magna cura conseruan-
dus. nu. 74. cit. 129*

Honor quid? nu. 48. cit. 86

*I**nfidelium actus non omnes mali. nu. 15. cit. 18*

*I**ntellektus dicti quotidiani Gregorij de lau-
dis requisitione. nu. 65. cit. 119*

*I**ntellektus illius Pauli. Qui gloriatur in Domino
glorietur, &c. nu. 44. cit. 85*

*I**ntellektus. l. Codicillis. §. Matre. ff. de leg. 2.
num. 52. cit. 87*

*I**ntellektus. l. Isti quidem. ff. Quod met. cau.
num. 51. cit. 87*

*I**ntellektus quorundam Domini doctorum, & a-
liorum doctorum. nu. 69. cit. 129*

*I**ntentio est actus voluntatis & qualis. nu. 1. cit. 7*
Iusti-

Justitia non contrahit, volens quod suum non est, si
non est alienum. nu. 63. 109

L

Laudem vel gloria ob humana facere princi-
paliter qd institutum est principaliter ad glo-
ria De non est mortale contra Ang. n. 64. 119

Laudis & bene & male appetite quinque
exempla quotidiana. nu. 66. 120

Laudis, gloria, vel honoris, de excellentia, qua
quis caret, appetitus non est mortalis contra
Abulen. nu. 63. 119

Laurea honoris litteraria tres: Baccalaureatus:
Licentiatus, & Doctoratus. nu. 45. 86

Laus etiam sine sermone litteris sacris & cano-
nicis. nu. 47. 86

Laus non solum virtuti sed etiam alijs bonis de-
bita. nu. 47. 86

Laus quid? & in quo ab honore differat. nu.
me. 47. 86

Legibus aliquot cur renunciari potest, licet prin-
cipaliter publicam utilitatem, quam privatam
respiciant. nu. 29. 50

Lex iusta principaliter fit ob utilitatem publicam,
quam privatam. nu. 27. 50

M

Mediorum in finem relatio fit uno actu,
quandoq; pluribus, inter que plurimum
distat. nu. 17. 18

Mutans

Mutuans iuste sperat lucrum minus principali-
ter. nu. 39. 72

O

Ociosum omne deliberatum, quale est, quod
sine careat malum, & ideo nullus actus
in individuo indifferens. nu. 38. 106

P

Patrem magis tenetur diligere filius quam
pater filium. num. 52. 87

Peccatur non habitu sed actu cum exemplo quo-
tidiano. nu. 23. 29

Penas qui statuunt, & qui ob eas obediunt, ut
peccant. nu. 40. 73

Prædicanti ob gloriam humanam non queritur
aureola doctoralis. nu. 44. 85

Premia qui statuunt, & qui ea querunt ut pec-
cant. nu. 41. 73

R

Referre in Deum nos omniaque nostra actu vel
virtute utile, sed non semper necessa-
rium. nu. 16. 28

Referendi nos & nostra Deo modus utilis.
nu. 19. 28

Referri posse omnia quæ non sunt peccata in
Deum. nu. 15. 28

Regula illa, cuius finis malus est, &c. sine ul-
la exceptione vera. nu. 30. 62

Relatio duplex: actualis & virtualis, quæ diffi-
nitur

nitur exactè nu. 18. 28

Restitutio bonorum pecuniariorum excusatur si
fieri non potest absque amissione honorario-

r. m. . nu 15. 86

Reue. . *in* quid? nu. 49. 86

S

S Circ ut . . . tantum, si & quando peccatum.
nu. 24. 29

T

Timore Deo seruientium, qui bene, & qui ma-
le merentur. num. 42. 73

Timorem quem non cōpat. tur charitas. n. 42. 73

Timor seruilis qui bonus, & qui malus. n. 40. 73

V

Verbum propter quatuor causas significat ef-
ficientem finalem, &c. nu. 3. 8

Vitam honori & gloria, & virtutem virtuti
præferendam. num. 53. 87

F I N I S.


Registrum

A B C D E F G H I K L M N.

Omnes sunt Quaterniones.

V E N E T I I S, M D L X X I.

Ex Officina Petri Dehuchini.



PANDIMIGLIO

APR. 1971

LEGATORIA - ROMA

